





**IMAGE EVALUATION
TEST TARGET (MT-3)**



**Photographic
Sciences
Corporation**

23 WEST MAIN STREET
WEBSTER, N.Y. 14580
(716) 872-4503

25
2
2

**CIHM/ICMH
Microfiche
Series.**

**CIHM/ICMH
Collection de
microfiches.**



Canadian Institute for Historical Microreproductions / Institut canadien de microreproductions historiques

© 1987

Technical and Bibliographic Notes/Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- Coloured covers/
Couverture de couleur
- Covers damaged/
Couverture endommagée
- Covers restored and/or laminated/
Couverture restaurée et/ou pelliculée
- Cover title missing/
Le titre de couverture manque
- Coloured maps/
Cartes géographiques en couleur
- Coloured ink (i.e. other than blue or black)/
Encre de couleur (i.e. autre que bleue ou noire)
- Coloured plates and/or illustrations/
Planches et/ou illustrations en couleur
- Bound with other material/
Relié avec d'autres documents
- Tight binding may cause shadows or distortion
along interior margin/
La reliure serrée peut causer de l'ombre ou de la
distorsion le long de la marge intérieure
- Blank leaves added during restoration may
appear within the text. Whenever possible, these
have been omitted from filming/
Il se peut que certaines pages blanches ajoutées
lors d'une restauration apparaissent dans le texte,
mais, lorsque cela était possible, ces pages n'ont
pas été filmées.
- Additional comments:/
Commentaires supplémentaires:

- Coloured pages/
Pages de couleur
- Pages damaged/
Pages endommagées
- Pages restored and/or laminated/
Pages restaurées et/ou pelliculées
- Pages discoloured, stained or foxed/
Pages décolorées, tachetées ou piquées
- Pages detached/
Pages détachées
- Showthrough/
Transparence
- Quality of print varies/
Qualité inégale de l'impression
- Includes supplementary material/
Comprend du matériel supplémentaire
- Only edition available/
Seule édition disponible
- Pages wholly or partially obscured by errata
slips, tissues, etc., have been refilmed to
ensure the best possible image/
Les pages totalement ou partiellement
obscurcies par un feuillet d'errata, une pelure,
etc., ont été filmées à nouveau de façon à
obtenir la meilleure image possible

This item is filmed at the reduction ratio checked below/
Ce document est filmé au taux de réduction indiqué ci-dessous.

10X	12X	14X	16X	18X	20X	22X	24X	26X	28X	30X	32X
								/			

The copy filmed here has been reproduced thanks to the generosity of:



Library Division
Provincial Archives of British Columbia

The images appearing here are the best quality possible considering the condition and legibility of the original copy and in keeping with the filming contract specifications.

Original copies in printed paper covers are filmed beginning with the front cover and ending on the last page with a printed or illustrated impression, or the back cover when appropriate. All other original copies are filmed beginning on the first page with a printed or illustrated impression, and ending on the last page with a printed or illustrated impression.

The last recorded frame on each microfiche shall contain the symbol \rightarrow (meaning "CONTINUED"), or the symbol ∇ (meaning "END"), whichever applies.

Maps, plates, charts, etc., may be filmed at different reduction ratios. Those too large to be entirely included in one exposure are filmed beginning in the upper left hand corner, left to right and top to bottom, as many frames as required. The following diagrams illustrate the method:



L'exemplaire filmé fut reproduit grâce à la générosité de:


Library Division
Provincial Archives of British Columbia


Les images suivantes ont été reproduites avec le plus grand soin, compte tenu de la condition et de la netteté de l'exemplaire filmé, et en conformité avec les conditions du contrat de filmage.


Les exemplaires originaux dont la couverture en papier est imprimée sont filmés en commençant par le premier plat et en terminant soit par la dernière page qui comporte une empreinte d'impression ou d'illustration, soit par le second plat, selon le cas. Tous les autres exemplaires originaux sont filmés en commençant par la première page qui comporte une empreinte d'impression ou d'illustration et en terminant par la dernière page qui comporte une telle empreinte.

Un des symboles suivants apparaîtra sur la dernière image de chaque microfiche, selon le cas: le symbole \rightarrow signifie "A SUIVRE", le symbole ∇ signifie "FIN".

Les cartes, planches, tableaux, etc., peuvent être filmés à des taux de réduction différents. Lorsque le document est trop grand pour être reproduit en un seul cliché, il est filmé à partir de l'angle supérieur gauche, de gauche à droite, et de haut en bas, en prenant le nombre d'images nécessaire. Les diagrammes suivants illustrent la méthode.








LA SVITE DE
L'HISTOIRE
DES INDES
ORIENTALES.

DE LA
CONVERSION
DES INDIENS.

LA TROISIÈME
PARTIE.

A DOVAY
Chez François FABRY
L'AN 1611.





LA SVITE
DE L'HISTOIRE DES
INDES ORIENTALES,
DE LA
CONVERSION DES INDIENS.

DV temps qu'Ignace de Lojola, premier fondateur & Pere de la compagnie du nom de I E S V S, se rendit avec ses compagnons à Rome, pour exhiber & iurer obeissance au S. Pere, qui lors estoit Paul troisieme de ce nom: le feu Roy de Portugal Iean troisieme, y entretenoit aussi le Seigneur Pierre Mascarenes pour Ambassadeur, lequel apres s'estre bien & au vray enquis de la vie, & maniere de faire de ces personnages, suyuant le mandement qu'il en auoit receu de son Prince, bien informé des-ja par les aduertissemens & lettres de ses amis, de leur vertu & religion: pratiqua & fit instance à sa Saincteté, qu'aucuns d'iceux fussent enuoyez aux Indes, pour y annoncer Iesus-Christ & son Euangile, car i'un des plus grands desirs de ce bon & Catholique Roy, estoit de voir ceste si esloignée Prouince renoncer à toute Idolatrie, & embrasser la foy & religion Chrestienne. Si n'en furét toutesfois enuoyez que deux, de dix qu'ils estoient (ain- si le voulut Ignace à qui nostre S. Pere s'en estoit entierement remis) François Xauier Nauarrois l'un, & Simon Roderic Portugalois l'autre, desquels non seulement l'arriuee à Lisbonne l'an 1540. fut au Roy chere & fort agreable: mais aussi tandis qu'ils attendoient la saison ordinaire, & le temps pour s'embarquer, ils donnerent vn tel essay de leur diligence & pieté, par plusieurs saintes actions, & bons offices, qu'ils rauirent chacun en admiration, & les appelloit-on communement Apostres (comme lon fait encores maintenât en Portugal) jaçoit que contre leur gré, & que selon leur humble modestie, ils reietent ce tiltre là, comme mal seant ce leur semble, à la petitesse de laquelle ils font profession. Ce tât beau & bié heureux succéz, feit presque oublier le Roy de ses Indes, & entrer en deliberation d'attirer en sô Royaume, les autres huit demeurez A Rome, plustost que de souffrir que ces deux premiers poursuiuisent leur voyage: mais eux qui n'auoiet rien tant au cœur, que de faire reluire la clarté de l'Euangile en ces pays Barbares, & tant esloignées de leur contrées, & voir avec le denger de leur vie, & au hazard de tout endurer pour l'amour de Iesus-Christ, executer leur premiere entreprise, feirent tant que le Roy se resoult de mettre es mains de François Xauier la prouince des Indes, & de retenir en Portugal, contre son gré, Simon Roderic, tant pource qu'Ignace auoit acquis delia beaucoup de compagnons, comme afin qu'il fut chef du college que sa majesté pretendoit d'eriger en son vniuersité de Conimbra, pour estre comme vn ample, & bien opulent seminaire de ceux qui de cesté congre-

gation seroyent à l'aduenir destinez pour les Indes. Et de fait le Roy a si bien fondé ce College, qu'estant renté seulement de sa premiere institution, pour l'entretenement & nourriture de cent personnes: le nombre a puis apres esté redoublé, & y est vne grande quantité d'hommes de ceste profession instituée en toutes sciences, & bonnes lettres.

Ainsi François Xavier partit de Lisbonne, pour passer és Indes avec Martin Alfonse Sosa, Lieutenant pour le Roy en ces pays: l'an de grace 1541. ayât choisi pour son compagnon vn personnage fort excellent de sa congregation, nommé Paul, & diligent si bien qu'il meit fin à ce premier voyage l'année suivante, durant lequel il tint vne manière de viure, qui fut comme vn gage, & pronostic assuré de ce qu'il feit tout le demeurant de son aage. Car dès le iour qu'il s'embarqua, il se monstra si diligent, si courtois & debonnaire, enuers les malades & souffreteux, tant de son vaisseau, que de l'Isle de Mozambique, là où la flotte passa l'yuer, & les secourut avec telle gayeré, & bonne grâce, que chacun l'estima dès lors homme de si grande saincteté & perfection, que ceux, qui se trouuerent presens à ce voyage, ne scauroient assez hautement à leurs aduis, parler de ses belles actions. Arriué qu'il fut à Goa, d'vn costé il se meit à bon escient, à instruire les infidelles en la Foy de Iesus-Christ, & de l'autre il s'employa à refotmer, & façonner les meurs des Chrestiens qui desjà y estoient habituez, & à les bien assurer & confirmer en la religion Catholique. Et non content de ce, il alloit visitât les malades, & les prisonniers, il estoit souuent és hospitaux, ains s'y logeoit en personne, pour mieux secourir les pauures patients, ausquels iour & nuit il se rendoit merueilleusement sujet, enseuelissant, & enterrant de sa main les corps mors, & celebrant puis apres la messe pour leurs ames, chose qu'il garda fort estroitement tout le temps qu'il fut és Indes. Sy ne laissoit-il pas pourtant avec toutes ses belles & grandes occupations, d'oüir les confessions de plusieurs, de faire ses predications ordinaires, de donner conseil en particulier à ceux qui pour leurs difficultez spirituelles s'adressoient à luy, d'appaiser plusieurs differens & querelles entre les parties: bref de continuer beaucoup de tels & autres bons offices: ce qui le rendoit merueilleusement agreable à tout le peuple, duquel il estoit grandement respecté & honoré.

Or apres qu'il eut ainsi seiourné quelque mois à Goa, non sans fruit inestimable de toute la Chrestienté de l'Isle, il s'achemina vers la coste de Commorin, distant de là enuiron trois cens lieues, pays fort abondant en pierres, que le Roy fait pescher en mer, & qui fut jadis instruit en la foy de Iesus-Christ, par saint Thomas Apostre, mais pour lors n'auoient retenu que le seul tiltre, & comme l'ombre toute simple de Chrestienté: car quand Xavier leur demandoit conte de leur foy & croyance, ils allegoyent seulement, pour toute response, qu'ils estoient Chrestiens. Ayant donc ce bon personnage rencontré ceste vigne de Dieu toute en friche, abastardie & sauuage, delibera de n'espargner sa peine & son industrie, pour la bien bescher & cultiuer, appuyé de la faueur diuine, au moyen de laquelle, tout le temps qu'il y demeura, auança tellement sa besongne qu'il conuertit à Iesus-Christ vne grande multitude de peuple, duquel au rapport de ceux qui luy ont succédé de main en main, l'ame, & la conscience est si bien instruite & conformée en nostre religion, que ceste Eglise là se pourroit d'elle mesme bien & seurement maintenir en la verité Catholique, & perseuerer en icelle, quand bien les Portugais l'abandonneroient. Lon fait conte qu'il y a en ceste coste vers la marine plus de cent trente mille Chrestiens, desquels le nombre croist tous les iours incessamment, ce

qui doit

qui doit estre apres Dieu, rapporté au trauail & diligence de ce bon Xauier, qui ne se contenta pas de labourer ceste partie de vigne du cap de Commorin, mais passa plus outre iusques à Tranancor, Royaume qu'il acquist presque tout à Iesus-Christ, luy gagnant au surplus tant en icelle contrée, qu'entre le pays de Bringan, & Permanuel, plus de dixsept bourgades. Et si il estoit accort, & vigilant au profit & salut d'autrui, il n'estoit rien moins soigneux & diligent enuers sa propre conscience: car il menoit vne vie, qui declaroit assez, que tout son but, & dessein n'estoit autre que de la gloire de Dieu, & l'edificatiõ de son Eglise. Et de fait les trauaux incroyables qu'il enduroit, l'integrité de vie qui estoit en luy, & neantmoins les outrages & persecutions qu'il souffroit patiemment, tant pour la conuersion des Barbares, que pour le bon reiglement qu'il mettoit entre les Chrestiens Portugais & autres, luy donnerent tel credit à Goa, quand on les entendit, que chacun ne pareroit d'autre chose, avec vne admiration extraordinaire, voire des Maures & Payens, qui pour ces hauts faits en telle modestie & patience l'appelloient le saint Pere. Ce bruit venu iusques en Portugal, le Roy Iean en fut aussi aduertty, par le rapport de personnes asseurées, du viuant du bon Xauier, mais beaucoup plus amplement apres son decez, & conués d'vne chose si notable, & induit par des actes si illustres, commanda par ses lettres patentes à son Viceroy des Indes, de s'enquerir diligemment, & en toute fidelité de la vie, & miracles de François Xauier, & luy en enuoyer l'entiere information, & ce qu'il en auroit peu apprendre. La teneur des lettres Royales, là où l'on voit à l'œil quelle opinion ce bon Roy auoit de ce saint personnage, est telle.

LETTRES DE IEAN TROISIEME, ROY DE Portugal, à son Viceroy des Indes.



VICEROY mon amy, ie vous desire salut, la vie & les œures de François Xauier ont esté si exemplaires, qu'il me semble estre bien fort necessaire de les mettre en euidence, & faire voir à tout le monde la gloire de nostre Seigneur & Createur. Et afin que l'histoire qu'on en dressera, soit de plus grande auctorité, & mieux receuë de tous comme veritable, ie veux, & vous ordonne que vous faciez vn recueil en toute diligence, de la part où vo' pourez finer tesmoins dignes de foy de tout ce qu'il a pleu à Dieu faire de beau, & d'admirable par le moyen de ce saint personnage, tant en sa vie qu'apres son decez, & le tout estant autanti-quement enregistré, le me faciez tenir le plustost que faire se pourra, & vous me ferez chose tres-agreable. Et combien que ie ne vous baille charge que d'en dresser les chartres & instrumens publiques, faites neantmoins que toutes les procedures soyent bien & par ordre publiquement enregistrées. Or vous ferez les enquestes en ceste sorte. Vous appellerez les tesmoins qui pourront sainement dire, & deposer de ce qu'ils sçauront auoir esté fait par François Xauier, es terres & pays des infideles, là où il a vescu & demuré, ensemble de sa vie, & de ses mœurs, & leur ferez prester le serment de vous respondre en verité. L'enqueste faite. les pieces escrites par vn greffier public: appellé aussi à cest acte l'auditeur general, signées de vostre main, & scellées de vostre seau, me seront enuoyées par trois diuers messagers: à Dieu. Donnée à Lisbonne le 27. de May 1556.

Receues que furent ces lettres du Roy, sa Majesté fut incontinent obeye,

& firent les officiers grand deuoir de luy faire tenir ce qu'ils auoyent peu ſçauoir au vray, des faiſts & dits de Xauier en ſi grand nombre, que ie ſerois trop long à les reciter par le menu, i'en diray ſommairement quelque partie. Cependant que Xauier eſtoit en la coſte de Commorin enſeignant le Catechiſme, & inſtruiſant ſes auditeurs en la religion Chreſtienne, il obſeruoit l'ordre qui ſ'enſuit. Le matin apres auoir dict ſes heures, il ſ'en alloit avec vn enfant, portant vne croix, parmy les rues de la ville, ſ'enquerant ſ'il y auoit quelque malade, ou quelqu'vn qui fut treſpaſſé, & ſ'il y auoit point d'enfans, ou d'autres deſia agez, qui vouluſſent eſtre baptizez. Si quelque ſemblable choſe ſe preſentoit, alors leuant les yeux & les mains au Ciel, cōme ſ'il eult voulu preſcher, il prononçoit ſort deuotement & à haute voix le ſymbole des Apollres, & les dix commandemens de la Loy, ce qui ſoudain luy attiroit vne grande multitude de peuple. Si ſa priere eſtoit pour vn malade, il la finiſſoit par quelque Euangile, mais quand c'eſtoit pour vn mort, il recitoit toujours à la fin quelques Pſeumes ſūebres, où diſoit meſmes les nocturnes pour les treſpaſſez. Ayant ainſi continué ſon trauail iuſques à midy preſque, quoy qu'il fut bien las, & haraſſé, ſi ne paſſoit-il pas vn ſeul iour pourtant, ſans faire vne leçon du Catechiſme: aux petits enfans. Si toſt qu'il auoit prins ſon repas, il dōnoit audience à tous les Chreſtiens, appointant leurs differents, reſpondant à leurs queſtions, mettant la paix entr'eux, & coupant toutes occaſions de noiſes, & de diuiſions: & ſur le ſoir, voire par fois de nuict, il alloit trouver les perſonnes qu'il auoit aſſemblez quelque part, pour les inſtruire & preſcher, Mais tous ces labours ueuenoyent encores plus aſpres, & difficiles à ſupporter, à cauſe des chaleurs exceſſiues du pays, & pour la grāde pauueteé auſſi qu'il gardoit eſtroictement, & la careſſoit tellement, qu'en tous ſes ſi longs voyages & peregrinations ſi eſtranges, il ne porta onc avec ſoy, ny bourſe, ny panier. Ce qu'il monſtra meſmes aſſez clairement à Goa au theſorier du Roy, ne voulant rien prendre pour ſouſtenir les frais de ſon voyage, de tout ce qu'il luy preſenta fort liberalement, & luy renuoya ce qu'il luy auoit faiſt preſenter de ſa part, ſ'embarquant ſans porter autre bagage ſur la mer, que ſon breuiere, vn autre petit liure & vn ſurplis, & viuant des aumosnes qu'on luy faiſoit tout le temps de ſa nauigation. Au reſte il ſouſtenoit courageuſement les Commois par luy baptizez, contre les oppreſſions de quelques Roys barbares, & d'autres tels perſecuteurs, mettant ſouuent en danger ſa vie pour l'amour d'eux, & de la querelle de Dieu.

Or il y a au Royaume de Biſnague, certaine maniere de gens nommez communement Badagaas, qui auoit forcé le Royaume de Tranancor en grand nombre, afin d'y ſaccager & meurtrir les Chreſtiens nouvellement baptizez: de quoy eſtant aduertty Xauier, qui demouroit en vne autre ville, ſe ietta en Tranancor, & ſans aucune crainte de mort, ains armé d'vn cœur & courage admirable, reprit aigrement la cruauté & felonnie des ennemis, & ſ'eſlança au milieu des pauures innocens, afin que pour les eſpargner ils pardonnaſſent auſſi aux autres qui reſtoient encores à occire. Et neantmoins il eſtoit ſi ordinairement pourſuiuy des Barbares, & pourchaſſé à mort, qu'il fut contraint vn iour pour ſe ſauuer, grimper ſur vn arbre, & ſ'y nicher toute la nuict, brulant d'vn ſi grand zele de veoir tous les infideles conuertis à la foy Chreſtienne, qu'il ne repoſoit ny iour ny nuict. Il y a certaines Iſles appellees del Moro, eſpays de Malucco, là où il ſe iour quelque temps, ſans aucune ayde ou ſecours humain, ains ſe trouuoit ordinairement en danger d'eſtre tué, ou empoiſonné, n'ayant iamais voulu vſer ny receuoir les contrepoifons que les

amys luy presentoiēt deuât que de s'y acheminer, & beaucoup moins acq̄ies-
cer aux remonstrâces qu'ils luy faisoïēt de n'aller en pays si Barbare, & là où par
plusieurs années il n'y auoit eu ny Pasteur, ny Prestre, d'autât que leur coustū-
me estoit cōme chose familiere de s'ē defaire par poison. Et s'appuyât du tout
en la faueur diuine, il escriuit vn iour de ce siē voyage en Portugal, à ses cōpa-
gnons, en ceste sorte: I'ay sceu bō gré à mes amys, & les ay remerciez des cō-
trepoisons qu'ils m'ōt voulu faire prédre, mais ie les ay escōduits pourtant en
les refusant, de peur de me mettre moy-mesmes en trop grande peine de ma
santé, & ne rien diminuer de l'esperâce que i'ay en Dieu, lequel s'ils prioient
pour moy deuotemēt me seruiroit d'vn seul & tres-suffisant remede cōtre tou-
tespoisons. Escriuit aussi en vne sienne lettre à Rome aux siēs de plusieurs diffi-
cultez de son voyage, de l'assiete & condition du pays en ceste maniere.

Ie vous ay escrit toutes ces choses ainsi pa: le menu, afin que vous entēdiez
de quelle consolation Dieu nous soulage en ces Isles Barbâres, car ces labours
& dangers que nous endurons pour son honneur & gloire, ce sont autant de
thresors, pleins de toutes ioyes spirituelles, de façon que ceste Prouince est
propre pour y perdre les yeux, à force de pleurer, pour les douceurs, & con-
tentemens inestimables que l'ame y reçoit. Car quât à moy ie n'eu onques tant
de cōsolation & de plaisir en mō esprit, qu'en ces pays cy, là où ie suis en conti-
nuelle allegresse, prenât fort gayemēt, & sans aucun ennuy, tous les trauaux &
labours du corps qui s'y presentent plus qu'ailleurs encore que les ennemis ne
soient pas loing de nous, & que les habitans ne m'ayment gueres, & la contrée
tellement sterile & pauure, qu'il n'y a pas de quoy viure, tant s'en faut que lō n'y
puisse trouuer ce qui est requis pour le soulagement des malades: qui est seule
cause suffisente, à mō aduis, de nômer ces Isles icy plustost de diuine esperâce,
que del Moro. Et si il y a vne espece de garnemēs en ce pays, qu'on appelle l'aua-
tes, qui s'estiment les plus heureux du monde quand ils peuuent couper la
gorge à vn homme, & de fait ils en massacrent beaucoup, & mesmes de ceux
qui croyent en Iesus-Christ.

En ces pays donc, & avec ses nations si farouches, Xavier seiourna trois mois
entiers, tâtoit faisant comme vne reueuē des Chrestiens qui y demeuroient, &
qui n'auoient esté de long temps visitez pource qu'ils sont esloignez des In-
des plus de mille lieuēs, ou pour n'auoir aucun Pasteur & Prelat: ayât meurtry
celuy qui les gouernoit auparauât, & tantost s'employant à la cōuersion des
Barbares, si heureusement qu'en vne seule ville nômée Tolo, il baptisa plus de
25. mille personnes, de tous aages, l'an 1547. depuis lequel tēps le nombre a esté
grâdemēt augmēté par ses successeurs. Or apres qu'il eut ainsi sagement ache-
uē ce pris-faict, il fut aduerty que les Isles de Maluco, & d'Amboino estoient
sans Docteur & maistre, qui les cōduist à Iesus-Christ, il feit tant qu'il y arriua,
cōme homme qui ne sçauoir iamais estre sans quelque besongne en main, & si
tost qu'il y eut bien tangé les affaires de la foy Chrestienne, il s'en alla en vn au-
tre Royaume, là où en vn mois il acquist à nostre Seigneur, & baptisa pl^r de dix
mille Chrestiens, & feit entendre par ses lettres, l'esper qu'il auoit que deuant
l'an reuolu il y ferōit plus de cens mille Chrestiens. Dressé donques, & formé
qu'il eut en ces quartiers-là, plusieurs Eglises qui sont sous lobeyssance de
nostre saint Pere, & se gouernent en multipliant tous les iours par l'autori-
té du siege Apostolique, & de l'Eglise Romaine, il les bailla en garde & manie-
ment à quelques vns de ses compagnons, & cognoissant que plusieurs peuples
des Indes se damnoient par faute d'auoir qui les enseignast, & monstra le che-
min de fait, il retourna en icelle Prouince.

Peu de temps auparauant, les Portugais auoient descouuert le pays de Japon, où les habitant sont de bon esprit, & fort dociles, dequoy estât bien informé le bon Xauier, sans auoir esgard à la longueur du chemin (car de Goa iusque là il y a plus de mille lieuës) & nonobstât l'opinion contraire presque de tous, il se mit sur la mer qui est de tout temps fort dangereuse, pour la navigation, en vn vaisseau de marchands de la Chine, & apres auoir enduré beaucoup de labeurs & de tourments en son voyage, finalement il arriua en vne ville maritime & port de Japon, appelée Cangoxima, là tout en premier lieu, il feit mettre en vulgaire Iaponois, par vn sien cōpagnon du pays, qui scauoit bié le Portugais, les principales articles de nostre Religio Chrestienne, & depuis: l'cōmença d'annoncer l'Euāgile, nō plus ouy parmy ces nations, mais avec vnes tres heureuse yssue. Ayant icy fait quelque sejour avec les nouuellemēt baptisez, il s'achemina droit à Meaco ville capitale du Royaume, distante enuiron trois cens lieuës de Cangoxima, & là où Iesus. Christ n'auoit onques esté cogneu. Il commença ce voyage le mois d'Octobre, sur le poinct que les froidures se regrent au Japon, & y sont les neiges & gelées si grandes & prodigieuses, qu'on diroit que les glaçons pendus aux arbres parmy les forests, sont autant de grosses poutres de bois, & si il luy aduint souuent de passer là où les brigands escumant sur la mer, & par fois les mariniers mesmes le feirent deualer iusques à l'esgout & sentine des Nauires, pour leur sembler estre vn homme nouueau, de nulle estime & valeur. Que s'il luy falloit voyager par terre, de peur de faillir le chemin, il suyuoit de pleine course les gēs du pays qui alloÿt à cheual, mais à beau pied nud pour passer à gué les grosses riuieres, qui en ceste saison de l'année ordinaire sēt se desbordent. Ce travail estoit de sorte, que le pauvre Xauier auoit les pieds tous enflés de neige & de froidure, & puis ayāt en vn fardeau sur soy les ornemens pour dire la Messe, & les chemins estās bien fort glissans, & comme vitrez de verglas, il tomboit chaque coup à terre. Le soir, quand il estoit tēps d'heberger, il arriuoit au logis tout mouillé, & transfis de faim & de froid, sans trouuer aucun allegement, ou soulas humain, vray est qu'il n'auoit pas faute de consolations diuines. Au reste l'accueil qu'on luy faisoit és villes & bourgades, où il passoit, c'estoient belles iniures & outrages, & bien souuent les petits enfans le chamailloient à coups de pierres parmy les ruës, sans que pour toutes ces difficultez de si mauuaise digestion, il cessast onques d'annoncer l'Euangile.

Quand il fut arriué à Meaco, il trouua tout le pays en guerre & combustiō, ce qui le contreignit de reuenir sans rien faire à Cangoxima, où à son retour il donna le saint baptesme à quelques-vns. Il demeura à Japon enuiron vn an, partie duquel emporta le voyage de Meaco, qui dura quatre mois, apres auoir laissé en ce lieu aucuns de sa robbe pour continuer l'œuure commencée, il print sa route en d'autres Royaumes. Où les Iaponois l'eurent en si grande reputation & reuerence, qu'ils l'estimoient le premier & plus excellent homme d'Europe, mais luy bien loing de telles vanitez, mettoit en jeu la memoire de ses pechez, qui disoit estre excessifs, & ne s'appelloit iamais autrement, que comme le plus vil & meschant homme du monde, car tel pensoit-il estre deuant Dieu en verité, & non pas pour en faire seulement la mine, iacōit que chacun qui le cognoissoit de prez, l'estimoit si entier & vertueux, qu'à peine en toute sa vie l'eust-on peu remarquer vn peché veniel. Aussi ne diminua il iamais rien de l'opinion qu'auoient de luy les Iaponois, quoy qu'il s'humiliaist ainsi deuant tous, ains ils disoient tout haut qu'il y auoit cela en luy plus qu'en tous les autres cōpaignons, de satisfaire avec vne seule &

simple responce, à dix ou douze questions qu'on luy faisoit toutes différentes ensemble, autant à propos que s'il eut respondu à vn chacun à part, & eux ne pouuoient resoudre les demandes & difficultez qu'on leur mettoit au deuant, que l'vne apres l'autre. Mais les choses qui s'ensuiuent sont entre tous les faictz de Xavier digne d'admiration, & surpassantes le cours, & les loix de nature, car à Iapon, en diuerses occasions, & en diuers temps il rendit la parole à vn muet, & le feit cheminer à son aise, estant auparauant boiteux, & si il garit aussi deux autres; vn sourd & vn muet; miraculeusement; par la vertu & puissance diuine. Tout cecy passa ainsi en Iapon. D'auantage en la coste de Commorin, il ne rendit pas la santé seulement à plusieurs patients abandonnez des medecins, chassant les esprits malins du corps des demoniacles, mais aussi il y resuscita des morts. Car estant allé de vie à trespas, vn ieune homme fort bien apparenté en ces pays-là, les habitans du lieu en grand nombre, & avec grands cris & pleurs le presentèrent à Xavier, qui le print par la main, & le leua debout, sain & plein de vie. chose qui fut tantost creüe & cogneuë à Goa, là où quelque peu de temps apres s'estant retiré Xavier, il print son logis chez vn Seigneur Diego, personnage d'autorité & fort notable. Lequel enuieux au possible de sçauoir de la bouche de ce saint homme mesme, comment ce faict estoit passé: il conuia avec soy Cosme-Iean, thresorier du Roy, pour le luy demander eux deux tout ensemble. Mais Cosme n'ayant osé de honte entamer le propos, il en laissa toute la charge au Seigneur Diego, lequel (quelques iours apres) appellât Xavier par son nom, iuy dict: Or ça maistre François, soit à la gloire de Dieu ce que ie vous demande. Que croirons nous du ieune homme que vous auez resuscité en la coste de Commorin? A ceste demande Xavier soudain rougit, & embrassant le sieur Diego, iuy dit en sous-riant: bon Dieu, suis-ie homme à vostre aduis, pour resusciter les morts? Hé, pauure pecheur que ie suis! lon m'auoit amené vn ieune homme pour mort, & luy ayant commandé au nom de Dieu de se leuer, il se leua, ce que les assistans soudain prindrent pour miracle. Le sieur Diego feit apres le recit de ceste responce à Cosme, qui luy repliqua & dit: Ne doutez aucunement, que Xavier par la vertu diuine, n'ait resuscité le ieune homme trespassé. En ce mesme pays aussi vne bonne femme Chrestienne le pria fort de venir chez elle, veoir son enfant qui estoit decedé, ce qu'il feit, & d'atriuëe il forma le signe de la croix sur le corps du defunct, faisant sa priere à Dieu, deuotement à deux genoux; & soudain l'enfant se leua sain & sauf, sans aucun mal. A ceste chose tant estrange, les Chrestiens qui estoient presens crierent miracle, mais il les requist fort instamment de tenir ce faict secret, & n'en dire mot à personne.

Pattant de Iapon, il feit voile dans le vaisseau d'un Portugais, qui estoit capitaine de la garnison de Coulan, & quand ilz furent arriuez à la Chine, vis à vis du port nommé Chincho s'esleua vne tempeste furieuse, qui arracha par force de la grosse nau, rompant son cordage, vn esquif, lesquels estoient deux Mores, & les emporta de telle viffesse si loing, qu'en peu d'heure lon ne les apperceuoit plus du haut sommet du mast. A raison dequoy les mariniers delibererent de poursuyure leur route; mais Xavier l'ayant sceu, feit grande instance qu'ilz abbarissent les petites voiles qui n'estoient du tout tendues, à cause du vent trop impetueux, & qu'on attendist l'esquif, à quoy le Pilote ne vouloit entendre de prime face, disant, que pour peu de sejour qu'il en feist, il y auoit danger de se perdre, & que si lon abbattoit ces voiles, qui maintenoyent le nauire contre la fureur de la mer, elle seroit incontinent

Deux miracles.

enfondrée, si est-ce qu'à la parfin vaincu des prieres de Xavier, il commanda qu'on pliait ces petites voiles, que les mariniers pourtant remirent sus, quand ilz veirent qu'on n'auançoit rien, étant la mer si couroucée. Toutesfois s'opposant Xavier à leur opinion, les assuroit fermement que l'esquif comparoitroit tantost, neantmoins eux continuoient de hausser les voiles, mais luy empoignant à belles mains l'antenne, ou le bois qui traaverse le mast ou lon attache ordinairement les voiles, coniuira au non des playes de Iesus Christ les Matelots, de ne bouger de là, car il esperoit en Dieu, que les deux ames de ces Mores, ne periroient point, ains receuroient la foy de nostre Seigneur, & se feroient baptiser: ce fut à ce coup que les mariniers accorderent à Xavier ce qu'il demandoit; cependant Antoine Dias à la requeste estoit grauy sur les cables du vaisseau, lequel n'ayant rien apperceu en pleine mer, commença à descendre de là; mais Xavier le feit demeurer encores au guet vn peu de temps; tandis qu'en esleuant les mains au Ciel sur le bord de la nau, il exhortoit le Pilote, & Nautonnier d'auoir courage; quand sur ces entrefaites comme a point nommé lon apperçut flotter l'esquif: alors tant pour l'attendre que pour retenir plus aisement la course du vaisseau, lon le mit de trauers contre les flots de la mer, & dedans deux ou trois heures l'esquif aborda droit au nauire, sans flotter ny çà ny là; disant Xavier aux matelots, qui vouloyent ietter vne corde pour l'investir, & attirer à la nau: Il n'est pas de besoin, de cela, car il se iointra doucement aux flancs de nostre vaisseau, comme de fait il aduint. Les deux personnes furent recueillies dedans la nauire, auquel les mariniers relierent l'esquif, qui ne se remua onques; quoy que la tourmente ne fust encores appaisée, que iusques à ce qu'ils eurent acheué. Quelques iours apres les deux Mores receurent le saint baptisme, & furent conuertis à la vraye foy de nostre Sauueur Iesus Christ. Ce fait icy fut tenu & remarqué soigneusement de tous & par tout, pour admirable.

D'auantage c'est chose bien auertée, que Xavier auoit le don de prophetie, car il annonça & predit beaucoup de choses qui aduindrent apres, & en assura d'autres qui se faisoient bien loing; ce qu'humainement il ne pouuoit, ny sçauoir ny presager. Reuenant de Iapon à Malacca, qui est vne traicte de plus de cinq cens lieuës; il aborda au port de la Chine, & passant de la Nau de Duarte Gamma, en celle de Diego Pereria, le cogneut en grande perplexité d'esprit, d'auant qu'ayant laissé la ville de Malacca assiegée de l'ennemy, il n'auoit rien entendu depuis de l'issue, & comme le tout estoit passé, qui le rendoit fort curieux d'en sçauoir des nouvelles de ces Chinois, & mesmes il faisoit bonne prouision de toutes sortes d'armes, avec les Pilotes, pour le secours de Malacca. Dequoy s'aperceuant Xavier, les consola en les assurant que la ville de Malacca estoit en paix, & qu'ils ne s'en missent point en peine.

Il dit aussi au mesme Diego, le voyant en crainte de ne trouuer plus aucun Nauire au port de Malacca, pour faire voile aux Indes (car la saison de nauiger estoit à demy passée.) N'ayez peur mon amy; car nous y verrons encores Antoine Pereria, qui nous attend à voyle desployée, il y a desia trois iours, auquel Xavier donna aduertissement de sa venue, par lettres dès le gouffre de Sincapon, distant de Malacca plus de quarante cinq lieuës, là où arriuez qu'ils furent, ils trouverent la ville paisible, & Antoine Pereria qui les atendoit depuis trois iours, tout prest à singler en mer, & les passer es Indes.

Du temps que Simon Mello estoit gouuerneur de Malacca, où Xavier le trouuoit aussi pour lors, certains Mores de Dacha, fort cruels & Barbares, avec enuiron soixante fregates, se ietterent la nuit dedans le port, afin de pil-

ter, & brusler les gros Naurès qui y estoient anez, & comme ils s'estoient desia presque emparez de la grande Nau de Bando, les Portugais domicillez de Malacca, soudain equipperent deux galeros; ne les amittallant que pour dix iours pour le plus, leur ayant esté fait commandement d'estre de retour au dixiesme, mais ayant mis en fuite ces Corsaires; & donné la chasse iusques à la riviere de Parla, les poursiuivirent plus de deux cens lieues loing. Or estant cependant expicé le terme de leur retour, & plus d'un mois d'auantage, lon n'auoit pourtant d'eux aucunes nouvelles, & si ceux que le gouuerneur auoit enuoyez pour en scauoir, n'enaioient rien peu entédre. Ce qui meit en soupçon ceux de Malacca, que les Portugais n'eussent eu du pire, & n'eussent esté mis en route, mesmes que les Mores du pays faisoient courir le bruiet, que les nostres auoient esté battus, & entierement defaictz. Dequoy la ville commençoit fort à se douloir & contrister; & si les dames menoient aussi vn grand dueil pour leurs maris quelles tenoient desia pour moits; mais Xauier voyant ceste si pitteuse contenance, feit assembler le peuple au sermon, & en les tançant viuement du peu d'espoir qu'ils auoient en Dieu, dit tout haut: Il y a en ceste troupe, des hommes & des femmes, qui sont allez aux deuins & enchanteurs; & ont ieté le sort, croyant que nos Galeres soient prinsez des Mores, & pour cela les femmes regrettent, & pleurent leurs maris: mais vous, mes freres & mes amis chassez moy bien loing de vous ceste tristesse, & vous tenez ioyeux hardiment, car nos gens ont ceiourd'huy mesmes combatu les ennemis, & les ayant vaincus ils s'en reuiennent chargez de leur despoille, & d'un beau & precieux butin: & seront icy dans vn tel iour (en le quottant expressément) sains & entiers, Dieu aydant, sans auoir perdu que trois ou quatre de leurs gens: & partant rendons graces à nostre Seigneur d'une si belle victoire, en disant vne fois le Paier nozter, & l'Aue Maria, & puis nous la dirons aussi pour les ames de ceux qui en combattant vaillamment, y ont laissé la vie. Ce qu'ayant ainsi annonce, & dit avec vn visage posé, & vne contenance toute asseurée, l'assistance fut toute esbaie, & esmeuë en son esprit: & de fait pour estre si bien cogneuë la sainteté du personnage, il n'y eut homme en l'assemblée qui ne creust fermement que Xauier auoit parlé comme vray Prophete, car il n'estoit venu messager aucun de ces quarriers là, & si il n'estoit possible, de faire en si peu de temps, vn si long & grand voyage. Ce mesme iour sur le tard il feit vn sermon à part aux dames de la ville, en l'Eglise de nostre Dame de la montagne, & publiquement leur nomma le iour, qu'elles auoient de bonnes nouvelles de la santé, & heureuse victoire de leurs maris, comme il aduint, car quelque peu de iours apres le messager qui estoit venu premierement, les Portugais arriuerent avec force vaisseaux, galeres, brigantins, artileries; & autre tel equippage de guerre, & plusieurs des ennemis faictz esclaués qu'ils amenèrent. Xauier leur alla au deuant sur le port avec vn Crucifix, en compagnie dit Gouverneur, & de tout le peuple, & embrassa le Capitaine, & les autres chefs de la bande, à mesure qu'ils descendoient en terre. Et lors, au milieu de ceste ioye, en presence de toute l'assemblée, le Seigneur Mello Gouverneur, feit le recit tout haut, auz Capitaines reuenus, de ce que Xauier auoit dit en chaire les iours passez, & rapportant ce qui leur estoit aduenü, à l'heure & au iour qu'il auoit remarqué, ils trouuerent que c'estoit chose veritable, & que le tout s'accordoit de point en point, de sorte qu'avec vne nouvelle admiration, & comme estonnement, tout le monde ne tenoit autre propos tout le iour, que ce qu'ils auoient veu si estrange, & merueilleux deuant leurs yeux.

Or s'il predict pour lors à ceux de Malacca choses plaisantes & prosperes,

vn autre fois il leur en presagea de bien facheuses, & mal agreables. Car plusieurs ont prins garde que quand en ses predications, il menaçoit la ville, & ses auditeurs de quelque mal-heur, pour cause de leurs pechez infames, & grandes dissolutions, & neantmoins prioit Dieu de leur pardonner, & retirer les verges, tout ce qu'il disoit, ordinairement leur venoit sur les bras. Et de fait l'année passée, la ville fut assiegée par les Mores qu'on appelle Iais, & le plat pays par eux fut pillé & rauagé, Depuis survint apres la guerre, vne peste si furieuse, que la plupart du peuple en mourut, & fut la ville presque toute desnuée d'habitans.

Vne autre fois estant Xavier en vn port de la Chine, appelé Chincho, il dit à certains Portugais qui estoient avec luy. Priens vistement Dieu pour noz freres de Malaca assiegez maintenant des ennemis fort estroitement, & despéschez vous de les aller secourir sur le champ, car ils sont en grande destresse, arriuez qu'ilz furent ilz trouuerent les affaires en l'estat qu'il leur auoit dit. Le mesme estant es Isles de Maluco, tandis qu'il celebroit la Messe, nostre Seigneur luy reuela le trespas de Iean Darausi decedé en Amboino, en vn village nommé Tibi, & se retournant vers le peuple qui estoit present, il luy dit: vn tel est mort, ie vous prie recommandez son ame à Dieu. Ce que tous prindrēt cōme vn traict de Prophete, car il y auoit plus de six vingt lieuës de Maluco à Amboino, & si personne n'estoit venu delà, de long temps, ny par mer ny par terre. Douze iours apres ou enuiron, Iean Deroa escriuit que Darausi estoit allé à Dieu, à l'heure mesme que Xavier l'auoit dit & annoncé. Autrefois sciournant à Amboino, au milieu de son sermon, il dit à ses auditeurs: sus messieurs à genoux, & disons vn Pater & Aué pour Diego Giles, qui est sur le point de rendre l'ame à Maluco, ce qui fut trouué vray par les nauires, & nouvelles qui en vindrent vn peu apres.

Mais ce qui fut comme grace particuliere de Xavier, c'estoit vne singuliere dexterité qu'il auoit de reduire les hommes desbauchez, & adonnez à vices de toutes sortes, à la vertu & sainteté. Car il alloit parmy les ruës de la ville où il se rencontroit, avec vne petite cloche, pour assembler les petits enfans, & les Mores mesmes, tant hommes que femmes, au plus grand nombre qu'il pouuoit, les conduisant à l'Eglise, là où apres auoir fait vne leçon du Catechisme, il se mettoit à leur demander en son langage moitié Portugais, & moitié Moresque, qui d'entre eux entretenoit des garces, & ayant descouuert aucuns qui en nourrissoient trois ou quatre, il les prioit, & neantmoins leur commandoit d'en laisser au moins vne, & qu'ils se pourroient bien contenter des autres: mais il reuenoit si souuent à ceste sainte pratique, qu'en quinze ou vingt iours, leur attachant tantost vne, & puis vne autre, il leur oisoit à la parfin gratieusement toutes ces vileines abandonnées, & fait tant par ce moyen qu'il feit desloger neuf ou dix concubines de la maison d'vn homme du pays. Or quand il rencontroit des gens veautreux en cest ord & vilain peché, il tenoit ceste maniere de proceder avec eux, de leur monstrer d'entrée toute douceur & familiarité, avec vn visage gracieux & plaisant, & par fois luy mesme se connoit de manger & boire avec eux, & quand il auoit ainsi par beaux & honnestes moyès gaigné leur cœur, il en faisoit tout ce qu'il vouloit, & ceux-cy guaris de leur vice, ils s'adressoit à d'autres, & par ceste sienne si adroite façon, Dieu luy feit la grace de conuertir à bien faire plusieurs qui estoient abysmez en vice, de sorte que ceux qui l'ôt cogneu, disent qu'il a plus fait de fruct par ses colloques familiers, que par ses exhortations, & predications publiques.

Quant à sa maniere de viure, il estoit merueilleusement austere, car il ne

mangeoit presque point de chair, si ce n'estoit pour complaire aucunes fois à ceux qui le conuoyent en leurs maisons, & se passoit deux & trois iours bien souuent avec vn morceau de pain. Quant au vin il n'en vsoit que comme point, & s'en abstenoit, de façon qu'il en donna aux pauures vn vaisseau, avec tous les presens que le Viceroy Martin Sola luy auoit enuoyé, comme estoit aussi sa coustume, quelque part qu'il fust, de distribuer aux pauures, tous les dons qu'on luy faisoit. En ses maladies il n'vsoit d'autres medecines que celles qu'il auoit en sa chambre, qui estoient de liures: & n'employoit pour son sommeil que le temps qui luy restoit des occupations ordinaires, qui pouuoit estre deux ou trois heures, mais de maniere, qu'il s'endormoit toujours en faisant quelque chose, & vaincu par necessité. Quelques estrangers, & qui n'estoient pas de ses domestiques, l'ont espié par fois quand il se retiroit en sa chambre, & l'ont veu souuent comme rauy en prieres & oraisons, & puis en fin forcé du sommeil, & presque tombant en terre, s'appuier contre vne pierre au lieu d'oreiller, pour se reposer vn peu. Au reste ayant semé la doctrine de Iesus Christ, presque par toutes les Isles des Indes, il se resoult avec vn cœur magnanime, d'entrer és grands pays de la Chine pour y faire le mesme, & à ces fins il reuint de Iapon aux Indes, en se preparant pour faire ce voyage, que plusieurs, mesmes ceux de Malaca se parforcerent d'empescher, mais il ne le peurent oncques destourner de son opinion, quelques remonstrances qu'ils luy sceussent faire.

Il y a au pays de la Chine vn Isle nommée Santian, loing enuiron quarante cinq lieues de la terre ferme, là où les marchands Portugais se rendent ordinairement pour traffiquer & negotier avec les Chinois, car il est defendu à vn estranger sur peine de la vie d'entrer dedans le pays & Royaume de la Chine. Là le bon Xavier s'achemina, pour traicter aussi de son affaire, & s'apprester pour son voyage, qu'il auoit resolu, quelque danger & terreur qui se presentast deuant luy, puis qu'il y alloit de l'honneur de Dieu & du salut des ames. Il passa donques ayant fait marché avec vn Chinois qu'il le ietteroit au port de Cantoor, moyennant trois cens escuz qu'il luy donnoit, que ce bon personnage auoit amassé d'aumoine. Mais sur ceste entrepiise, la fièvre le saisit, dont quelque peu de iours apres, en vne montaigne de l'Isle mesme, toute deserte, & sans aucune consolation humaine il rendit l'esprit à son Createur, vsant bien souuent iusques au dernier soupir (car il mourut fort doucement, & avec l'entendement bon & entier) de ses paroles: *Miserere mei fili David, Iesu fili David miserere mei. Item, O mere de Dieu, souuenez-vous de moy.* Ainsi echappé des tempestes & orages de ce monde, arriua à vn port par la grace de Dieu, beaucoup plus assenté que celuy de Cantoon, le second iour de Decembre, l'an de grace 1552. & de son seiour & demurance au país des Indes, l'onziesme.

Son corps fut enterré avec des ornemens de Prestre & couuert de chaux viue, comme il auoit ordonné à ses amis, mais leur dessein estoit, d'emporter avec eux à leur retour les os tous nuds és Indes. Mais de fait, trois mois apres ilz vindrent, & l'ayant deterré, ilz ne le trouuerent pas seulement tout entier mais ses vestemens meismes n'estoyent aucunement alterez, rendant diuerses odeurs merueilleusement plaisantes & agreables. Si le chargerent sur leur vaisseau, enfermé dedans la mesme caisse de chaux viue, & l'amenerent à Malaca, où il fut receu avec grande reuerence, & deuotion du peuple: & tout aussi tost qu'il y fut apporté, la peste & la famine cesserent, qui affligeoyent & tourmentoyent grandement la ville. Apres qu'il eut demeuré enterré à Mala-

L'Isle de
Santian.

Mort de
R. Pere
Xavier.

cà quelques mois, il fut transporté à Goa, mais ce ne fut pas sans vn bon-heur pour les mariniers, car s'estans trouuez plusieurs fois en grand peril de se perdre, parmy les orages & tempêtes de la mer, qui rompirent le gouuernail du Nauire, & la heurtèrent contre les rochers, sans s'en prendre garde, ilz se recommanderent au secours de celuy duquel ils auoient le corps auec eux, & vindrent à port en bonne santé. Or approchant de Goa, toute la ville luy accourut au deuant, & avec vne belle & fort celebre procession fut conduit & posé en l'Eglise de saint Paul, à la veüe de tout le monde, là où par l'espace de quelques iours il fut Chrestienement honoré par la deuotion de tous les estats, & maniere de gens de la ville, en telle affluence & multitude, que pour y mettre vne fin, & se defaire de tant de peuple, il le falut enterrer dedans vne caisse, là où iusques à present il repose tout entier, & sans alteration aucune de sa chair, ce qui est vn argument fort euident de la pudicité qui fut en luy, & de saict ceux qui l'ont ouy en confession, rendent vn certain tesmoignage qu'il estoit vierge. Mais c'est assez parlé de Xauier, veu la breueté que ie pretens en ceste histoire, & le peu de loisir que i'ay d'en escrire d'auantage, si est-ce bien peu pourtant quant à ce qu'il a fait, & à la grandeur de ses merites. Maintenant puis que par son conseil & conduicte, il y a plusieurs colleges de ceste Congregation, dressez en ses pays estranges, desquels comme de certains Seminaires, sont issus beaucoup de grands personnages, qui sont entrez bien auant es Prouinces, les plus esloignées du costé de Leuant, pour y annoncer Iesus Christ & son Euangile: il m'a semblé raisonnable, & fort à propos, de parler de chacun d'iceux en particulier.



DE L'ISLE ET VILLE DE GOA.

Pour commencer par Goa, là le premier College de toute l'Asie fut erigé. (Or Goa est distante des lisières de Portugal par droicte ligne enuiron deux mille lieues, mais les navigations sont de quatre mille) car Jean troisieme Roy de Portugal, y auoit acquis vne maison fort ample & bien rentée, pour y nourrir & entretenir vn bon nombre d'hommes doctes & vertueux, qui fussent du tout dediez & vouez à la conuersion des Barbares, desquels il auoit constitué chef, vn nommé Diego, homme de grande reputation, fort sçauant & de bonne vie, pour conduire & gouverner toute ceste entreprinse. Lequel apres auoir pratiqué familièrement avec Xauier, & touché au doigt la vertu de l'homme, & trouué fort excellente sa façon de viure, s'assura que tous ses compagnons luy ressembloyent, parquoy iugeant que la Compagnie du nom de Iesus estoit propre pour manier l'affaire, duquelle Roy l'auoit chargé, il en escriuit à sa Majesté fort amplemēt, & luy persuada cecy d'autant plus ailemēt, que ce bon Prince auoit desir en grande opinion les gens de ceste congregation. Au moyen de quoy il luy fit transport & donation par contrats solennelz, de la maison de S. Paul avec toutes ses rentes & reuenus, & depuis l'augmēta & enrichit grāde-

ment,

mēt, non seulement de personnes de ceste profession, mais aussi des beaux biens, & nouvelles dotations, afin d'y receuoir & nourrir mesmes vn bon nombre de nouueaux baptizez, & ne tarda gueres le Chef de l'ordre d'y enuoyer de ses gens pour y prescher, enseigner les bonnes lettres, & administrer au peuple les diuins Sacremens, & y faire tout ce qui est requis en vn College bien assis & réglé. Le nombre ordinaire de ceux qui maintenant y font residence, est de cent, desquels lō choisit tousiours quelques-vns, comme d'vn copieux escadrō, pour enuoyer es autres Prouinces des Indes. Tous ceux de ce College n'ōt autre occupation que d'attendre à conuertir à la foy Chrestienne les Payens & idolatres : & neantmoins ils y sont tellement empeschez & employez, que de tout ce grand nombre qu'ils sont, il n'en demeure par fois que trois ou quatre à la maison, & ce pour quelque maladie, ou indisposition : & si plus ils estoient encores qu'ils ne sont, il y a pour rous assez de besongne taillée.

Ils y ont vn cours de Theologie dressé, & vn autre de Philosophie, y faisant aussi profession non seulement des lettres humaines, mais il y a dauantage vn exercice tout expres de la langue Indienne, afin que sans truchemans les Predicateurs puissent declarer au peuple le saint Euangile. Lon y façonne pareillement, & instruit-on plus de six cens ieunes enfans de diuerses nations, cōme Brachamanes, Perfes, Arabes, Æthiopiens, Cafriens, Canariens, Guzarates, Dacaniens, Malauarois, Bengalois, Canares, Peguiens, Putanois, Chingolans, Iayens, Maliens, Manacambins, Macazares, Malucois, Sioniens, Mores. Chinois & autres, lesquels pour estre de bon esprit, & ieunes gens deslite, nourris & gouuernez par ceux de la Compagnie mesmes, ils dōnent grande esperance, qu'estans enuoyez chacun en son pays, ils seront croistre grandement la Chrestienté. Or leur labour, & la peine que ces gens de bien prennent leur doit estre pourtant plus agreables, que le profit en est excellent, car depuis qu'ils sont instalez à Goa, ils ont conuertey presque toute l'Isle, & si ont rangé à l'Eglise Catholique deux autres contrées toutes voisines, Diuar & Coran. Aussi ce leur feut vn bien grand contentement l'an 1557. quand le Viceroy Constantin, dressant vne armée contre les Barbares, il fait montre de trois mille soldats, qui auoient receu le saint Baptisme, par leur ministere, & diligence. Au demeurant c'est la coustume fort religieuse & pleine de pieté des gens de guerre du pays, de se confesser tous, le iour qu'ils doiuent marcher, ou faire faction, & se rendre à l'Eglise de bon matin, laissant à la porte leurs picques, harquebuses & iauelines, & apres auoir deuotement receu le precieux corps de nostre Seigneur, sortir par vn'autre porte, reprenant leurs armes, croyant fermement, ce qui est vray, que ce saint acte leur seruira de bon heur, pour plus vaillamment, & allegrement combattre.

Mais l'an 1550. il y eut vne notable conuersion de plus de vingt mille personnes, desquelles ceux de ceste Congregation en catechiserent & baptiserent plus de douze mille, & sept-cens en leurs maisons, entre lesquels trois comme Capitaines des peintres, des mariniers, & des orfeures, apres auoir receu le saint baptisme, eux & leur famille, feirent si bien que la plus grāde partie des gens de leur mestier se rangerent à la foy Chrestienne. Au demeurant il y en a parmy ceux qui se font de nostre Religion, aucuns qui sont illustres & de noble race, mesmes des Mores, Brachamanes, & autres chefs & souverains administrateurs des superstitions Indiennes, voire iusques à y entrer des Princes & Potentats, notamment la fille du Roy de Meal, more de nature & de conscience, lequel estoit venu demander secours aux Portugais, afin

d'estre remis en son Royaume d'Idalcanis, duquel il auoit esté cassé & spolié. Ceste fille apres auoir ouy souuent (avec vn extreme plaisir) les ieunes enfans, qui par ordonnance de ceux du college de Goa, vont chantant le catechisme, par les ruës de la ville, poussée viuement du saint Esprit, contre le gré de ses parës requist d'estre baptisée, l'ã de nostre Seigneur 1557. En ces dernieres guerres que le Viceroy Antoine a fait ceste année contre les Mores, & Gentils du pays de Malauar, est mort vn noble & braue Cheualier, à qui on auoit mis nom Alfonso, quand il fut baptisé. Le Roy de Tricanamale est encore en vie, biē venu & receu entre les Portugais, & le Roy le traite fort honorablemēt. Le Roy de Ceilan, appellé Jean, a esté vn temps à Lisbonne, & a logé en la maison de ceux de la Compagnie. Voila quant aux Roys, Princes, & grands Seigneurs, qui s'ont merueilleusement constans & fermes, en la foy Chrestienne, & par leur exemple attirent beaucoup de gens à la cognoissance de la verité, avec vne notable detestation des erreurs passées.

Touchant la conuersion des Brachamanes, ie ne parleray seulement que de deux, l'vn desquels pour estre fort auancé en honneurs & estas de ce monde, & en outre homme de grande erudition, & tenu pour vn tres-sçauãt Astrologue, auoit acquis vne telle reputation enuers toutes sortes de gens, que lon venoit à luy de toutes parts pour auoir son conseil, & beaucoup luy demandoient avec deuotion absolution de leurs pechez. Mais apres que Dieu l'eut cōuerty à nostre Religion, il y profita tellemēt que bien peu de Barbares s'adressoient à luy qu'il ne gagnast par viues raisōs, & ne leur persuadast d'estre Chrestiens. L'autre estât fort noble & riche (car pour estre le Prestre du pays, il en tiroit vn grãd reuenue par les decimes & primices qu'il receuoit) si tost qu'il se fut rendu à Iesus-Christ, quitta tous ses biens & commoditez, afin que plus librement il en amenaist d'autres à la cognoissance de la verité, en quoy il s'emploioit à bon es-cient, & sans s'espargner aucunement, comme font aussi presque ordinairement tous les nouueaux Chrestiens, de quelque estat ou cōdition qu'ils soient.

En ceste mesme ville, le Roy de Portugal à ses despens, à basti & fondé, vn logis pour ceux qui se preparent à receuoir le baptesme, qu'on appelle Catechumenes, & qui apprennent les premiers principes de nostre Religion, desquels le nombre est grand. Aussi y a-il vn fort bel hospital, edifié & agencé par la liberalité de sa Majesté, là où les pauures malades, tãt hommes que femmes sont recueillis, & traittez avec grande edification, & auantage de la Chrestienté. Le nombre de ceux qui sont entretenus en tous ces membres, & dependance du College, est de us de quatre cẽts personnes. Au reste il y a deux choses qui font croistre merueilleusement l'Eglise Catholique en ceste Pro-uince, l'vne est que les baptesmes qui se font de ceux qui se conuertissent, sont pour la plus part accompagnez de grandes solennitez & ceremonies, y assistans mesmes les Viceroy, Gouverneurs & Capitaines, avec demonstration de ioye & de grand contentement: l'autre que ces Seigneurs & mesmes les Viceroy, honorēt les nouueaux baptisez, leur faisant to^t les plaisirs qu'ils peuuent, ils leur donnent des exemptions & priuileges, & iettent les charges qu'ils doi-uent porter sur les bras des Barbares, & ce en partie pour auant que leur pieté & vertu les y conuie, partie pource que le Roy l'a ainsi commandé, & partie pour les remonstrances que leur en fait le conseil, que leurs en donnent ceux de la Compagnie, laquelle par ce moyen est ayinée & chérie de ces nouuelles plantes Chrestiennes, & d'autre costé crainte & redoutte des Barbares, car le commun peuple s'it tresbien, que ces traitts & façons de faire, sont de fofu inuention & prudence.

Il y a aussi en ceste Isle vne ville fort renommée, à cause d'une belle Eglise dediée sous le nom de saint Iean Baptiste: les Seigneurs d'icelle, appelez Canfars, tous estonnez d'un si heureux progres, & auancement de la foy Chrestienne, vn iour tindrent conseil pour deliberer de leur chose publique, là où il y eut trois diuerses opinions: l'une que puis que la religion des Chrestiens s'emparoit d'une telle, & si estrange vehemence & impetuosité de toute l'Isle, il valloit mieux pour sauuer les ames, abandonner les biens, & se retirer en terre ferme. L'autre conseilloit de laisser passer ceste furie avec patience, car si tost que le Viceroy Constantin seroit party des Indes, il n'y auroit plus si grande presse. Mais vn vieillard honorable, & de grande autorité entre eux se leua, & dit: Messieurs, il ne vous faut pas tant fier au partemēt du Viceroy Constantin, que vous n'avez deuant les yeux, que ceux de la Compagnie du nom de Iesus demeureront tousiours icy, qui n'auront pas moins d'autorité à l'endroit des autres Viceroyes qui viendront apres, qu'ils ont eu avec cestuy-cy, parquoy nous ferions beaucoup mieux de quitter nos abominables Idolatries, & nous asseoir au grand Dieu viuant, en nous faisans tous Chrestiens. Ce conseil sembla si bon & profitable à tous, que les iours ensuiuant il y eut vne telle foule & presse, pour receuoir le saint Baptisme, qu'il en falut reuoyer plusieurs iusques à vne meilleure commodité, non sans leur grand mescontentement & tristesse, car ceux qui demandent d'estre baptisez, le font avec vne ardeur & desir presque incroyable. Dequoy pourra bien faire foy l'histoire d'un nommé Camotis, des plus apparez d'une bourgade appellée Bati, lequel fut le soir estant aduertuy, qu'il se tint prest le lendemain (iour de saint Loys Roy de France) pour estre baptisé de grand matin, avec sa suite, & qu'il ne falloit pas faire de l'endormy, mesmes que le Viceroy s'y deuoit trouuer, il ne faillit pas en plein minuit de venir heurter au logis du Prestre, accompagné de ses parens & domestiques, en nombre de deux cens ou environ, les hommes auoient des bendes autour de la teste, entre lassées de plumes à la mode du pays, desquels il y en auoit bien trente, tous bons harquebusiers, & les femmes estoient parées d'or, & de force pierrerie, le Camotis ayāt au col vne grosse chesne d'or, portoit aussi son arquebuz, paré de chausses de soye rouge à la Grecque, & l'espée dorée au costé, bref equipé en homme de guerre, matchoit braue tout le premier de la bande, & frappant à la porte du Prestre dit, qu'il estoit tout prest, selon qu'on luy auoit mandé, avec toute sa famille, puis qu'on luy auoit fait entendre qu'il ne falloit pas dormir ceste nuit là. On loua grandement la bonne volonté, & l'affection du personnage, mais on le reuoya à son repos iusques au matin, & quand le Viceroy fut venu avec l'Euēsqe de Malacca, il fut baptisé luy & tous ses domestiques avec vne merueilleuse allegresse, & ioye de l'assemblée.

Or entre ceux qui sont à Goa, de ceste Compagnie, il y en a vn nommé Pierre Almeida, qui fait profession sur tous les autres, de rompre & briser les idoles des Gentils, dequoy s'aperceuant les nouveaux Chrestiens ils s'y addonnoient aussi fort volontiers, mesmes pour faire chose agreable à leur maistre. Ceux de Barda firent outrage certain iour à vne croix, dequoy estans aduertis les Chrestiens de Coran, delibererent d'en auoir la raison, parquoy ils entreterent par vne belle nuit dedans Barda, & ayāt destrubé quelques idoles de pierre, ils les apporterent à Almeida, ce qu'il loua grandement, en leur faisant pour cela fort bon visage, si ne voulut-il pas pourtant que personne deuant luy met la main sur ces simulacres, lesquels apres auoir mis en pieces commanda aux Chrestiens de cracher dessus & de les fouler auz pieds, ce qu'il,

feirent de grande gayeté, voire iusques à dire mille iniures (quoy que sans aucun commandement) à ces beaux dieux qu'ils auoient auparauant en si grand honneur & reuerence. De pareille affection & zeile, ayant eux longuement prié vn delz Compagnie, de dresser vne croix à Coran, & luy l'allant dilayant pour quelques bonnes raisons, plus que leur deuotion, & pieté ce leur sembloit, ne pouuoit perter, en fin ils forcerēt vn temple d'idoles, qu'ils honoroient iadis grandement, & y trouuāt de la matiere à leur gré en charpenterēt vne Croix; laquelle ils feirent benir à leur Maistre, & puis avec vne ioye, & ließe inestimable dresserent en la ruë publique: bref c'est chose estrāge de veoir combien il . . . nt en horreur & detestation leurs idoles, & vieilles superstitions. Aussi l'an 1567. par le domaine & pays de Salfetta (là où les Brasmanes auoiet la vogue) lon abbatit plus de trois cens temples d'idoles, ainsi que lon a mandé par deçà, & font en leur place rebastis presque autant d'Eglises, qui sont sous la conduitte de ceste compagnie, le tout en partie par le commandement du Viceroy, & partie par le conseil & instigation des religieux de saint François, & de la compaignie du nom de Iesus, au moyen dequoy ils ont repurgé l'idolatrie, & superstition Payenne, cinquante huiēt que villes, que bourgades: tellement que les Ganfars mesmes, desquels a esté parlé nagueres, ont assureé que leur idole ou diable leur chantoit vn temps y a clairement, & confessoit, que ce saint Jean, qui estoit honoré en son temple, estoit plus grand & plus excellent que luy: parquoy, disoit-il, ie suis contrainēt de luy quitter la place, & de vous abandonner, & de m'en aller demeurer en la terre fermé.




DE COCIN.




Il y a vn autre College de la compagnie en la ville de Cocin loing de Goa enuiron cent cinquante lieues, là où il n'y a pas tant de personnes, qu'en celuy duquel nous auons parlé, si est-ce qu'ils s'occupent tous aux mesmes offices, & exercices de pieté. Et iacoit que lon tienne ceste ville pour fort paisible, si n'est-elle pas du tout sans dangers & trauerses. Melchior Carnero, Euesque de Nice, & neantmoins de ceste congregation (laquelle combien que par vœu expres n'admette aucune dignité ny benefice Ecclesiastique, si est-ce que par le comādemēt de nostre S. Pere, elle est courante par fois de receuoir des Eueschez, là où tout le reuenu consiste en hazards, dangers, & labeurs) se trouuāt vn iour à Cocin, il y arriva aussi je ne scay quel Euesque Armenien, contre la mauuaise & schismaticque doctrine duquel se parforçent Carnero de soustenir la verite, Dieu le garda bien qu'il ne fūt meuidry par la main de certains garnemens, car luy ayant darité vn trait ou fleche; son bonnet fut percé tout à trauers, & emporté par terre, sans estre blessé. Vis à vis de ceste ville de Cocin, il y a vne grande quantité de petites Isles, le Roy desquelles se feist Chrestien l'ā 1551. avec vn bon nombre de sesuiers: & d'autres petites Isles voisines, comēcent à faire le seblable. Au reste j'ōn a scēu par les plus fraisches lettres venues de ces pays-là, que quatre de ceste Congregation, allant de Goa à Cocin, tomberent entre les mains

des Corsaires, ce qui aduint pour autant que sur le point que ceux de leur vaisseau se mettoient en ordre pour combattre les ennemis, qui autrement ne leur eussent peu resister, le feu se print à leurs poudres, & brula leur nauire, de maniere que les Mariniers seietterent à la nage, & forcez du danger, pour se sauuer dedans les vaisseaux des Corsaires, entre lesquels fut recognen par les Maures François Loppez, à sa couronne de prestre, & pressé de renoncer Iesus Christ & son Eglise, monstrant neantmoins vn rare constance & vertu, on luy donna d'vne iaueline à trauers du corps, & vn coup despee sur la teste, & en ceste façon il changea ceste miserable vie, en vne bien-heureuse & immortelle. L'vn de ses Compaignons fut aussi prins, mais soudain il y eut gens qui le racheterent, quand aux deux autres l'on cuide qu'ils auront fait telle fin que le bon Loppez, car on a depuis receu d'eux aucunes nouvelles.



D A M A N A.



Amana est vne forte place que le Viceroy Constantin print sur les Maures, laquelle pour estre frontiere des pays où les Portugais commandent, les Viceroy y tienne garnison ordinaire de mille soldats tous de leur nation, & là aussi il y a vn troupe de ceux de la Compaignie qui font vn grand fruit, & tous les iours estendēt les bornes de la Chrestieté. Or ces soldats Portugais sōt si religieux, & tellemēt adōnez à la pieté, & si ont en telle opiniō ceste Cōgregatiō, qu'ils n'entreprenēt presque voiage aueun, ou factiō, ce qui leur est pourtāt d'ordinaire (qu'ils n'emmenēt quelqu' vnd iceux en leur troupe, pour les ouyr en Confessiō, & auec le Crucify en main les animer & encourager à bien faire; quand les occasions se presentent de combattre. Et combien que ces Peres achetent bien cheremēt & auec le danger de leur vie, & vne infinité de travaux, ceste reputation qu'ils ont de s'acquitter sainctement de leur charge, si ne se contentent-ils pourtant de trauailler en vn endroit, mais quelque part que l'esperance reluit d'y pouuoir auancer la besongne celeste qu'ils ont en main, ils ne pleignent labour aucun, q' y qu'il leur deust couster la vie. D'auantage en ceste prouince de Damana plusieurs Maures se conuertissent à ia foy Catholique, & entre ies autres vne Dame, soit noble, mariée à vn Maure, qui auoit esté autrefois Gouverneur de Damana, laquelle se redit à l'Eglise Chrestienne, abiurāt les erreurs Moresques au grand estonnement de ses parens & amis, sans que par leur cautelles & allechemens, ils la peussent distraire de sa sainte entreprinse. Et iacōit que l'embassadeur du Prince de Barocha importuné par les prieres de son mary, vint vers elle, & que le Gouverneur pour le Roy de Portugal, bien asseuré de la Constance de la Dame, luy permit de parler auec elle, si ne profita il de rien par son voyage, car ayant entamé son discours en la presence du Gouverneur, d'vn valet de Chambre du mary, & d'vn de la Compaignie, par certaines questions & demandes adressées à ceste femme, luy mettant deuant les yeux ie lieu & race dont elle estoit extraicte, la noblesse & grandeur de son mary, les estats & richesse de sa maison, tant s'en falloit qu'elle luy adionsta foy, qu'il n'eut aucune responce d'elle, ains se mit à dire quelques prieres

qu'elle

Constance
& zèle
d'une Da-
me.

qu'elle sçauoit par cœur, comme pansant à toute aultre chose qu'à ce qu'on luy disoit, & à faire le signe de la Croix ainsi que son Maistre luy auoit appris. Ce que voyant les Mores, comme gens qui ont en horreur la Croix, soudain s'osterent de là, & pleins de malalent & de despit se retirèrent. Ceste mesme Dame vça puis apres de pareille cōstance, & magnanimité à l'édroit de sa Mere, laquelle s'estant parforcée avec toutes les amorces, & mignardises du monde, de la destourner de sa Religion sainte, la fille luy dict: Ma mere il vaudra beaucoup mieux, que vous ameniés ma sœur avec vous, & que vous vous faciés Chrestiennes toutes deux, autrement ie ne vous estimeray plus d'ores-nauant ma mere, ny pretens aussi plus que vous m'apelliés vostre fille. Ces propos estonnerent si fort la pauvre vieille, qu'elle ne sceut que dire, mais se retira toute triste & dolente, sans qu'elle y ait iamais comparu depuis. Aussi faut il estimer la conuersion des Mores d'autant plus admirable, que c'est vne natiō fort opiniastre en ses superstitions, & plongée en ses abominables erreurs



COVLAN.



Oulan est vne ville loin de Goa, trente iournées de nauigation; ou enuiron, là où il ya aussi vn college de la Compagnie duquel plusieurs font des voyages & comme courses iusques es pays de Tranancor, là où il n'y a pas quatre ans passez, qu'on y pouuoit conter tout de rang vingt cinq Bourgades toutes Chrestiennes, desquelles aucunes sont nobles, & fort riches, mais pour autant que ces bons Peres pour estre en trop petit nombre ne peuuent satisfaire à tant de lieux si distans & espars l'un de l'autre, ils choisissent quelques-uns du pays mesme, des plus assurez, & vertueux (qui sont certes en bonne quantité, & ont dressé entre eux des Confrairies, tout à la mode de celles d'Europe) auxquels ils donnent la charge de gouverner les Temples, & d'enseigner le Catechisme au peuple tous les iours en leur langage, & neantmoins ceux de la Compagnie viennent par boutées selon qu'ils en ont le moyen, & le plus souuent qu'ils peuuent faire la reueue de ces Eglises. Et pour autant que l'experience a monstré que les ieunes enfans, nourris, & instituez de bonne heure en la foy, & doctrine Chrestienne sont plus fermes & constans à la defendre & maintenir, ils ont vne particuliere industrie & soing de les enseigner, & façonner à Coulan, Goa, & Malaca.

Au demeurant naguères vindrent les nouvelles que la paix ferme & perpetuelle auoit esté arrestée entre le Roy de Tranancor, & les Portugais, par le moyē de sage conduite de ceux de la Compagnie, chose qu'il a tellemēt gagné, & dont il se sent si fort obligé, qu'il n'a pas tant seulement mis fin aux trauaux, & peines qu'il dōnoit aux pauures Chrestiens, nouvellement baptizez, en les persecutāt cruellement par le passé, mais il a fait d'abondant bastir vn beau temple à ses despens, là où ils vont faire leurs exercices & deuotions. Ces nouvelles aussi portoyent d'auantage, que ces bons Peres auoient appaisé plusieurs differēs par tout le Royaume de Tranancor, ce qui leur auoit acquis suiuant la bonne grace de tous les grands Seigneurs & Princes, qu'on esperoit en bref, que tout le pays abandonneroit l'abominable idolatrie, & se rangeroit à la foy, & Doctrine de Iesus-Christ.

DE LA COSTE OV CAP DE COMORIN.



Nous auons desia fait comme vne description cy dessus de la coste, ou Cap de Comorin, & de toute la contrée voisine, là où s'estant rendu presque de la premiere traicté François Xavier, partant de Goa l'an de grace 1542. il donna vn sibeau commencement à la foy & religion Catholique, que le progrès en a esté fort heureux, & fort excellent. Car n'ayant depuis ce temps là, ceux de la Compagnie cessé de continuer ceste entreprise, & cultiuer ceste belle campagne, ils ont tellement fait croistre le fruit de leur labeur, qu'il n'est possible de tenir le conte maintenant des Chrestiens qui y demeurent, mesmes que tous les ans le nombre y croist merueilleusement. Mais pour en dire quelque partie, l'an 1554. lon feit vn roole de cent vingt quatre mille, Chrestiens, & l'année ensuyuante le nombre arriua iusques à cent & trente mille; depuis nous auons sceu par lettre de 1566. que tant en ces quartiers de Comorin, comme de Goa, & montagnes de Cocin, il y auoit enuiron trois cent mille Chrestiens, & si dés lors pourtant l'on y adiouste plusieurs milliers de personnes nouvellement baptisées: entre lesquels l'on estime que ceux de Comorin sont en plus grand nombre, & les meilleurs & plus vertueux de tous; de sorte qu'on les pourroit parangonner avec les Chrestiens d'Europe; non pas quant à l'antiquité, mais bien en ce qui est de vertu, de constance, de simplicité, & de Religion.

Or les Chrestiens de Punicale se voyant continuellement tormentez, & affligez par leurs voisins, à cause qu'ils auoient embrassé la verité de l'Euangile, ont mieux aymé abandonner leur patrie, & aller demeurer en pays estrange, que de renoncer à Iesus Christ. A ce changement ou plus tost exil & bannissement volontaire, furent deputez ceux de la Societé comme guides, & conducteurs; l'an 1560. par le commandement du viceroy des Indes, & sur le point de ce pitieux spectacle suruint à l'imporueu Badagaa, Tiran furieux & sanglant, avec plus de vingt mille soldats tant de pied que de cheual, & vn grand nombre d'Elefans à la mode du pays & les pressa de si pres qu'à peine eurent ils le loisir de se ietter dedans les Nauires, pour s'embarquer, eux leurs femmes & leurs enfens: Si eut-il sur le champ quelque légère escharmouche entre ces barbares, & les Portugais qui ne pensoient rien moins alors qu'au combat, & y fut grieuement blessé en sept ou huit endroits de son corps. Iean Melquita, de la Compagnie, & quant & quant mis en chemise, & avec vne rudesse, & douleur grande éminenté prisonnier, & ietté dans vne galere là où ayant reçu vn autre playe en la teste, & vn coup de baston, il tomba demy mort en la mer, toutes fois tiré qu'il en fut avec grande difficulté, on le presenta au Roy barbare qui le feit mettre en vne étroite prison, soubz grosse & leure garde, car ce selon Tyrā auoit la gueule ouuerte après la rançon qu'il esperoit d'auoir de ce pource prisonnier, estant desia guery de sa blessure: lequel en sa captiuité eut vn traitement bien rude & aspre, car il auoit vne grosse chaine au col ouuerte de la largeur d'vn demy pied, ou enuiron tant seulement, dont il iettoit force sang par les naseaux, & s'il estoit garraté d'vne autre grosse chaine fort étroite-

1560.

ment au trauers des cuisses & des iambes , ayant aux pieds des liens où ceps fort pesans , & chaque heure du iour il estoit menacé de la torture , & de la mort , si est-ce que de tous ces tormens , & angoisses bien peu de iours apres , nostre Seigneur le deliura sans payer aucune rançon. Son compagnon du commencement de ceste charge , eschappa bien ce danger là à la nage , mais estant depuis prins derechef par les Barbares , il cuida estre tué. Vn autre pareillement de leur suite fut en danger de perdre la vie , car vn Capitaine barbare luy presenta l'espée toute nue , En pareil hazard ce trouua vn autre d'icelle compagnie , car d'autant qu'il empeschoit de tout son pouuoir qu'on ne continuast de bastir vn temple d'idoles , le Barbare , qui faisoit faire l'edifice s'eslaya de le meurdir , il est vray que ce ne fut pas sans en porrer luy mesme la peine , car peu de iours apres il mourut de mort soudaine.

En ce mesme pays , il y en eut vn autre de ceste Congregation , qui apres auoir esté mal festoyé à coups de baston , il fut vendu douze cens escus par vn qui se disant son grand amy , à la parfin le trahit. Et si François Henriques , & Balthasar Nunes , compagnon du mesme ordre , estant faicts prisonniers , penserent estre tués , desquels l'vn fut enchainé si rudement & estroitement pieds & mains , qu'il en deuint tout enflé par le corps , & en fut bien longuement malade apres. Il y a en ceste mesme Prouince , vne Isle qu'on appelle Ceilan , là où vn Prince feit estrangler son fil aîné , pour ce qu'il s'estoit faict Chrestien , & fut enseveli par vn Portugais fort honorablement , puis qu'estant mort pour ceste si sainte querelle , il meritoit d'estre tenu pour Martyr , & de faict l'opinion qu'en auoit ce bõ Portugais fut confirmée par vn miracle , car Dieu fit creuacer & fendre la terre , là où estoit enterré ce ieune Prince , en figure de Croix , & combien que les Barbares par deux fois remplissent de gazons & motes , ceste fente & ouuerture , si est ce que tousiours elle reuenoit en son premier estat , & si tous ces iours-là l'on voit au Ciel vne croix de couleur de feu , ce qui fut occasion que plusieurs receurent le saint Baptisme , du nombre desquels aucuns furent martyrisés , par ce cruel Tyran , meurtrier de son fil. Lequel certes eust aussi faict mourir vn sien autre fil , & vn fil de sa sœur , heritier de sa couronne ou principauté (car c'est la coustume de ce pays , que les nepueux , ou fil de la sœur viennent à la couronne , non pas les enfans des Roys) pource qu'ils estoient en bonne deuotion de se faire Chrestiens , au pays mesme à la venue du Roy , mais la sœur les sauua tous deux sagement , car les ayant appelez bien tost apres que ce miracle fut faict à la mort du ieune Prince leur demanda s'ils vouloient estre baptisez , & disant hardiment qu'ouy , elle arresta avec le Portugais qui auoit enseuely son nepuëu martyr , qu'il enleuast fort secrettement ces deux ieunes Princes. Lors , là où arriuez qu'ils furent , apres auoir esté suffisamment instruits es points principaux de nostre Religion , ils receurent le saint Baptisme , & depuis ont tousiours donné vn grand exemple pour la pieté & deuotion qui est en eux. A l'imitation desquels vn lieutenant de ce Roy , & enuiron dix autres Gentils hommes , abandonnant femmes , enfans , & tous leurs biens , vindrent à Goa , avec vn trauail incroyable , pour autant qu'il y a par terre plus de trois cens lieues , & apres auoir eu suffisante instruction des articles de la foy , & de ce qui concerné de la Religion Chrestienne , ils furent baptisez l'an de grace mil cinq cens quarante cinq.

L'ouy vne
croix au
Ciel.



DE L'ISLE DE SOCOTORA

Socotora est vne Isle sur le destroit de la mer de Meca, à douze degrés vers le Septentrion, distant de Goa vers l'Occident trois cens soixante lieuës, en ayant cinquante en rōdeur: au demeurât c'est vn pays sterile, mal plaisant mōtueux, desert, & sans guere d'habitans, qui sont neantmoins en partie Mores, & en partie Chrestiens, retenans encore le nô de saint Thomas, car ce fut le premier qui prescha la doctrine de Iesus Christ en ceste Place là, où plusieurs ont tousiours presque retenu certaines ceremonies, & coustumes Iudaiques, faisant scrupule non seulement de manger d'un chapon, d'une poule, ou d'autre oyseau, mais seulement de la toucher avec la main, ils ont certains iours de ieusne, durant lesquels, le peuple s'abstient de chair, & les Prestres de leur sexe ne mangent ny lait ny beurre, qui est pourtant vne viande route commune & ordinaire au peuple, duquel la viande ces iours là est d'un suc de palme, & de quelques pommes. Au reste le langage y est fort estrange & difficile, car il n'a rien de commun avec l'Arabique, & Ethiopie. Ils ont vn More pour Gouverneur, ou comme ils disent, Xeguem, qui est entre eux fort redouté & craint, iacoit qu'il ne force personne à deuenir More. Toutesfois c'est vn peuple si fier & haut à la main, qu'ils n'estiment pays, ou nation au monde telle qu'elle soit, rien au prix d'eux, cuidant estre les plus heureux, & les mieux à leur aise du monde. Deux de la Compagnie y furent vne fois enuoyez, afin d'y establir à bon escient la Religion Chrestienne, mais ils furent atteints emmy ceste extreme disette & incommodité du pays, d'une grosse fièvre, dont l'un d'eux mourut apres.



BAZAIN, VILLE

En ceste ville de Bazain, il y a vn College de la Compagnie de Iesus, duquel le mesme Roy de Portugal est aussi fondateur, là où ceux qui y habitent, enseignent les bones lettres, & mettent grande peine, avec vne rare diligence, de conuertir à la foy les infideles, & remettre au chemin de vertu les Chrestiens vicieux & desbauchez. Or il est aisé à cognoistre combien est gentil & noble, le naturel de la ieunesse du pays, par ce qu'en a monstré au fils d'un des plus grands Brachmanes, aagé d'environ dix-sept ans, & non plus; il auoit neantmoins la cognoissance de deux ou de trois langues Indiennes, & si il entendoit tres-bien l'arithmetique, & si il apprint en vn mois à lire & escrire en nostre langue, & maintenant il estude en nostre Arithmetique, estant au demeurant si deuot & religieux, qu'il seruoit d'exemple à tous les autres, & d'esguillon à deuenir gens de bien.



A T O T A N A A , V I L L E .

L Anaa ville loing de Bazain d'environ huit lieuës, àvn grand nombre de Chrestiens, que ces Peres de la Compagnie ont baptisez, & les entretiennent & conseruent soigneusement en la foy Catholique; là où se vint rendre à eux d'un pays fort estrange & esloigné, vn bon vieillard aagé de quatre vingt ans ce sembloit, si palle & defaict, tellement halé & ridé, qu'o l'eust iugé quelque ancien hermite affublé d'une peau de chameau; Entré qu'il fut en la maison de la Societé, il demanda d'estre baptisé, mais deuant que de passer outre l'un d'entre eux le catechisa, & instruit sommairement es choses principales de nostre Religio, & puis luy dit: Voulez vous maintenât estre Chrestien? Mais répondit il suis-ic venu en ce pays pour autre chose, que pour cela? Croyez d'oques, fait l'autre, & tout à l'instant il le presenta deuant l'image de nostre Dame, qui tenoit entre ses bras son petit enfant Iesus, laquelle ce bon vieillard se print à embrasser d'une ioye admirable, & baiser le petit Sauueur peint en ce tableau, requerant avec vehemence qu'on le baptisast soudainement, car il n'auoit plus de vie que pour vn iour, & de fait le iour ensuiuant il fut baptisé, mais celuy d'après il rendit l'esprit à Dieu. Il y a aussi plusieurs enfans & filles, qu'on achepre de leurs propres parens Barbares, coustumiers aussi bien de les vendre aux Mores, qui deuiennent bons Chrestiens, & quand aucuns d'iceux meurent, c'est tousiours ayant en la bouche le doux nom de Iesus. Le marche de l'un de ces enfans fut assez bon, car il ne cousta que dix sols ou enuiron, & vn autre, quinze, chose qui monstre bien la grande, & particuliere prouiden ce de Dieu.

En ce lieu cy de Tanaa, il y a vne bonne quantité d'enfans desquels les vns apprennent les lettres en estudiant diligemment les choses de la foy Chrestienne, & les autres sont chez des artisans de diueres sortes pour apprendre quelque mestier, comme de Cordonniers, Cousturiers, Tisserans, Marechaux, & semblables, se retirans tousiours la nuit au College pour y soupper & coucher, apres auoir deuotement chanté le Catechisme, & les letanies tour à tour, en forme de ceur Ecclesiastique. Il y en a d'autres aussi qui entendent à l'agriculture & au labourage de la terre, lesquels en hyuer, reueus d'une souquenue, ou mante veluë, s'en vont à la besongne en vn village nommé de la Trinité, loing enuiron lieuë & demie, & là ils sement parmi les champs vne sorte de legume qu'ils appellent Baren (dont ils viuent) de la façon presque que nous plantons des oignons, creusant dans la terre avec les mains vne fossette pour y mettre chaque teste a part, non sans grand labour, qui leur est vn moyen cependant pour apprendre l'agriculture, & de pourueoir aux necessitez des artisans, qui sont Chrestiens & habitans du lieu, & puis quand le temps est venu, ils prennent en mariage les filles des laboureurs mesmes. Or ce village s'appelle de la Trinité, pour autant qu'il y auoit en vn champ de ce ressort, vn temple d'Idoles fort richement basty, & renommé par dessus tous les autres du pays, combien qu'il y en ait vn grand nombre, & de magnifiques, lequel estant acquis, à cause de la place qu'ils acheprent par ceux de la Societé, ils le

nettoyerent & purifierent, & le dedierent à la sainte Trinité, à l'entour duquel il y a vn grand champ, habitée par certains pauvres laboureurs Chrestiens, que ces bons personages y ont habituez apres les auoir conuertis à la foy de Iesus-Christ, & sont nourris & alimentez de la prouision que ce tresliberal Roy de Portugal leur donne, car il baille, à eux, à leurs femmes & enfans, des habillemens, & si les fournit de ris pour viure, voire mesmes la liberalité s'estend iusques à leur faire donner de la semaille, prester des beufs, & des charrettes pour semer tant qu'il leur en faut, ayant à ces fins baillé vn fort belle grange, là où il entretient vn grand bestail tout expres, & le fait nourrir par des paires & bouuiers, le tout à ses gages & despens. Chacun des Chrestiens dōques le matin s'adresse à ceste meterie, & prend aurt de paires de beufs qu'il en a de besoing (car le Roy y entretient d'ordinaire enuiron cinquante) & en est quitte pour les ramener le soir, ou quand il s'en est seruy à leur giste.

Lon a aussi asepté certains fonds, desquels on tire tous les ans de rēte trois cens escus ou enuiron, qui sont tous distribuez aux pauvres femmes veues, aux orphelins, qui ne peuuent suffisamment travailler pour gaigner leur vie & si on en fait aussi part aux pauvres malades, & à ceux qui demandent le baptesme, tandis qu'ils apprennent le Catechisme, bref ceste liberalité s'essend iusques à prester de l'argent aux pauvres, pour satisfaire & contenter leurs creanciers. D'auantage lon y nourrit vn grand troupeau de cheures, avec leurs bergers, & si il y a vne petite cahuette faite toute expres, là où les peres de famille, vont querir tous les iours la portion de lait qu'il faut à leurs petits enfans, sans que le lait y manque vn seul iour de toute l'année, car les cheures y font des petits cheureaux deux ou trois fois l'année. Avec tout cecy il y a vn grand champ dont ils recueillent ce qu'il leur faut pour viure, sans que rien leur manque. Or toutes ces personnes icy sont laboureurs fort excellens, & fort gens de bien, de sorte que les Barbares admirent grandement leur vertu, & preud'homie. Ils scauent tresbien les mysteres, & commandemens de nostre foy, à cause de la diligence que les maistres y employent, s'assemblans tous les iours quand on sonne l'Aue Maria, pour reciter deuotement les articles de la doctrine Chrestienne, autant les femmes que les hommes. Lon voit aussi par fois les enfans parmy les bois, & des hommes tous faits à chanter sur la cime des arbres les dix commandemens de la loy de Dieu. Et combien que toute ceste charge, & le gouvernement de tant de bonnes ceures ensemble (lesquelles aucunes ne sont pas gueres propres à l'estat des Iettistes) soit difficile, & fascheux à conduire, & maintenir, mesmes qu'il n'y a que quatre ou cinq de leur famille qui s'en meslent, si est-ce qu'ils prennent la peine d'autant plus en gré, qu'il cognoissent que par ce moyen la Chrestienne multiplie grandement par tout le pays, chaque année. Iadioustray encores, que l'vn d'iceux sert de Chirurgien enuers les malades, & guerit des aposteumies, & playes par la faueur que Dieu luy fait autant horribles à veoir qu'elles sont de leur nature, & qualitez dangereuses. Au milieu de ce village il y a de beaux iardins, grands & spacieux, arrousez d'vne claire eau visue, là où sont plamez force figuiers, vignes, orangers, & beaucoup d'autres arbres fruitiers, tout à l'usage de la commune.

Ceux de Tanaa se multiplient tous les iours, tant pource que le commerce de la marine leur sert de beaucoup, comme pource qu'ils travaillent de plusieurs mestiers, & s'adonnent aussi diligemment à l'agriculture, ce qui fait qu'ils n'ont pas si grande abondance de lait & de bestail, pour le moins ion donne ordre qu'ils soient riches en vertu, & pieté, car aux iours ouuriers on leur

lit le catechisme vne fois, & deux les iours de festes, & si ils font des professions fort deuotieuses, y allant les ieunes enfans reuestus de robes blanches, & chantans des chansons spirituelles, à quoy ils sont si propres, & adroits, que ceux de Bazain mesmes les appellent aucunes fois pour orner, & embellir leurs professions. Ceux cy mesmes accompagnent à la sepulture les corps des Chrestiens trespassés, chantans les nocturnes pour les morts, & faisant marcher tout au frōt de leur compagnie, la Croix, le cercueil estant porté par quatre Chrestiens habillez comme ceux de la confrairie de la misericorde, qui est vne ceremonie fort agreable non seulement aux Chrestiens, mais aux infideles aussi. Finablement ceux de la societé voyagent par fois es enuiron de Bazain, loing presque de quinze lieues, & vont visitant les Chasteaux & places fortes du Roy, au grand aduantage spirituel des Portugais, qu'ils cōferment, & maintiennent en tout deuoir & pureté, & puis ils gagnēt tous iours quelques infideles, & Barbares à nostre Seigneur, en leur faisant abandonner leur meschante Idolatrie.



DE LA VILLE, ET ISLE D'HORMVTZ.

Hormutz est vne Isle au goufre de la mer Perse, en laquelle y a vne ville du mesme nom, laquelle pour estre pleine d'estrangers, & meslée de toutes nations, esme de Payés, Mores, Iuits & Chrestiens, la foy Catholique y est en grand danger de se perdre, & d'autre part pour y estre les chaleurs fort excessiues, les corps humains y trauillent beaucoup, au moyen dequoy il y a biē tousiours quelqu'vn de la Compagnie du nom de Iesus, afin que la religion Chrestienne y soit entretenue & augmentée, mais il faut tousiours rafraichir les precedens, & en enuoyant par fois des nouueaux qui leur succedent, afin que plus de gens soient participans des merites & commoditez du lieu. Leur exercice est, d'accompagner la flotte des nauires, quand il est question d'aller à la guerre, afin d'encourager les soldats, & auoir soin de leurs consciences, & de leurs personnes aussi, voire iusques à y laisser aucunes fois la propre vie, ainsi qu'il aduint à Alexius Diaz, en la guerre qu'ō fit cōtre le Turc les dernieres années. Vn autre fut cōtrainct de iouer beaucoup de personages tout ensemble, assauoir, de Capitaine, de Pere, & de Maistre, ayāt tousiours la mort deuāt les yeux, pour les dāgers de l'ennemy, & de la corruption, & infectiō de l'air, lors qu'estāt assiegé Hormutz par les Barbares, il entreprint de sauuer la vie aux nouueaux baptisez en les iettant dedās Mogastane, ville nō gueres loin de là, avec vn travail inestimable. Mais pour reprēdre le discours d'Hormutz le premier de la Societé qui y fut enuoyé, ce fut Gaspar Flamen, lequel en peu de temps, vñant d'vne nōpareille diligence reforma en grāde partie les meeurs, & façons de viure qui y estoient merueilleusement desreglées, & dissoluës. Il en hantit tellement le larcin, l'vsure, & les contractes vsuraires & iniustes, que de l'argent mal & iniquement acquis il feit vne masse de plus de vingt mille ducats, qui furent mis es mains des Magistrats, afin d'en manier plusieurs femmes perduës, qui se retiroient de leur peché, & ordure abominable. Et s'il auoit vne grace si notable de negotier spirituelle-

ment avec les hommes, qu'il n'entreprint presque iamais de tirer de labourbe de peché aucun, pour vicieux qu'il fust, qu'avec la grace de nostre Seigneur il n'en vint à bout: de maniere, que ne pouuant trouuer autre moyen de reduire vn quidam plongé en toute vilenie, il feit marché avec luy de luy bailler vingt escus qu'il amassa d'aumosnes, & qu'il laissast ses abominations, ce qu'il feit. Il auoit aussi souuent exhorté & presché vn autre grand personnage à la confession de ses pechez, & l'ayant onques peu gaigner, il le mena au College vn iour par vne subtilité, si qu'il ne le voulut iamais laisser sortir de leans qu'il ne se fust rendu de gré à gré & fort serieusement, au Sacrement de penitence, qui luy fut vne grande faueur d'enhauc, car ayant son Navire tout équipé au port, soudain apres la confession il s'embarqua, & peu de iours apres combattant vaillamment les ennemys sur la mer il fut tué.

Or en esté, lors que les chaleurs sont les plus vehementes, & que ceux d'Ormuz plongés en l'eau iusques à la gorge, communement se reposent à la fraischeur, Gaspar estoit coustumier de precher deux ou trois fois la semaine, il disputoit des poincts de la Religion avec les Iuifs, Mores, & Idolatres, il faisoit leçons publiques de la Theologie morale, qu'on appelle Cas, ou difficultés occurrètes pour le fait de la cōscience, il enseignoit le Catechisme tous les iours aux enfans qu'il assembloit de ruë en ruë au son d'vne petite cloche, il appaisoit beaucoup de querelles, & retrenchoit toutes occasions d'inimitiés il retirait plusieurs femmes abandonnées de la puanteur de leur peché, il visitoit les hostels-Dieu, il seruoit les malades, & si il ne dormoit que deux ou trois heures, sauf si la maladie ne le forçoit à se reposer d'auantage. Avec tous ces trauaux ordinaires, il auoit sur les bras vn si grand nombre de penitens, & qui le pressoyent d'ouir leurs confessions, qu'il s'est trouué autres fois, estre contrainct tandis qu'il animoit & encourageoit à la mort vn malade qui en estoit à l'article, ouir de confession vne personne qui estoit en bonne santé, tout en vn mesme temps. D'auantage tandis que l'on dressoit vne armée contre l'ennemy, en deux mois il s'occupa tellement à confesser les soldats, que bien souuent il n'auoit qu'vne heure pour dormir, & passoit les deux iours entiers sàs boire & mâger. Au reste il a surmōté de grandes difficultés, avec le diuin & fort excellent zele qu'il auoit de maintenir & ennoblir la religion Chrestienne, comme quand il força les Mores de s'abstenir de leurs abominables & superstitieuses chansons, & les bannit entierelement de leur Mosquée (qu'on estimoit bien la plus belle, & la plus celebre de routes les autres) outrel'esperance de tous, sans aucun trouble, ou sedition: mais seulement en plantant six Croix tout à l'entour d'icelle, accompagné d'vne troupe de ieunes enfans qui chantoient les loüanges de Dieu, dequoy les Mores furent tellement effrayez & abbatuz, qu'ils abandonnant leur beau temple, ils se mirent en fuite. Par son moyen aussi à l'ayde de nostre Seigneur plusieurs Infideles furent conuertis à Iesus-Christ: entre autres vn Iogues, ou (qui vaut tout autant) vn hermite, homme tenu & réputé de si grande sainteté, que le Roy d'Ormuz, par deuotion beuuoit l'eau de laquelle il s'estoit lauë les pieds. Et de fait c'estoit vn personnage de grand entendement, & fut induit & comme contrainct à recevoir la doctrine de Iesus-Christ par plusieurs visions celestes, que Dieu luy enuoya. Il baptisa aussi deux femmes mere & fille, toutes deux Mores, fort nobles, de la maison de Zeiden, extraite de la race de Mahomet. Le mesme personnage en vertu de la sainte Messe, remit l'ame au corps à vn ieune homme que lon tenoit pour mort, & guarit vne femme denontacle, luy ayant religieusement posé sur sa personne l'Euangile de saint Iean.

ÆTHIOPIE



Laude Roy d'Ethiopie faisant profession d'estre Chrestien, mais neanmoins estant desuni de l'eglise, & enucloppé d'opinions schismatiques, feit entendre par ses lettres, à Jean Roy de Portugal, qu'il auoit grand desir de se reioindre, & s'allier à la foy Catholique, & se soumettre à l'autorité de nostre saint Pere, & le prioit de moyenner sa reconciliacion avec le Pape. Ce que le bon Roy executa diligemēt, car il obtint premierement de Jules troisieme, & tantost apres, decedé qu'il fut, de Paul quatrieme son successeur qu'on despescha quelques personnes de qualité a ses frais & despens, pour passer d'Europe en Ethiope, avec commission & autorité du saint siege Apostolique. Et fut esleu pour Patriarche de ceste Province Ethiopienne, Jean Nignes, de la société du nom de Iesus, homme de singuliere vertu & sainteté, lequel fait le voile de Portugal enuiron l'an 1556. avec vne bonne troupe des siens, arriua sain & sauf à Goa, là où deuant que pouuoir acheuer son voyage, il alla de vie à trespas. En la place duquel on constitua en charge, Andreas Ouiedo Euesque, que le Roy auoit desia auparauant enuoyé à l'Ethiopien, avec quatre ou cinq compagnons, ausquels combien qu'il feit fort bon accueil, si ne tint il pas sa parole, ny la promesse qu'il auoit donnée au Portugais, aussi en paya-il vne bien chere amende: car peu de temps apres qu'Andreas y fut arriué, il fut defait en bataille par ses ennemis, & luy mesme tué. Claude, son frere luy succeda au Royaume, vviel apostat de la foy Catholique; homme cruel & sanglant, & morrel ennemy du saint siege Apostolique, lequel feit mettre en prison le Patriarche, & par l'espace de six mois luy donna beaucoup de peine, en le trainant avec son armée à la guerre, & faisant mille outrages à ses compagnons, les menaçant de les faire bruler tous vifs, tormentant cruellement aussi ses sujets, qui portoyent quelque faueur à la religion Catholique, mais à la fin il fut vaincu, & mis en fuite par les Turcs, que les rebelles d'Ethiope auoyent fait venir contre luy, non sans grande occision & boucherie de ses gens, Ceux de la compagnie demeurans prisonniers avec le Patriarche, entre les mains des ennemis pour la quatrieme fois, furent pillés & volés, en danger d'estre brulés par ceux qui mirent le feu en leur logis, de maniere que le Patriarche se trouua sans aucuns accoustremens Episcopaux, & sans moyen de recouurer du vin (car il n'en croist gueres en ce pais là) pour dire la Messe, iusques à auoir faute de papiers pour escrire, & qu'il fut contraint d'enuoyer vne missiue au Roy de Portugal, en vn petit billet de papier de la largeur de trois doigts ou enuiron, & s'il sembloit auoir esté arraché de quelque vieux registre. Leur viande estoit d'orge rosty, & finalement tomberent en telle disette & pauvreté, pour gagner leur vie, plustost que de s'en retourner sans rien faire, ils trouuerent moyen d'auoir vne paire de beufs avec vne charue, & eux mesmes se mirent à labourer la terre. Si est-ce que parmy tant d'ennuis, & de calamitez, ils ne perdirent pas du tout leur peine, car du commencement ils disputerent & feirent plusieurs belles conferences de la doctrine Chrestienne, avec les plus sçauans & lettrez du pays, ils ouyrent beaucoup de gens en confession, & donnerent la sainte

P. Jean
Nignes
deu P.
Patriarche
1556

communium aussi à vn bon nombre de personnes. Ce que plusieurs & beaucoup d'auantage feroient aussi ; disoit vn Abbé, homme de grande autorité, réduit & reünny à l'Eglise Catholique en ces entrefaites, si l'on enuoyoit quelque grosse garnison de Portugais, pour le soustenir & faire escorse. Mais par les dernières lettres lon a eü nouuelles que les choses sont en meilleur estat, & que André Ouiedo Patriarche veut tenir coup à toute tranerse, pour en voir quelque bonne fin. Et de fait, ses trauaux & difficultez acompagnées d'une telle perserance, ont seruy d'occasion à plusieurs autres de meriter beaucoup deuant Dieu, car seize Portugaiz entroyez des Indes pour entendre en quel point les affaires, furent martyrisez des Turcs, & d'autres apres auoit esté blesez furent faits esclaués, entre autre vn de la Societé nommè Fulgence Freyre, chargé de coups, fut pris des Turcs, és frontieres de l'Arabie ; au destroit de la mer rouge, & fait esclaué, fut mis à Macua à la cadene en galere, lequel toutefois à esté racheptré de l'ennemy par ceux de sa congregation, par la liberalité du Roy de Portugal, apres qu'il eut fait six Chrestiens, durât le temps de sa captiuité, desquels les trois peu de iours apres passerent de ce miserable monde en l'autre bien heureux, & comblé de contentement.

16. Portugais sont martyrisés.



DES ROYAVMES DINHAM- BANES, ET DE MONOMOTAPA.



LAn de grace 1560. Conraluo Silueria Portugaiz partât de Goa avec deux compagnons, s'achemina és Royau-
mes qu'on appelle d'Inhambanes, & de Monopotapa, si-
tuez entre Sofala & Mozambique, és frontieres de l'A-
frique, pres du Cap de bonne esperance, à fin d'y annon-
cer l'Euangile du fils de Dieu, n'en ayant iamais ueres
eu de cognoissance, par faute de Predicateurs. Le pais est
bien abondant en or, mais l'on l'achete aussi bien chere-
ment, pour y estre l'air mauuais, mal sain, pestilentieux, & s'il y a bien peu de
viures, & de moyens d'entretenir la santé: car les plus delicates & precieuses
viandes qu'ils ayent, ce sont des fasoles & du riz. Arruez qu'ils furent à Inhã-
banes, ils tomberent en vne si grosse maladie, que Consaluo, le plus robuste,
& le mieux disposé de la troupe, y perdist tellement ses forces, avec vne debili-
té de la venë, qu'il en cuida mourir: mais si tost qu'ils furent guaris, ils prin-
drent leur chemin vers sonne ville capitale, où là où le Roy fait sa residence,
qu'ils y baptiserent, avec sa femme, sa seur, ses enfans, parens, amis, & les pre-
miers de son Royaume, avec presque tout le peuple, en peu de iours, au grand
contentement & ioye de tout le monde. Le Roy print le nom de Constantin,
la Royne fut appellée Catherine, la seur voulut estre nommée Elizabeth. De
là Consaluo print la volté de Monomotapa, laissant ses compagnons aupres du
Roy, qui sur le champ se meirent à faire bastir vne Eglise, du uom de l'Assum-
tion de nostre Dame, mais l'un de ces personnages ne pouuant plus endurer
l'incommodité de l'air, affoibly grandement de ses forces, fut contraint de se re-
tirer és Indes. L'autre nommè Andreas Fernandes, quoy qu'il fut fort aduan-

1560.

Le Roy fut
baptisé &
tout le peu-
ple.

cé d'age,

cé d'aage, demeura neantmoins en ces quartiers là pres de deux ans.

Or pour autant que non seulement le pays est mal plaisant de soy & sterile, mais il y a aussi certaine race de gens, qu'on appelle Cafres fort rudes, & farouches, impatiens d'estre reprins. Fernandes fut contrainct d'endurer beaucoup d'outrages & persecutions (outre la maladie, & la famine qui le pressoyt) allant instruisant, & enseignant le peuple, avec danger de perdre la vie par fois, mesmes certains iours que ces Barbares s'apprestoyent tous en armes pour faire leurs jeux, & sacrifices abominables. Et sachant André que le Roy se devoit trouver en les meschans spectacles, il s'y en alla, & embrasé de l'amour de Dieu, il fit vn acte heroyque, & admirable, car de sa main il renuersa tous les preparatifs de ces ceremonies diaboliques, & puis le foula aux pieds. Le mesme fit confesser vn iour au Roy (qui ne luy fust pas si courtois & fauorable qu'il deuoit, quelque baptisé qu'il fust) qu'il n'estoit en sa puissance de faire plouoir à son plaisir, pour arroser les fruidts de la terre quand la secheresse les brusloit, ce que toutesfois le vulgaire croyoit fermement, & les Roys estoyent coustumiers d'entretenir par finesse, & ruses subtiles ceste opinion, pour tenir mieux le peuple à leur deuotion.

Ce pendant que Fernãdes s'employoit à s'emplables œuures, Consaluo passa l'isle de Mozambique, accompagné de six Portugais, & faisant voile à veüe de terre, il paruint à l'emboucheure de la riuere Masura, loin enuiron quatre vingt & dix lieuës de Mozambique, là ou tourdit vne tempeste si furieuse, que la galere estoit desia à demy pleine d'eau, pensant bien tous estre perdus, quand Consaluo se ietta à deux genoux, & levant les mains & les yeux au ciel, par sa priete il appaisa & fit cesser l'orage. Et pour autant que la feste de saint Hierosme suruint ils descendirent en terre, & apres auoir dressé sur le rivage vn autel portatif, il y celebra la Messe, avec vne chaleur de soleil si violente, que les Portugais tout chaussez qu'ils estoyent ne pouuoient endurer l'ardeur reuerberante de la terre, sur laquele ils marchoient, aussi Consaluo y fut tellement recuit, qu'il luy nasquirent tout plein de petites ampoules par la teste, l'ayant eu descouuerte tout le temps de la Messe, & toutesfois il ne voulut oncques permettre qu'on vsast de medecimens pour le guarir: mais il laissa faire à la nature & au temps, tant il estoit ennemy de son vieil homme, & de ses commoditez. Seiourné qu'ils eurent trois iours en ce lieu, ils reptindrent leur route, avec vne grande bonnace, la mer estant fort calme, iusques au fleuue Colimane, à l'êtree duquel ils surêt derachez en grãd dâger, pour le vër qui leur estoit cõtraire. Si arriuerent ils la part où residoit Mingoaxanes Roy de Giloa, amy des Portugaiz, qui leur fit fort bonne chere, duquel ils eurent permissiõ de prescher le S. Euangile par tout son Royaume, car il ne faisoit pas grand cas des ceremonies Mahumetiques, encore qu'il fust Mote & desiroit grandement que l'on diuulgast par ses terres & pays la doctrine Chrestienne: si ne s'y arriuerent - ils pas beaucoup, pour autant qu'ils se hastoyent d'arriuer au Roy de Monomorapa, lequel estant vne fois gaigné à Iesus Christ, il seroit bien aylé (à leur opinion) d'auoir les autres Roys voisins, & de les faire Chrestiens.

Leuans donc les aneres de ce haure, ils feirent voile droit à la grande riuere de Cuama, distantes trentelieuës de Sofala, là où de nouueau par vne bourrasque & tormente dangereuse, ilz surent iettez dedans le gouffre de Linden, voisin de là, & y demeurèrent treize iours, dont s'estant parry d'eux vn vaisseau qui les auoir accompagnez depuis Mozambique, le iour ensuyuant il se perdit & fut abyssé. Arriuez qu'ils furent à Macua, en l'emboucheure de la riuere, Consaluo dit la Messe, & puis requit les Portugais de vouloir recommander à

*La priere
de Consaluo
fit cesser
l'orage.*

Dieu son voyage, & son embassade, mesmes qu'ils entroyent és marches de Monomotapa, & les pria de ne trouuer mauuais, si .out le demeurant de lanavigation il s'absentoit d'eux, & se retiroit de leur compagnie pour faire ses prieres à Dieu plus paisiblement: car en choses de telle consequence, & és entreprinſes de telle marque, il faut (disoit-il) sur tout se conseiller à Dieu, & auoir sa bonne grace. A l'instant qu'il eut parlé, il feit tendre vne courtine en vn endroit du nauire, & s'estant mussé, & comme tapi là dedans, par l'espace de huit iours, il ne vesquit que d'vne poignée de poids rostis par iour, beuuant vne fois d'eau pure, & tout ce qu'il lay restoit de temps apres auoir prié Dieu, il le passoit par vne legende de la vie des saints.

Le huitiesme iour ils aborderent à Sena, (qui estoit la fin de leur navigation) bourgade assez peuplée: & de là Consaluo despescha vn homme expres pour porter au Roy bien auant dedans le Royaume la nouvelle de sa venuë. & tandis qu'il attendoit la responce, il ouyt de confession quelques Chrestiens habitans du Pays, qu'il persuada de laisser le concubinage, & espouser les femmes qu'ils auoient si longuement entretenues, & avec ce il enseigna le Catechisme, & baptisa bien cinq cens esclaves des Portugais. En outre, il auoit si bien presché & gagné le Roy d'Inhamior, pensionnaire du Roy de Monomotapa, l'ayant visité quelques fois (car il ne demouroit qu'à vne lieuë & demie de Sena) qu'il disoit tout haut & franchement il se feroit volontiers Chrestien, luy, sa femme, & huit de ses enfans. Mais Consaluo, tant pour n'auoir personne qu'il peust laisser aupres de luy, pour le bien instruire en nostre religion, comme pour n'alterer l'esprit du Roy de Monomotapa, qui possible eust trouué mauuais s'il eust communiqué si auant des poincts de nostre religion avec vn sien pensionnaire plustost qu'à luy, apres auoir encouragé & consolé ce bon Roy d'Inhamior, à fin que luy & les siens fussent fermes & constans en ce qu'ils auoient commencé, en esperance que Dieu leur aideroit, il dilaya cest affaire en vne autre saison. Passez que furent deux mois, voicy venit Antoine Caiado Portugais, domicilié de la Royale ville de Monomotapa, despeché du Roy comme Ambassadeur, pour y conduire Consaluo, lequel trauersant en fardeau les paremens de la Messe, avec la pierre sacree, & le calice, le chargea sur ses espauls, & se mit en chemin. Et quand il falloit passer à gué les riuieres, qui sont en ces pays là en bien grand nombre, il les trauersoit, s'y mettant iusques à la gorge, & tenant sur sa teste, ou haussant en sa main son fagoteau, de peur qu'il ne se mouillast. Que si les riuieres n'estoient gueables, les Cafres mesmes le mettoient dedans vn grand vaisseau de bois, & nageant tout autour de luy le guidoient au riuage. La veille de Noel il artua à Chetuchin, village non gueres loing de Monomotapa, là où il celebra trois Messes à la maniere de l'Eglise Catholique, avec vn contentement incroyable des Portugais. Finalement l'octauie du iour de Noel, qui est le premier iour de l'an, ils entrerent dans Monomotapa, & soudain le Roy enuoya visiter Consaluo avec force presens, grande quantité d'or, & forces vaches, luy enuoyant bon nombre de seruiteurs pour dresser la famille, car il auoit esté informé des Portugais qu'il n'estoit pas seulement homme de grande vertu & sainteté, mais aussi fort noble & d'illustre maison.

Consaluo remerciât le Roy de tous ces presens, sans en accepter pas vn seul, il luy fit responce, qu'il entendroit de son Ambassadeur, quelque espee d'or, & quelles richesses il estoit venu busquer en ton Royaume, dequoy le Roy s'estonna grandement, admirant extremement la magnanimité du personnage: & de fait, depuis quand il l'alla saluer: il le receut avec autant d'honneur,

Le Roy enuoya à Consaluo vne grande quantité d'or.

& luy feir autant de careffes & faueurs, qu'il auoit onques fait à homme, car il le mena iufques dedans fon cabinet, là où perfonne n'entre iamais, & vint luy qu'il s'affeit dessus vn tapis avec fa mere & luy: & parlant à Confaluo par truchemant (qui estoit Antoine Caiado Portugais demeuré à la porte de la chambre) il luy feit quatre demâdes tout en vn coup. Combien de femmes, quelle somme d'or, combien de metairies ou granges, & quel nombre de vaches, que les gens du pays prisent autant que l'or, il vouloit de luy. A quoy ayant fait responce qu'il n'auoit enuie d'autres richesses, que de luy mesmes, il le rendit tout esbay, & s'adressant au Truchemant certes il faut, dict-il, necessairement, que l'homme qui mesprise ainsi tout ce que les autres estiment tant, soit bien haut esleué par dessus tous les hommes: en fin apres luy auoir fait promesse liberalement de beaucoup de choses, & pressentez par vne assez longue haranque tout ce qui luy seroit necessaire, prenant congé de luy fort amiablement, le feit accompagner en son logis. Là où disant vn matin la Messe, quelques vns des Princes de la Cour passant par deuant la porte, veirent sur l'autel vne fort belle image de Nostre Dame en plate peinture, qu'il auoit apporté avec soy des Indes, & sans cognoistre que c'estoit, ils vont incontinent rapporter au Roy que Confaluo auoit en sa maison vne fort belle damoiselle, & qu'il la luy deuoit demander, ce qui ne tomba pas à terre, car tout aussi tost il manda à Confaluo qu'il scauoit de bonne part qu'il auoit amené sa femme avec soy, & qu'il auoit grande enuie de la veoir. A quoy il obeyt aussi, car luy mesme apporta aussi tost ceste belle image, enuelopee dedans vn riche drap de soye, & afin de le faire ardre d'auantage du desir dont il brusloit, il commença à luy remonstrer, deuant que de la descouuir, que c'estoit l'image de la mere de Dieu, en la main, & sous la puissance duquel sont tous les Roys, & tous les Empereurs du monde, & puis il osta le voile à l'image, & la feit voir au Roy, & à sa mere, lequel apres l'auoir saluée, & fait la reuerence, requit tresinstamment Confaluo de luy bailler, car il l'a vouloit tenir en sa maison, ce qu'il accorda fort promptement, ains luy mesme la posa en la chambre du Roy & y agença vn petit oratoire avec des tapis de soye.

Or les Portugais qui sont venus de ce pays là disent, que la vierge Roynne du ciei, ceinte d'une splendeur & clarté admirable, & d'un visage doux & amiable, toute semblable de face à son image, apparut au Roy en vision, cinq nuits tout de rang, tandis qu'il dormoit, ainsi qu'il racontoit puis apres à sa mere, & aux Portugais qui sur le champ le faisoient entendre à Confaluo, que le Roy le feit appeller à la fin & luy dit, qu'il estoit grandement marry de ne pouuoir entendre le langage de celle Roynne qui toutes les nuits parloit avec luy: à qui il feist responce que c'estoit vn diuin langage, duquel perfonne ne pouuoit auoir intelligence, que premierement il ne fust assuietty aux saintes loix & ordonnances du fils de ceste Dame, qui est le Dieu, & le Redempteur de tout le monde. Le Roy pour lors, encor qu'il ne dit mot monstra bien à sa contenance qu'il auoit enuie d'estre Chrestien, & deux iours apres il feit entendre à Confaluo par Antoine Caiado, qu'il estoit resolu, luy & sa mere de recevoir le saint Baptesme, & partant qu'au plustost il le vint baptiser. Mais il luy sembla expedient de surfoir encore cest ouurage pour quelques iours, à fin que le Roy fust mieux informé de nostre croyance, & des commandemens de Dieu. Et quand il luy fut aduis qu'il estoit suffisamment catechisé & instruit, le vingt-cinquiesme iour de son arriuée à Monomotapa, il baptisa le Roy & sa mere avec grande solemnité & allegresse, en luy mettant le nom de bastian, & à elle Marie. Ce mesme iout, pource que Confaluo ne vouloit point

Le Roy fut
baptisé

prendre d'or, il luy enuoya cent vaches, mais sur le champ les feit mener à Antoine Caiado, pour les faire assommer & mettre en piéces, & quand & quant distribuer aux pources, ce que le peuple admira grâdemment, & loua côme vn acte plein de liberalité & magnificence. Il y eut trois cens des plus grans du Royaume qui voulurent ensuyure le Roy, & se feirent tous Chrestiens, tellement affectionnez à Consaluo, qu'ils ne bougeoient presque d'aupres de luy. On luy faisoit bien beaucoup de presens, comme de laict, d'œufs, de beure, de cheureaux, & autres choses semblables, mais il n'en goussta oncques, ny mangéa chair aucune, en se contentant d'un peu de miel cuit, de quelques herbes, & de certains fruiets sauvages.

Ceste si grande saincteté, & vn si rare desir du salut des ames, luy auoyent acquis vne telle reputation, & si bien gagné le cœur & l'affection de toutes manieres de gens tant grans que petits, que tout le Royaume estoit sur le point de se faire Chrestien, sans que quatre Mores, gens d'authorité, & bien venus aupres du Roy, mais pleins de malice, & grans enchanteurs, poussez de l'ennemy d'enfer, luy dressèrent vne embusche, & conspirèrent contre luy. L'auteur de ceste diabolique entreprinse fut vn Minguames de Mozambique, souuerain Pontife ou Cachiz des superstitions Morelques, & tous ensemble, tantost eux mesmes en sa presence tout clairement, tantost par vn messager attiré, feirent entendre au Roy qu'ils estoient grandement marries qu'il s'estoit ainsi à la volée mis en danger de sa vie, & de perdre son Royaume, car Consaluo duquel il faisoit grand cas, estoit, disoyent ils, enuoyé du Viceroy des Indes, & des princes du pays de Sophala, pour espier les pays, & son estat, & suborner ses subjects, à fin de les faire rebeller contre luy, & puis venir eux mesmes avec vne grosse armee pour s'emparer de son Royaume, & luy oster la couronne & la vie. Au reste, que Consaluo estoit vn subtil & fort pernicieux & enchanteur (ce disoyent ces garnemens, contrans des fables à plaisir) ayant apporté avec soy des drogues & poisons, pour charmer le peuple, & faire mourir le Roy, & que tous ceux qui se laissoyent lauer la teste (ainsi appelloient ils le saint Baptisme) estans les parolles formelles de Langariens (ce sont les Portugais) prononcées par Consaluo, ils sont veulents ou non, à sa mercy & disposition: ce qu'estoit aduenü en d'autres prouinces, & partant que sa Maiesté aduisast à ses affaires, & de qui elle se fioit, car si Consaluo s'en retournoit vis, l'on verroit en peu de iours tout le peuple comme focerné & hors du sens, s'entretuer miserablement, saccager tout le Pays.

Le Roy estant imbu bien auant de ces mensonges, & propos controuuez, comme il estoit ieune, luy persuaderent aisement, & à sa mere aussi de faire tout au plüstost mourir Consaluo. Toutesfois n'estant encoré esuenté ny publiée ceste coniuration, il dit vn iour à Antoine Caiado: & bien, le Roy est delibéré de me faire mourir, ie lesçay bien, & si en suis tout prest aussi, ce qui sembla bien fort estrange à Caiado, & en souuiant dit qu'il n'en croyoit rien. Or estant venu le iour del'execution, qui estoit feste de sainte Susane, vierge & martyre, Consaluo dit à Caiado, faites moy venir ie vous prie deux ou trois Portugais incontinent, car ie veux que vous & eux aujourd'huy vous confesiez, & que ie vous donne le precieux corps de Jesus-Christ, car ie n'en auray iamais le moyen: & apres qu'il les eut attendu (car ils estoient lens) iusques à midy, voyant qu'ils ne comparoissoyent point, il consuma les deux hosties sacrees qu'il gardoit pour eux, & se mit à baptiser environ cinquante Chrestiens, auxquels il donna des habillemens pour se vestir, & des chapelets pour prier Dieu. Sur le tard voycy venir les Portugais, qu'il ouyt bien de confession,

*Embusche
dressez à
Consaluo.*


mais l'heure ne permettoit pas de les communiquer, auxquels il tint apres plusieurs bons propos, avec vn vilage posé & allegre, pour les animer & donner courage, sans qu'ils sceussent rien de ce que Consaluo tenoit serré en son cœur; si leur consigna les habits à dire la Messe, & les ornemens de la chappelle, pour les faire tenir à Antoina, ce pendant il demeura en son logis reuestu de son surpells, tenant vne image du Crucifix: voyant derechef entrer Caiado, il luy mit doucement la main sur l'estomac, en disant: Antoine ie vous assure que ie suis plus resolu à receuoir la mort, qu'ils ne sont eux à me la presenter: au demeurant ie pardonne de bon cœur au Roy, & à sa mere, car ils ont esté trompez & induis à ce fait par les ruses & impostures des Mores, ce qu'il dist avec vn visage riant & paisible. Soudain Caiado entre adu se propos se partit de luy, combien qu'il ne peust croire que le Roy se fust iamais voulu en sanglâter les mains d'vne telle cruauté, neãtmoins pour s'estre apperceu par vn discours qu'il auoit fait vn peu auparauant que son cœur estoit aigry contre Consaluo (ce qu'il n'eust oncques pensé) il luy enuoya deux deses seruiteurs pour sa garde, desquels on a sceu apres les choses qui s'ensuyuent.

Que Consaluo se pourmena à grans pas en vne place iointe à son logis estãt la nuit desia bien auancée, comme si le temps luy eust semblé trop long pour le grand desir qu'il auoit d'estre affranchy de ceste seruitude corporelle, tenoit touliours les yeux ficez au ciel, & redoublant les soupirs du profond du cœur tantost il leuoit les mains au ciel, & tantost il les trauersoit en croix, & qu'à la fin s'estant retiré en sa maisonnette, il feir vne belle priere à Dieu deuant vn Crucifix, qui seul luy estoit demeuré pour toute consolation, & en se iettant sur vne couchete faite de roseaux il s'endormit du sommeil des iustes. Car les bourreaux qui estoient huit. ou enuiron, ayans espié ce point, comme gens qui faisoient le guet, soudain forcerent la porte, & l'vn d'eux nor. mé Mocrumes, estimé gentilhomme, qui auoit souuent beu & mangé avec luy, & luy sauta sur l'estomac pour l'estouffer, & cependant quatre des autres l'empoignans par les pieds & par les mains l'esleuerent de terre, deux luy meirent la cordé au col, & le serrant estroitement luy feirent sortir grande abondance de sang par le nez, rendant tout ensemble l'esprit à son Createur. Et non contents de ce, avec leurs mains meurtrieres ils inirent en piece l'image du Crucifix, & attachans le corps du defunct avec vne corde, ils le ietterent dedans la riuiera de Monsengessen, de peur (disoyent ces Mores mensongers) que la chair morte d'vn si pernicious homme, que si on le laissoit sur la terre, ne vint à empoisonner tout le peuple.

*Le martyre
& mort de
Consaluo.*

Telle fut la bien-heureuse fin de Consaluo, & de son voyage, apres la mort duquel, le Roy transporté de fureur, feir empoigner les cinquante Chrestiens qu'il auoit baptisé ce mesme iour, & apres leur auoir fait oster tout ce que leur bon maistre leur donna auant sa mort, il les feir tous martiriser. Ce qu'estant venu à la cognoissance des plus grãs persónages du Royaume, qu'o appellez Encoses, esmeus d'vne si grãde cruauté, tous d'vn accord s'adresserẽt au Roy, & luy dirẽt: Si l'on fait mourir ainsi ces gens, pour autant que Consaluo les a baptisez, certes nous mesmes, & vous aussi, pour vne mesme cause, auõs tous merité la mort. Ceste harangue feir refroidir vn peu la cholere du Roy, puis deux iours apres, l'estans venu trouuer tous les Portugais, luy remõstrerent l'enormité du peché qu'il auoit commis, luy feirent vne grande frayeur en luy protestant que non seulement Dieu vengeroit horriblement la mort d'vn si saint & entier personnage, mais qu'eux aussi auroient la raiõ par armes d'vn si lasche tour ioué à vn homme qui estoit de sang illustre, & tres-noble entre leur nation.

Si ce fut à faire les excuses les plus fortes qu'il peut, & à rejeter la coulpe du crime sur ceux qui l'auoient abusé & circonuenu, montrant auoir vn grand regret de ce, si enorme homicide, & afin qu'il en feist apparoitre quelque signe, il feist mourir sur le châp deux des auteurs de fact, n'ayant peu attraper les vœux autres, d'autant que le chef de ces conuicateurs, Minguames, sentant le vent du supplice qu'on luy aprestoit, gaigna aux pied de bonne heure avec son compagnon, que lon ne cuidoit pas pourtant se pouuoir sauuer, pour ce que ce tres-puissant Roy les faisoit cheualer, & rechercher avec toute la diligence possible. Au reste quand lon sceut ces nouvelles es Indes, Antoine Quadros Prouincial de la Compagnie en ces quartiers-là, à l'instance que luy en faisoit le Viceroy, n'attendoit que la saison propre pour nauiger, afin d'enuoyer quelque nombre de ces compagnons a Monomotapa, qu'ils continuassent l'entreprise, & acheuassent l'œuvre si bien commencée, car il auoit grande esperance, que le progres & auancement de ceste Eglise seroit fort excellent, ayans esté les fondemens iceitez avec vn soing si chaste & innocent.



MALACA.

EN la ville de Malaca (distante de Goa vers le Soleil leuant d'environ quatre mois de navigation, & que les anciens appelloient iadis Aurea Chersonesus, ou l'Isle d'or) est située parmy les pays des Payens & des Mores, là où le Roy de Portugal entretient à ses despés vn College de ceste Compagnie, qui s'addonne entierement à l'institution de la ieu nesse, & à la conuersion des infideles. On y baptisa n'agueres entre les autres vn Gentil-homme de marque, & qui exerçoit l'estat de Iuge parmy les Barbares, si ne fut-il pas tout seul à receuoir le Sacrement, car plusieurs de ses domestiques, & mesmes son propre fils luy tindrent compagnie, & feirent comme luy à la persualion, ayant au demeurant et peu de tēps fort bien apprins les principes, & premiers fondemens de nostre foy Chrestienne. Il y eut encoes les années passées vn Iuif, venu de Rome en ce pays là, homme fort scauāt, lequel apres auoit pat plusieurs fois disputé avec ceux de la Compagnie de ce qu'il deuoit & vouloit croire, à la parfin il se rendit & fut baptisé.



MALVCO.

LY a plusieurs Isles en la contrée de Maluco, desquelles il y en a vne qu'on appelle Ternate, où il y a vn beau college, & bien garny de gens, qui s'espandent par tout le pays; & conuertissent beaucoup d'infideles à la Religion de Iesus-Christ mesmes entre autres, le Prince de l'Isle de Bazain, beau fils ou gendre du Roy de Maluco, abiurant la secte de Mahomet l'an 1558. fut baptisé avec son frere, trois de ses sceurs, vne fille bastarde avec sa mere, ensemble vn grand nombre de ses parens, allies, & toute la noblesse, lequel animé d'vn grand courage, luy mesme en propre per-

sonne

sonne, accompagnée d'un de ces Peres, alloit d'Isle en Isle, contraignant & forçant d'entrer es filets de Jesus-Christ, tous aagez, estats, & sexes, iusques aux hermites, & esclaves; & si son compagnon n'eust esté contraint de le retirer à Ternate, loing de là plus de vingt lieues; à cause d'une grosse maladie qui l'accabla. Le nombre de ceux qui se rengèrent à la verité eust esté bien plus grand. Le Roy, du temps qu'il fut baptisé, n'avoit pas plus haut de vingt cinq ans ou enuiron, mais il estoit si beau & si adroit de sa personne, qu'on l'eust prins pour un homme de nos pays de par deçà, s'il eust eu la couleur un peu plus blanche. Estant donques ainsi baptisé, avec vne notable liesse de luy & des siens, le Prestre celebra la Messe, à laquelle tous furent presens, & assisterent en telle deuotion, & d'une si rare deuotion adorèrent le saint Sacrement, qu'ils ne sembloient aucunement estre nouices en nos ceremonies, puis tout soudain lon rua par terre la Mosquée Mahometique de Bazain.

Ces nouvelles arriuées à Maluco, donnerent vne telle ioye tant aux Portugais, qu'aux autres Chrestiens, que pour en rendre tesmoignage, & monstrier que c'estoit à bon escient ils ordonnerent vne fort belle & deuote procession, & feirent aussi iouer l'artillerie, au contraire les Mores en furent si desplaisans, & acharnez, que par despit ils allerent tout à l'instant assieger le chasteau de Ternates, là où les Chrestiens ont leur demeure, mais ils n'y gagnerent rien, car les Portugais le defendirent brauement, & le ieune Prince de Bazain, sans auoir peur d'offencer son beau pere, les secourut par plusieurs fois. Dauantage l'an 1561. estans les Chrestiens d'Amboino fort harassés des Mores, il leur enuoya secours, non sans speciale prouidence de Dieu; car n'ayant en sa flotte plus haut de six Caracores (qui est vne sorte de nauires) ils estoit aidé à battre & prendre vne ville de l'ennemy, & suruenant vne armée de Mores avec quarante Caracores, pour le surprendre & inuestir, il fit si bien qu'il ne perdit que bien peu de ses gens, il est vray qu'un de la Société, qu'il auoit en son camp pour sa conscience, fut blessé au bras d'un coup de mousquet. Au demeurant plusieurs des plus notables, & plus grands Seigneurs de l'Isle en diuers temps se sont fait baptiser, nommément Elizabeth, sœur des Roys de Maluco & de Tidor, femme fort sage, & qui scauoit le mieux les Azoanes de l'Alcoran, & la disposition du droit de Mahomet, mais quand elle eut disputé avec François Xavier, elle quitta ses fausses opinions, & deuint si bonne, & si ferme Chrestienne, qu'elle seruoit d'un miroir de vertu & de pieté à toutes les autres. Le mesme feirent apres tous ses enfans, & six des cousins du Roy de Tidor; l'un desquels estant grand Capitaine & des principaux de la Cour, & plus estimez du Prince, (aussi auoit-il mené l'armée contre les Portugais, à la guerre de Tidor) donnoit grande esperance qu'il rangeroit un iour aussi le Roy à la cognoissance de Jesus Christ, comme feit le Roy des Selebes, accompagné d'un grand nombre de sa noblesse, avec vne liesse & allegresse extraordinaire.

Ce mesme chemin prindrent tous les Princes, ou Roys des Manades (ce sont nations addonnées aux armes, & merueilleusement belliqueuses, les plus vaillantes du pays) & des Sianes, le fils aussi du Roy de Begaia, & toute la plus grande partie de la noblesse de Cauripa: car quant au commun populaire, il faisoit vne telle presse pour estre baptisé, qu'ils venoient à grandes troupes sur le port au deuant de Diego Megalian, de la Compagnie, en le suppliant tres-humblement au nom de Dieu de donner le saint batpisme à eux & à leurs enfans. En ce mesme pays Alfonso de Castro, Portugais, & du nombre de ceste cōgregation, apres auoir longuement triauillé, & gouverné icelle Prouince par

l'espace de douze ans , il mourut pour la querelle de Iesus Christ, tué de la main des Mores l'an 1558. Ce qui aduint lors que le felon tyran le Roy de Maluco tenoit assiegé Ternate , là où son pere fut prins des Portugais, & coffré en prison , car en ce mesme temps Alfonso venant des Isles del Moro , pour se ietter dans Irim , petite Isle , voisine de Ternate, il fut trahy par les mariniens mesmes qui estoient Mores, lesquels pour faire plaisir au tyran, premièrement luy volerent tous ses habillemens , apres le lierent pieds & mains d'une grosse corde , & le garderent l'espace de cinq iours en leur nauire en ce cruel equipage, & puis luy chargerent sur le col vn gros tronc d'arbre verd, comme l'on fait vn ioug sur vn beuf, & ne luy laissant sur soy qu'un eschantillon de toile pour couvrir ses cuisses, le ietterent hors du couuert de la Nau, là où il demeura iour & nuict, nonobstant qu'il fust de foible complexion, & qui se resentoit aisément de la moindre incommodité de l'aër. En ceste si estrange calamité, & chargé de ces tormens il fut gardé trente iours, presque sans manger, & puis quand ils veirent ne le pouuoir plus trainer vif avec eux, pour empescher qu'il ne mourut de sa mort naturelle, ils delibererent de le massacrer eux mesmes.

Adonc en luy liant les mains derriere le dos, le herferent quelques heures au trauers de certains cailloux fort aigus & s'aprouchoit de sa fin, il tomba par terre & rangeant souz luy le tronc de bois qu'il trainoit au col, les Mores le tuerēt à coups d'espées, & puis ietterēt son corps dedans la mer, lequel toutesfois trois iours apres fut trouué au mesme lieu, cerné d'une clarté reluisante, & avec les playes aussi fraiches que s'il les eust receuës à l'heure mesme, chose qu'on trouua d'autant plus admirable, qu'en cest endroit là où il fut ietté, le cours de la mer y est viste & roide, comme si c'estoit quelque riviere impetueuse. Sa mort fut fort regrettée mesmes des Rois Barbares, car, voyant l'auoyent en tres-grande admiration, & si l'on conte entre autres choses, que le Roy de Gerlolo tout More qu'il est mortel enuemy des Chrestiens, parlant vn iour de la mort d'Alfonse, de sa vertu & magnanimité, fort honnorablement, dit à ceux qui estoient autour de luy : Quoy donques noz Cachiz ou Prestres de nostre loy, ont-ils rien de semblable à cest homme de bien. Et de fait nostre Seigneur ne tarda pas longuement à chastier ces meurtriers, voire en ce monde : car le Gouverneur de l'isle d'Iri : & le Magistrat aussi ont secu pour certain, que non seulement eux mais ceux qui leur appartenoyent aucuneinent, bien tost apres moururent tous de miserable mort, non toutesfois d'une mesme sorte, car aux vns boutonnerēt certains petis furoncles fort vilains par tout le corps, & depuis peu à peu comme tous eschorchez, avec cris & hurlemens espouuantables, furent rongez & consommez du feu qu'on appelle sacré. Les autres furent mis en piéces à coups de canon en la guerre, finalement celuy qui auoit rauy & vendu le calice d'Alfonse, deuint tout enslé de ses membres, & puis mourut. L'on dit pourtant qu'au milieu de ces tourmens esleuant les mains au Ciel, il crioit mercy à Dieu, en luy demandant secours & faueur.



DE LA REGION DEL MORO

LA Region, ou contrée del Moro, est soixante lieuës par delà Ternate, diuisée en deux parties, l'une qui est toute en terre ferme, appelée cōmunemēt Morotia, là où il y a huit Eglises de Chrestiens. L'autre dite vulgairement Morotai, contient deux Isles, en la plus petite desquelles l'année 1552. il y auoit desia trois bourgades Chrestiennes, & en la plus grande, dix-huit, & si le nombre des fideles baptizez, pour lors desia montoit iusques à trente cinq mille personnes, mais depuis s'estant tousiours multiplié, l'on y contoit l'an 1563. trente six, que bourgs que villages (entre lesquels y en auoit aucuns de huit cens feux) tous conuertis à la foy, & l'an 1566. le conte fut fait de quarante sept, lesquels ne sont entretenus & regis d'autres Pasteurs que par ceux de la Compagnie du nom de Iesus, qui non sans vne peine incroyable, & avec vne extresme diserte de toutes choses, soustienent volontiers ce faix, pour le grand bien qui reüssit de leur diligence.



DE L'ISLE D'AMBOINO.

1545.

1562.

LE pays d'Amboino appartient, comme par vne enclaeure, à la Prouince de Maluco, distant de Ternate quatre vingt lieuës, & de Malaca (d'où ceux qui font voile, rencōtrēt en teste Amboino, la premiere de toutes les Moluques) trois cens cinquāte. Il n'y auoit en ceste Isle l'an 1545. encore que sept villages, qui eussent receu la foy Chrestienne, quand Xauier y alla la premiete fois, mais luy & ceux de sa robe feirent si bien apres, que l'an 1562. le nombre estoit de plus de trente: puis l'année d'apres, plus de dix mille personnes furent baptisées, & si en ce mesme tēps deux de ses labourours spirituels se preparoyent pour aller à deux autres villes, là où il ya bien quarante mille habitans, ayant desia baptisé les chefs, & plus apparens de l'une des deux, nommée Lucebata, afin de mienx contenir le reste du peuple en sa bonne volonté & deuotion. En ceste mesme Isle est assise Recanine des Mores, ville de marque, les citoyens & habitans de laquelle renonçans à l'Alcoranisme, furent receus au saint Baptisme, & par mesme moyen ils abandonnerent leurs anciens vices, & coustumes reprouées: entre autres vne fort perniciense, qui dispensoit d'entretenir plusieurs femmes ensemble, ceux qui en auoient la commodité: car les riches & opulens, selon la mode antique du pays, achetoient les filles de leurs parens mesmes, en leur payant leur doi, dōt ensuiuoit vn double inconuenient, l'un que les bien aisez & abōdans en biens par vne lubricité effrenée espousoient tant de femmes qu'ils uouloient, l'autre que les pauvres & indigens, ou estoient forcez de viure sans se marier, ou bien prendre pour femmes celles desquelles les gros milours ne tenoient cōte. Or ceste façon de fai

re fut du tout abolie, avec la peine bien grande qu'en prendrent ceux de la Societé, qui furent en ceste entreprise fort bien assistez du menu peuple, mais les plus grands & les plus riches y mirent tous les empeschemens, & firent toute la resistance dont ils se peurent auiser.



MACAZAR



MACAZAR est vn grand pays, car il a de tour & cerne trois cens lieues, distant de Malaca autant de chemin, au demeurant fort plantureux, abondant en or, fertile en Blence (qui est vne sorte de bled) & second en odeurs, mesmes d'un bois qu'on appelle de l'aigle, & en toutes matieres de couleurs, notamment de ce qu'on nomme vulgairement Lacre, qui est excellente, & pour peindre, & pour cachetter ou sceller, car c'est vne estoffe si glueuse, & tenant à ce qu'on l'applique, qu'on ne la scauroit apres aucunement ny arracher, ny effacer; bref c'est vne region où lon trouue force seruiteurs & n'y a faute de chose quelconque: il n'y a de là iusques à Maluco de chemin que pour huit iours, & pour quatre iusques à Amboino. Le premier qui receut publiquement nostre sainte Religio en ce quartier-là fut le Roy des Supanes, avec sa femme, ses enfans, & plusieurs autres, qui estoit gendre d'un tres-puissant Empereur, habitant en la terre ferme de ceste Plage, en vne ville nommée Sedenrem, fort grande & fameuse, située en vne plaine, & fort abondante en chairs, poissons, & fruitages. Aupres d'icelle il y a vn grand lac, enuironné sur ses bords de fortes villes, frequenté de diuerses trafiques par nauigation, ayant de longueur vingt lieues, & cinq de largeur, plein de toutes sortes de poissons, duquel sort vne riuere, qui apres auoir arrousé la terre ferme enuiron trente tournées de chemin, se descharge en la mer pres de Maluco, ville de leuant, là où commande vn riche & puissant Roy, que lon dit auoir grand desir de faire alliance avec les Portugais.

Il y a vn autre pays appellé Macazar comme le premier, mais de moindre estendue, de laquelle le Roy estoit iadis Chrestien, & vn grand nombre de ses suiets aussi, mais apres son trespas, son frere vint à la Couronne, homme Barbare, qui toutesfois monstre le semblant de vouloir receuoir le saint Baptesme avec les siens. Vn autre Roy son parent & voisin souhaite grandement d'auoir qui luy annonce l'Euangile du fils de Dieu, comme font presque tous ces peuples là, pour beaucoup de bonnes raisons, mais entre autres esmeus d'un miracle qu'ils ont veu, fait en la personne de François Nunes Portugais, & Pilote, lequel estant venu en ce pays là si mal en point de son corps, qu'il ne pouuoit aller qu'avec deux crosses, fut miraculeusement guarý, & y ayant dressé vne belle croix en toute deuotion, quant & quant il y laissa ses deux crosses pendues en memoire de ceste nouueauté.

Solor, contrée fort saine, assise à huit degrez & trois minutes vers le Midy, est esloignée de Malaca d'environ trois cens lieues, ayant plusieurs belles villes, & si il y a des Chrestiens domicilies, que les marchands de Portugal, negotiant par ce pays là induisent à receuoir le saint Baptesme, qu'eux mesmes leur baillent. Car vn Portugais se trouuant en ceste Prouince, l'an 1559. par le fait de sa marchandise baptisa le Roy avec sa femme, & les plus grands de son Royaume, &

1559.

plus il mourut. A raison dequoy, entendant le Roy que ceux du College de Malaca ne le pouuoient venir trouver, comme il les en auoit instamment requis par ses lettres, il leur enuoya son neveu, fils de son frere, desia Roy esleu, en mandant au Recteur, que puis qu'il n'y auoit ordre de luy enuoyer des Predicateurs pour bien instruire luy & son peuple, au moins qu'il receust en son College le Recteur de son Royaume, pour y apprendre exactement les mysteres & articles de la Religion Chrestienne; & puis le luy renuoyast, afin que par ses pays il exerçast la charge de Docteur. Ce qui luy fut accordé, & luy ayant esté mis le nom de Laurent, au Baptesme qu'il receut, il apprint en peu de tēps la maniere de prier Dieu, & le catechisme, car il estoit de grand esprit.

1559.

En ceste contrée començoit aussi la secte de Mahomet à prendre pied, car y estans venus l'an 1559, trois ou quatre Cachis des villes de Calecut & Bengala, ils y bastissoient desia vne Mosquée à la Moreque, & infestoient beaucoup de Gentils de leurs erreurs, & resmeries execrables, par faute de Chrestiens qui s'opposassent à ceste poison, & les acheminassent à la verité, & voye de salut, mais ceux du College de Malaca feirent tant qu'à la fin le chef de ces Cachis fut chassé & contraint de se retirer es Indes. Tout vis à vis de Solor, enuiron lieuë & demie, lon voit vne Isle assez grande, & fort peuplée, enuoinée de quelques autres. En ce lieu pour autant qu'il n'y auoit aucune idolatrie, ny aucun temple d'idoles, quand on leur presenta la foy, & Religion des Chrestiens, ils l'embrasserent si volontiers, & la receurent si chaudement, que le Roy, avec tous les plus grands de son domaine, & plus de deux cens d'autres personnes, furent baptesmez en la cité Royale de Labonama, tous lesquels prient ordinairement qu'on les fournisse de bons Predicateurs, afin de conuertir le reste du peuple, par bonnes instructions, & les induire à recevoir le Baptesme.

Ceux de l'Isle de Timor, loing de Solor vn peu moins de quarante lieuës, n'ont entr'eux aucune superstition, ny font profession de religion quelcōque, rāt est grossier & abestye le peuple de ceste coste là. Dauantage quand on va de Malaca à Solor, & à Timor, l'on passe par le Royaume de Iaa, appellé Panaruca appartenant entierement aux infideles, lesquels ont tousiours branement fait teste aux Mores, qui leur ont fait plusieurs fois la guerre, afin qu'ils suiussent la superstition de Mahomet, mais tant & si grande est l'amour qu'ils portent aux Portugais, qu'ils ont proesté de ne vouloir choisir & suire aitre Religion (si d'auanture ils en prennent aucune) que celle des Chrestiens. En veritablement c'est chose presque incroyable, que tous ces pauures infideles sont extremement affectionnez à nostre doctrine Chrestienne, excepté les Mores qui ne la goustēt pas. Car s'estant retiré vn Religieux de saint Dominice au Royaume de Cambaia, & ayant baptesmé quelque nombre de personnes pour ce peu de temps qu'il y sejourna, les habitans ne cesserent onques depuis, de requerir qu'on les pourueust de Predicateurs. De pareille affectiō & en vn mesme rang de deuotion sont les Macalaceans, & Amboniens, Mororians, Morotaians, Bazaneans, Papuans, Bengians, Selebes, Sianes, Cauripanes, Bolaneans, Manadians, Tidoreans, tous les Molucois presque, les Monomotapanois, Inhamiotians, Giloans, Ethiopiens, Ceilaneans, Trauancoriens, & vne grāde quantité d'autres nations & Prouinces desquelles lon n'a pas eu encoie enietre cognoissance, & ne sont totalement descouuertes.

Lon dit aussi que vis à vis d'Amboino, il y a vne autre Isle de deux cens lieuës d'estendue, là où ayans certains Portugais prins port, afin de faire provision d'eau, ils furent venus comme par force des habitans & contraints d'en baptiser quatre mil vn fois, & de rechef vne autre troupe de six deux mille, ne

laissant à leur parterment à ces pauvres gens autre pasteur ny conduite (chose digne de grande compassion) qu'une grande croix haut esleuë qu'ils y plantèrent. Que si ces peuples que nous auons recité sont prompts & deliberez à recevoir la fey Chrestienne, aussi ne sont-ils, pour la plus part, lâches & molles à en monstret les œures, & à la soustenir, car ceux qui d'entre eux sont atteints de maladie, mesmes de fièvre, soudain s'en vont à l'Eglise, & en beuvant vn peu d'eau benite (ceux de la Compagnie donnent bon ordre qu'il n'y en ait aucune mais faute) ils sont guaris sur l'heure. La vertu de ceste eau a beaucoup seruy aussi à ceux de Diuara, l'ayant experimenté contre la morsure des serpens venimeux, A ce point pareillement faut rapporter ce que feit vn de Bazain baptisé de nouveau, car estans deuenus malades d'une bien grosse fièvre, les deux enfans, bien tost apres auoit receu le Baptisme, il en vint faire la plainte avec sa femme au Prestre qui estoit de la Societé; lequel s'apperceuant de la ruse & trame de Satan; leur demanda s'ils auoient opinion que leurs petits enfans fussent en ce danger pour auoir receu le Baptisme? Eux faisans signe qu'ouy; il leur commanda de prendre vn petit d'eau benite, & que sur le champ ils gūsteroient. Et de fait il ne menit point, car si tost que les deux petits patients eurent auallé l'eau, ils perdirent la fièvre, & se leuerent gais & ioyeux avec vne tres grande allegresse, & contentement du pere, de la mere, & du Prestre.

Ces miracles aduiennent assez souuent parmy ces pays, comme à l'endroit du peuple d'Atiua, lequel estant vn peu auparauant baptisé; fut à bon escient confirmé, & rendu plus constant en sa fey, pour auoir veu à l'œil que là où leurs petits enfans mouroient n'agueres presque tous, & certaines vessies mortelles qui ialisoient de leurs corps, si tost que la Chrestienté y fut assise, ceste infection & maladie contagieuse s'esuanouyt. Dauantage estant suruenue en l'Isle d'Amboino, vne siugue & bien ardente secheresse, certaines femmes tout fraichement baptisées s'adresserent à vne qui estoit plus ancienne en la fey, luy demandans par quels moyens elles pouuroient appaiser l'ire de Dieu courroucé, & impetret de luy de la pluye qui tant leur estoit necessaire & viue. Or il y auoit vne croix indise fleuëe, & assise par François Xauier sur le bord de la mer, aux pieds de laquelle ceste dame les conduit, & apres l'auoir ornée avec de la verdure, & nettoyé diligemment la place, elles se ieterent toutes trois à genoux, faisans ainsi leur priere. Toy Seigneur, qui cognois tres bien ce qu'il faut aux hommes, que tu as rachetez par ta mort pleine de douleurs, donne nous de la pluye, car nous sommes Chrestiennes. O chose admirable, car estant pour lors l'air fort clair & serain, il fut soudain obscurcy de nuëe espaisles, qui rendirent tant de pluye, que ces nouvelles Chrestiennes en furent au possible confirmées & rassurées en leur religion, ne cessans de magnifier la puissance du grand Dieu, & non contentes de ce, feirent vne bonne assemblée, & comme vn esquadron de femmes, qui d'vn cœur deliberé ruerent par terre vne idole à laquelle par le passé elles auoient accoustumé de demander de la pluye, & apres luy auoir dit mille iniures, & fait tout plein d'outrages, d'vn commun accord ietterent dedans la riuiere.

Ceux de la mesme Compagnie auoyent edifié vn Temple en vne certaine bourgade, dequoy estant aduertis les Mores, feirent entêdre aux habitans leur resolution, qui estoit de ruer leur Temple, ou il leur consteroit tout ce qu'ils auoient, & sur ce, ils feirent courir le bruit qu'ils faisoient de grâdes apprestes de guerre pour cest effect. Les Chrestiens ayans ouy ces terribles menaces, delibererent entr'eux d'exposer leur vie pour la iuitio & defense de leur Eglise, mais avec vn tel couraige, que iusques aux petits enfans & petites filles atresterent d'vn commun

accord de faire chacun de gros monceaux de cailloux à part pour ruer contre l'ennemy, choisissans tout expressement certains lieux fort à propos. Ce que cognoissans les Mores, & veu le danger où ils se mettoient, ils changerent d'a-uis, & par ainsi Dieu les deliura de ceste brauade. Il y a en la mesme contrée vn village nommé Vlaté, tout à la veüe, & comme dedans les yeux des Mores, garny neantmoins de trois cens bons hommes pour porter armes, à cause dequoy la guerre y est presque tousiours: entre lesquels vn de la Societé ayant seiourné enuiron trois mois, feite le recit que tout ce temps là ils auoient sans respit esté en armes, & combatu les ennemis (graces à Dieu, & par la pieté des habitans) presque tousiours heureusement: car si tost que les hommes estoient attaquez à l'escarrouche, les enfans s'en alloient aux pieds d'vne croix qui estoit là dressée, avec vne rare deuotion; & là se prosternans à deux genoux, frappans leurs poitrines, & hauffans les mains au Ciel demandoient à Dieu misericorde fort humblement, ce qu'ils faisoient parsois sans en auoir aucun commandement, parmy lesquels lon en trouuoit bien souuent de ceux qui ne scauoient pas encores parler. De semblable affection les femmes s'arrachans leurs atour, & pierreries, & les iettans aux pieds de la croix disoient à Dieu en les luy offrant, Seigneur toutes ces choses sont tiennes, tu nous les as données, ne laisse point perdre ce pauvre village, & ne permets que les Mores tes ennemis emportent la despoille de nos biens. Mais quelle merueille est-ce, si les Vlateans par ces diuines faueurs furent victorieux, puis que eux mesmes estans vn iour venus aux mains avec l'ennemy, & leur poudre mouillée par vne pluye qui suruint, ne leur seruant plus de rien, s'estonnerent, & n'ayans plus d'espoir es forces des hommes, se voyans fort pressez de l'ennemy, beaucoup d'eux mettans bas leurs cimenterres, & leurs targes, se mirent à genoux, & leuans les mains & les yeux vers le ciel, feirent ainsi leur priere: Regarde nous Seigneur, car nous sommes Chrestiens, & combattons pour ton saint Non, vien nous secourir, & fay que ta bonté & clemence ne nous abandonne point. Ceste requeste ne fut pas vaine, & sans effect, ains sans qu'ils feissent ou receussent aucun dommage, tous les deux camps se departirent incontinent, & se retirerent chacun en son quartier. Aussi dit-on que ce peuple là est merueilleusement courtois & de douce nature, prompt à toute vertu, & bonnes ouures, ce qu'ils montrent notamment en ce qu'ils portent honneur à leurs Pasteurs, & chersissent grandement leurs Predicateurs.

En vn endroit de la mesme contrée, les infideles, & Barbares, aucuns desquels auoient esté desia consacrez à Dieu par le Baptesme, prenoyans que les Mores pour se faitt conspireroient contre eux, afin de les exterminer, ils enuoyèrent querir ceux de la Compagnie, pour baptiser tout le peuple, disans qu'ils aimoyent beaucoup mieux estre taillez en pieces comme Chrestiens, que de viure en liberté & estre de la secte de Mahomet, de sorte que par l'espace de deux mois il en fut catechisé & baptisé plus de huit cens. De mesme no is scauons que plusieurs Chrestiens, estans solitez par les Mores (desquels ils estoient suiets comme de Seigneurs directs) de renoncer à Iesus Christ, & iurer leur superstition detestable, & sacrilege, choisirent plustost de quitter le pays, leurs biens, & leurs maisons, & s'en aller avec toute leur famille demeurer où les Chrestiens estoient les maistres. Au reste, les Chrestiens de Quilan estans assiegez des Mores, sur le haut sommet d'vne montaigne, à cause de la sainte Religion qu'ils auoient suiue, ne se voulurent iamais rendre quelque danger qui s'y presentait, ny quelques menaces qu'on leur sceut faire. Mais la confiance & magnanimité des Homanes ne fut pas moindre en vne semblable querelle: car eux

ans loquement & vertueusement soustenu l'armée du Roy de Maluco sur leurs bras, voyans qu'ils ne pouuoient plus tenir bon, ny resister à la force des ennemys qui estoient en grand nombre, accorderent au tyran mille écus d'or, ou enuiron, & qu'il les laissast en leur religion Chrestienne. Ce fut icy aussi là où la fille du Gouverneur d'Homan sollicitée par le Capitaine des ennemis de se marier avec luy (esperant par ceste ruse s'emparer plus aisement de la ville) luy respondit, qu'il se pouroit bien faire qu'elle l'allast trouver, mais ce sera donc, dit elle, toute morte,

De pareille hardiesse les Recaniuois (entre lesquels il y a bien mille bons conbartans) estans venus des Mores avec quelques galeres pour les sommer de reprendre la loy de mahomet qu'ils auoient abiurée vn an deuant, sur peine que le Roy de Iaa avec vne puissante armée les viendroit raser, & ruiner, sans'estonner aucunement de ces braues menaces, leur feirent responce. Que ny pour peur de la mort, ny pour le danger de perdre leurs biens, & d'estre exilés de leur patrie, ils ne renonceroient iamais à la vraye religion de Iesus Christ & qu'ils aimoyent beaucoup mieux endurer toutes sortes de labeurs & persecutions en ce monde, que d'estre chastiez & tormentez eternellement en l'autre. De là à quelques iours suruenant la flotte de Iaa, ayant enuiron vingt nauires en tout, & les Recaniuois ne se trouuans assez forts humainement pour faire teste, de prime face s'effrayèrent, mais depuis estans rassurez & encouragés par les remonstrances des Predicateurs de ceste compagnie, ils meirent tout leur espoir en Dieu, comme en celuy qui ne les abandonneroit point au besoin: aussi ne feit il, car ces vaisseaux ne furent pas plustost abordés costoyant la terre, qu'une furieuse tempeste soudain les froissa, & escarta bien loin; & fut le mesme point les habitans descontinrent l'armée des Portugais qui leur venoit au secours. Au surplus considerant ceux d'Amboino, qu'à cause de leur Religion sainte, ils estoient perpetuellement vexés, & mis en proye: tous les Chrestiens ensemble, en vn Conseil General feirent vne resolution, arrestant qu'il s'entraideroyent, & secoureroient les vns les autres, contre l'impetuositè moresque; & iurerent par vne promesse publique, & autentique de vouloir tous viure & mourir en la foy Catholique, chose qui resioiut, & consola grandement ceux de la Congregation du non de Iesus.

En la coste de Comorin, mourut vn Roy barbare, duquel le pais estoit tributaire, & comme les subjets en menoyent vn grand dueil à la mode des infideles, barbe, & cheueux rasés, ne voulant faire le semblable, vn Chrestien depuis peu de temps baptisé, les Gentils luy volerent son bien, & puis luy couperent la gorge. Or l'an de grace 1566. vn nauire des Chrestiens Comorinois, voyageant à Cocin, tomba es mains des maures qui escumoient la mer, & tout à l'instant six des principaux furent empoignés, enchainés & menacés de la mort s'ils ne renioient Iesus Christ pour se rendre à mahomet, lesquels feirent responce qu'ils endureroient plus tost tous les tormens du monde que ne se souiller d'un sacrilege si detestable. A ces propos cognoissant les mores qu'ils perdoient le temps de les prescher, se meirent à les tourmenter premierement, & puis leur dirent: Sus, ostés ces Croix (car chascun en portoit vne pendue à son col) car vous auez la teste tranchée. Quant à noz testes, dirent les Chrestiens, les voicy toutes prestes; mais quant aux Croix, arrachés les si bon vous semble, car nous mourrons plustost que de le faire. Ce qu'ayant dict se mirent tous à genoux, & les bourreaux les decapiterent, estans les Portugais & plusieurs assistans comme ravis en admiration de la constance de ces cinq personages, car ils ne feirent pas mourir le sixième, lequel apres contoit à ceux de

la Compagnie à Cocin, qu'il auoit senty en son ame, au milieu dece danger, vne certaine force, & vertu que Dieu luy auoit distillée dedans le cœur.

D'auantage non guere loin du Goufre Perliquel l'an 1554. les Turcs prirent vn nauire; là où il y auoit outre les Portugais quelque nombre de nouveaux Chrestiens, iusques à tréte-six ou enuiron, tous enfans de Malauar, de l'age depuis deux ans iusques à dixsept, que les Mores essayèrent de reduire à leur meschante secte, tantost par carellé, & tantost avec menaces, voire iusques à les battre, & leur faire tout plein de tourmens: & entre autres cruautés d'ont ils vserent, ils feirent degouter sur leur tendre, & delicate chair de la gresse fondue au feu; Mais la vertu, & grande constance de ces ieunes enfans mesprisans tous ces tourmens, & beaucoup d'autres outrages, finalement ces bourreaux se desistrent d'vn, par force & malgré qu'il en eust le circoncièrent, puis ils luy obierroient qu'il estoit Maure, à quoy il respondoit hardimēt qu'il estoit Chrestien cōme auparauant, car il n'auoit eu que le corps forcé, & alteré, & non pas l'ame. Pareille felonnie fut exercée es Isles del Moro, contre vn grand nombre de nouveaux baptiséz, lesquels ne voulāt laschement abandonner l'Eglise de Dieu, pour r'entrer en l'orde famille de Mahomet, furent en partie vendus à l'instāt, leurs biens estāns confisqués, & en partie cruellement occis, & martirisés.

Mais les choses qui passerent les dernieres années en Amboino, meritent bien d'estre mises au rang de la coustume & vertu des anciens martyrs, non seulement pour ce que les grosses bourgades toutes entieres habitées par les nouvellemēt conuertis à la foy, furent saccagées & pillées pour ceste sainte cause, & en certains endroits tous ceux qui y faisoient residence mis au tranchant de l'espee, mais aussi pour l'extreme cruauté dont les barbares vserent à en meurdrir plusieurs. Car à quelques vns ils couperent tous vifs les muscles des bras, & les rates des iambes, & puis deuant eux les rostissans, & deuorans, despecerāt, & deschirerent les autres membres de leurs corps, iusques à ce que ces bons & fideles Chrestiens psmés en la lōgeur de ces tourmens rendissent l'esprit, desquels aucuns iusques au dernier soupir, redoubloient souuent ces douces parolles, IESVS MARIA, pour ne dire rien de ceux qui ont esté faits esclaués, & emmenés çà & la en vne dure seruitude & captiuité. Or ilz endurent toutes ces cruautés, principalement pour ce qu'estans alliegez des Mores, craignans que leur Croix (car c'est la coustume des Chrestiens d'en planter vne en chascune bourgade) ne tombast entre leurs sanglantes mains, ilz l'auoient cachée dedans terre, enuelpée d'vn voile noir, en signe de deuil & de tristesse.

Au reste, les Chrestiens nouuelets ne sont pas tous seuls festoyés de ces peines & afflictions, mais leurs docteurs, & Maîtres y ont aussi bonne part, à fin que comme l'on dict, le disciple ne soit priuilegé plus que le Maistre. Entre les autres vn estant en Amboino maniant fort heureusement les affaires de la foy Chrestienne, fut souuent espie par les mores, & vne fois pres que bruslé tout vif en son logis, là où ilz auoient mis le fen, & ne cessèrent oncques de le gueter, iusques à ce (comme l'on dict) qu'il l'enrent empoisonné. C'estoit vn homme pour insuivre, & maintenir les Chrestiens contre l'impetuositē enragée des barbares, si diligent, & courageus, que les ennemis mesmes admiroient sa magnanimité: & s'il estoit avec cela si liberal enuers les pauvres, qu'ayant vn iour fait vne aumosne de sa chemise, quoy qu'il feust en extremité de maladie, ne luy estant plus demeuré aucuns accoustremēs, s'affubloit d'vn lodier pour aller visiter les Chrestiens, ce qu'il faisoit sans intermission.

Vn autre s'aquittant tresbien de sa charge à l'endroit de son troupeau, fut queiques fois mal mené & battu des Mores, & s'estēt embarque pour aller bap-

tiser certains barbares en vne ville qui l'en auoient requis, le vaisseau alla au fonds, & luy se noya. Cependant son copaignon (pour ne mettre cecy en oubly) se sauua bien à la nage, mais deuant que d'arriuer au port, il donna contre des rochers qui le blessèrent, & deschirerent si fort, qu'il fut contraint de ramper à quatre pieds comme vne beste, & apres s'estre ainsi traîné par les bois, & delers trois iours durant sans rencontrer personne, à la fin vn sauvage, de ceux qu'on appelle Allifar, le trouua, qui le chargea sur son col, & l'emporta en vn village de Chrestiens, desquels il fut recueilly si courtoisement, que pour le venir veoir, ils accouroient à troupes, en pleurant tendrement de compassion, & luy apportoyent à l'enuy de la viande, des habillemens, & tout ce qui estoit en leur puissance, pour le refaire & conforter.

Trois autres personages de ceste congregation, l'an 1555. passant d'Europe aux Indes, & s'estant le Nauire aheurté en certains lieux sablonneux en liq cens lieues loing de Goa, plusieurs des voyageurs ramasserent quelques tronçons du gros vaisseau, & en firent quelques petits bachots, sur lesquels ils gagnerent vn port. Eux, bien qu'ils en fussent instamment requis, & liberalement conuiez de se sauter, si ne voulurent-ils aucunement abandonner le reste de la troupe qui n'auoient peu entrer dedans les esquifs, & par ainsi tous trois moururent de faim avec leur Compagnie. D'auantage, vn Italien natif de Parme, nommé Antoine Criminale, estant enuoyé aux Indes vers Xauier, l'an 1544. avec d'autres de sa robbe, pour le seclager & seconder en ses grâds labours, fut de rechef delegué par le mesme Xauier à la coste de Commorin, pour auoir la totale charge des Chrestiens du pays: de laquelle non obstant les traueses, & comballions de guerres dont toute ceste Coste estoit en troubles, il s'acquitta diuinement bien par l'espace de trois ans, faisant presque tousiours à pied nud chaque mois pour le moins cent lieues de chemin en sa visite, couchant sur la dure, & montrant grande abstinence & austerité en son boire & en son mangier. Or se trouuant à enseigner le Catechisme au gué de Remanancor, il eut vn soudain aduertissement, que les auant-coureurs de l'armée Bisnagoise luy estoient desja sur les bras. Il y auoit au port tout atenant vn nombre de vaisseaux tous prests à faire voile, dans lesquels il se pouuoit ietter, & se sauuet de vitesse, comme plusieurs aussi luy conseilloyent, mais ce bon Pasteur estimant moins sa vie que le salut de son troupeau, se mit à faire embarquer en diligence les femmes & les enfans (pour estre ce sexe & cest aage plus exposé à l'incontinence, & bestialité de l'ennemy) de peur qu'ils ne fussent inuestis des Barbares; avec dâger & perte de leur conscience & Religion: & cependant qu'il estoit occupé en ce saint exercice avec vne admirable ferueur d'esprit, oublié de sa personne mesme, voicy l'ennemy qui le surprint, & voyant l'extreme danger qui le presentoit, garny d'vne haute esperance de l'immortalité, il se ietta à deux genoux, & leuant les mains au Ciel, fit à Dieu sa priere du plus profond de son cœur. Tandis deux bataillons des ennemis passerent tout outre sans luy dire ny faire chose aucune, quoy qu'il eust enuie de mourir pour ne veoir le troupeau de Iesus-Christ ainsi dissipé, & mis à néant. Mais suruenant vn esquadron de Badagaas (ce sont certains du pays mesmes de Bisnaga) l'vn d'eux ayant vne benderole en teste, luy donna vn coup de iaueline au costé gauche pres de la rate, & cōme vn autre soudain accourut pour butiner ses habillemens, c'est à sçauoir vne robbe toute frippée, luy mesme cōmença à se despoüiller, afin ce sēble qu'il n'éportast avec soy du tout rien de ce monde, voire iusques à se despoüiller vifement de sa chemise, la mettre en pieces, & ietter par terre. Ce que ayant fait, de rechef il se mit à genoux, seio sa coustume ordinaire, car il le faisoit vingt ou trēte fois le iour, dar-

dant au Ciel (cōme des traits) certaines prieres troussées, & lors il receut deux autres coups en l'estomach, & du quatriesme qu'il eut en l'espaule il en tomba demy mort. Sur luy se ruèrent les meurdriers, & luy ayant coupé la teste, il la pendirent en l'air avec des lambeaux de sa chemise toute sanglante, laissant la le corps sans l'enterrer. Ce fut le riche payemēt, & la noble recompense qu'Antoine receut de Dieu pour ses labours, & delices. En ceste mesme costé Aloïs Mendez s'occupant aussi à instruire les peuples Chrestienement, fut par ces malheureux, & cruels barbares martyrisé.

Or non-obstant toutes ces grandes fraieurs, & les dangers estranges qui se presentent en ceste charge, ceux de la Compagnie du non de Iesus, ayant vn courage excellent, font entre eux comme à l'enuy de grandes instances pour estre enuoyés en ces pays là, tant pour ce que c'est vn exercice propre à leur profession, comme pour ce qu'estans tous les iours enuironnés tant de perils, & incommodités, ilz sont aussi forclos, & sequestrés de toutes consolations humaines, & par mesme moyen souuent ils iouyssent par la bonté de Dieu, d'vne sorte de vniuersitez trespures que la chair & le sang ne peuuent gouter, & sont réplis d'vne liesse celeste, que les hommes sensuels ne scauroient aucunement sauouer. D'vne chose principalement ils se tourmentent & plaignent c'est qu'estant eux en si petit nombre, plusieurs belles campagnes demeurent steriles, & desertes, qui seroient abondantes, & plantureuses, de toutes vertus si elles estoient biē labourées, & d'autres apres auoir esté quelque peu cultiuées se trouuans eux si pressés de tant d'affaires en diuers lieux, qu'ils ne les peuuent voir, & renouveler, le labourage peu à peu tombent en friche, & deuiennēt sauages. Ce qui les cōtrainct & force de bailler en charge pour instruire & gouverner plusieurs milliers de personnes, residētes en diuers lieux, à vn seul homme, qui n'est pas encore prestre, & si en beaucoup de Royaumes, & Prouinces de grande estendūe, il n'ya autres predicateurs, & pasteurs que de là-compagnie. Au reste l'vne des raisons qui les empesche de pouoir fournir tant de necessitez en tant de lieux, c'est en partie pour n'estre encores le nombre de leurs suiets assés copieux, & puis ce qu'y est, tellement espars par toute l'Europe, & entrée iusques és dernieres marches d'Orient & d'Occident, que c'est merueille, comme en si peu de temps, vn tel nombre de personnes mesmes religieuses, & qui pour s'adonner serieusement à toute mortification tant de corps que desprit, n'ont ordinairement gueres de santé, ayent eu loisir en si peu de temps, ie ne dis pas de prescher l'Euangile de Iesus Christ, & enseigner la sainte Loy, comme ils ont fait, mais seulement recognoistre tant de pais, & discourir partāt de Prouinces, & terres escartées, & desiointes l'vne de l'autre, par tant de grāde Mers qui entre-flottent. Parquoy le desir qu'ils ont d'auoir à leur aide & secours, en vne si sainte entreprise, vn plus grand nombre de personnes, doit estre tenu & réputé pour iuste & equitable, d'autant plus qu'il n'ya point de raison de laisser ainsi perir & pourrir deuant nos yeuy, vne si ample & riche moisson d'ames (qu'il falloit pieçà auoir arraché des gusses du diable) par faute de gens qui y veulent mettre la main.



AVEVNES EPISTRES NOTABLES DES PAYS DV IAPON.

PAVL IAPONOIS A CEVX DE LA COMPAGNIE

du nom de Iesus. Grace & Paix selon Dieu.



Vis qu'il a pleu à celuy qui me fait naistre du ventre de ma mere, de me retirer comme vne brebiette perduë, & esgarée de son troupeau, & de ne m'abandonner quoy que grandement esloigné de luy, bref de me reduire des tenebres à la lumiere, & me rappeler de mort à vie, il m'abien semblé conuenable à la pieté & deuotion que i'ay suyue, de vous deduire par ceste mienne lettre par quel moyë ie fus cōuertý à Iesus-Christ, mesmes que si grandes faueurs, & bienfaits de Dieu enuers moy, rendent vn tesmoignage fort euident de sa bonté, & douceur infinie.

Du temps que i'estois en Iapon (qui est ma patrie) enuelpé des tenebreuses superstitions du pais, ie fus cōtrainct vn iour entre autres de me sauuer dans vn monastere de Bonfes, comme en lieu de franchise, craignāt de tomber entre les mains de mes ennemis, là où aborda vn nauire de marchans Portugais, entre lesquels i'y recogneus soudain Aluarõ Vaz, qui de sa grace & liberalité (si tost qu'il eut entēdu l'estat de mes affaires) me fait toute offre honeste pour l'amitié qu'il me portoit, si ie voulois aller avec luy, & depuis voyant qu'il ne pourroit faire voile si tost, à cause que ces negociés alloient en grande longueur, & neantmoins le retarder davantage, m'estoit fort d'agereux, il escriuit en ma faueur à vn sien amy, ancré en vn port tout attenāt, qui deuoit bien tost singler

en mer. Soudain ie portay ces lettres de pleine nuict, & comme i'estois en effroy sans regarder à qui elles s'adressoient, au lieu de les donner à Hernando, ie les feist tenir à George Alvarez, nautõnier, ie quel m'ayāt fait fort bõ acueil, m'emena avec soy, en deliberation de me faire prendre bõne & amiable cognoissance avec François Xavier, qui luy estoit fort grād amy: & luy cependant, tant pour gagner ma volôté, que pour m'instruire es choses de Religion, tantost me discouroit sur les beaux faits & sur la vie de Xavier, tantost menarroit quelque chose appartenante à la Doctrine & reiglemēt des Chrestiens.

Or ces propos, & deuis auoient desia gagné sur moy ce poinct, que non seulement ie souhaitois grandement de veoir ce personnage-là, mais aussi ie me sentoie embrasé d'vn desir d'estre Chrestie, tellement qu'estās arriuez à Malaca, ie fus dès lors esté baptisé, si le Vicair de l'Euesque m'en eust dōné permission, mais apres estē informé de mes affaires, il me refusa le saint Baptisme, pour autant qu'il ne m'estoit loisible (disoit-il) ayant receu le Sacrement, de retourner en la compagnie de ma femme. Ce qui fut occasion que n'ayant là trouuē Xavier, comme ie s'esperois, & le tēps estant venu tout à point de reprendre la route vers mon pays, ie m'embarquay sans rien faire, singlant vers la Chino, distāte enuiron deux vēs lieux qui sont six ou sept iournées de Iapon à fin de m'y acheminer à la premiere commodité de nauiger. Mais ayāt desia si bien auancé nostre chemin, que nous estans à

la veüe de l'Isle de Japon. loing de terre seulement vingt lieues, nous feümes soudainemēt assailis d'une tormente si cruelle, & horrible, par l'espace de quatre iours, qu'elle nous repoussa dans le port Chipois d'ont nous estions nagueres partis, & là quant & quant mismes pied à terre. Et sur ce point que i'estois tout espouuanté du danger passé, & neätmoins tellement piqué des esguillons de ma conscience & en telle perplexité d'esprit pour le fait de là Religion, que ie ne scauois quel party prendre, voicy venir à moy mon Aluaro Vaz Portugais (lequel comme i'ay dict m'auoit donné moyen de m'absenter de Japon) tout estonné de me veoir de retour de Malaca, & si tost qu'il eut entendu le hazard, ou i'auois esté pour l'orage precedent, il se meit à me persuader de reprendre de rechef avec luy mes erres vers Malaca, ce que me conseilloyent aussi Laurēt Botello, homme d'autorité, & d'honneur s'assurant que dans pen de iours, Xauier se rendroit à Malaca lequel de là me conduiroit au College de saint Paul à Goa, pour me mieux instruire en la foy Chrestienne, & depuis me feroit accompagner iusques en mon pais par l'un de ses domestiques.

Ce conseil me semblant le meilleur, ie repassai encore vn coup à Malaca, là où desbarquant ie rencontray fort à propos George Aluares, qui m'auoit mené de Japon la premiere fois, lequel soudain me conduit luy mesme à Xauier, qui d'auanture estoit à l'Eglise celebrant vn Mariage, & s'estant enquis & informé de moy: qui i'estois, d'ont ie venois, & pour quoy, il me monstra vn si bon visage, & fit si bonne chere avec vn si grand & si doux acueil (i'entendois desia quelque peu le langage Portugais) qu'il continua depuis tousiours si gracieusement, & d'autre part ie fus tellement resiouy, & consoié à la premiere veüe, & rencontre de ce personnage, qu'il estoit aisé à cognoistre, que Dieu mesme auoit dressé & conduit tout mon voyage. De là à peu de iours reprenant son chemin au College de Goa, & contrainct de passer par le Cap de Comorin, pour y

visiter les Chrestiens nouueaux, il m'en-uoia avec George Aluares par vn chemin plus court, là où i'arriuy au commencement de Mars l'an 1548. & luy, m'y suiuit d'une grande vistesse, car il ne demeura que quatre ou cinq iours apres moy, ce qui me donna vn grand contentement, car il m'auoit desia vaincule cœur par sa douceur, & grāde prudence. En ce College donques de Saint Paul, apres auoir esté diligemment enseigné es points du Baptisme moy & mon seruiteur, Japonnois comme moy, le mois de May ensuiuant, le iour de la Pentecoste, nous fumes tous deux baptisés par la main de l'Euesque en l'Eglise Cathedrale. Ce que i'espere bien par grace & faueur du Createur de toutes choses & de nostre Seigneur Iesus Christ, crucifié pour nostre redemption, auoir esté fait à la bonne heure, & conduit de façon que son nom en sera glorifié, & la Religion Chrestienne augmentée, la verité de la quelle me semble de iour à autre plus claire, & certaine, tant pour raison de tout plein de nouvelles faueurs que Dieu me fait, comme à cause d'un grand repos, & d'une profonde tranquillité que ie sens en mon esprit. Au reste en bien peu de iours i'apris à lire & à escrire, & si ie sceus aussi bien tost tout par cœur l'Euangille de saint Mathieu, que i'escris maintenant en lettres Japonnoises pour m'en cōfermer la memoire. Cependant i'ay bonne esperance, non sans vn grand bien & profit de ceux de ma nation, & non sans vn notable acctoissement de la foy de Iesus Christ, de veoir en Japon, auant que mourir vn College de la Compagnie du nom de Iesus. De Goale 28. de Novembre. 1548.

Cosme de Torrès à ceux de la Cōpagnie du nom de Iesus.

Pour autant que i'ay beaucoup appris de choses ces années passées qui concernent la perfection Chrestienne par ceux de la Societé qui viuent icy deuois quartiers, pour la familiarité que i'ay avec eux,

& particulieremēt avec François Xavier, ie vous veux faire part de la grande allegresse, & du singulier contentement que i'en recois, mes bien-aymez Peres, & treschers freres selon Dieu, en vous faisant vn petit discours des moyens qu'il a pleu à la diuine Majesté vsfer en mon endroit pour me faire rendre à la Compagnie. Et tout en premier lieu, iaçoit que de tous temps i'ay eu l'esprit fort donné à l'estat de Religion, toutesfois plusieurs & diuerses affections sensuelles & mondaines m'en destournoient, & empeschoient d'executer mon entreprise. De fait l'an 1538. allant busquer ie ne sçay quoy, ie fis voile du Port de Seuglia vers les Isles Canaries, di San Domingo, & voyagé en plusieurs autres, desquelles ie ne parleray point à present pour estre assez cogneües, & notoires à vn chacun, & si ie voulus aussiveoir la terre ferme qu'on appelle Noua Spagna, pays metueilleusement fertile, & là où les Religieux de saint Dominique, & saint François, ont fait vn grand nombre de Chrestiens. ysejournay enuiron quatre ans, avec toutes les comoditez, plaisirs, & contentemēs du monde, & neantmoins ayant en l'esprit tousiours ie ne sçay quoy de plus grand, & de plus solide, que tout cela, l'an 1542. ie delibray de faire vn voyage avec vne flotte de six vaisseaux vers les quartiers de Ponent, & apres auoir fait voile en haute mer sans descourir pays aucun, finalement nous abordames à certaines Isles petites, mais en grand nombre, & fort basses, les habitans desquelles aloiēt tous nuds, se nourrissans de poissons, & de fruitage. Passez que furent huit iours en ce lieu, le dixiesme en nauigeant nous recogneümes vne Isle, fort plaisante, & pleine d'vne infinité de belles & grandes palmes, mais nous n'y peümes iamais ancrer à cause du vent contraire au moyen dequoy dix où douze iours apres, nous arriuāmes à vne autre Isle fort spacieuse, mais presque du tout deserte, appelée cōmunemēt Vendenam, ayant de circuit deux cens lieuës, là où apres auoir demeuré quarante iours, sans y pouuoit

rencontrer aucun des habitans, à là parfin certains Barbares nous vindrent trouuer avec leurs batteaux, & nous monstrant grand signe de paix, qu'ils nous requeroient fort affectueusement, ilz se tiroient du sang de l'estomac, & des bras, mais ilz furent tellement estonnez de la foudre de nostre artillerie, qu'en se sauuant d'vne viffesse incroyable, onques depuis ne cōparurent. Au reste ilz vont tous à demy nuds, & se parquent sur les arbres en lieu de maisos, y guinpas avec des roseaux fort grands, & esbais qui leurs seruent d'eschelles.

De la nauigeant du costé de Septentrion, ayant le vent contraire, nous singlāmes vers le Midy, & metiāt pied à terre, en vne petite Isle pleine de chair & de ris, nous y sejournaimes vn an & demy, estant au demeurant les habitans bons tireurs d'arc, mais ils vsēt de fleches enuenimées, qu'ils trēpēt au sang de certaines bestesiettes, comme seroient Lezards, qu'ils nourrissent tout exprés. Nous y perdimes enuiron quatre cents hommes des nostres, tellement que cōme par contraincte nous retirās de là gaignāmes les Isles de Maluco, là où nous feismes seiour deux ans tous étiers, car noz nauires ne pouuoient reprendre la route de la noua Spagna, ce qui nous donna occasion de traicter avec le Lieutenant qui estoit là pour le Roy, de nous faire conduire en ces pays des Indes Orientales, tout par auis & conseil de plusieurs Religieux, & de la noblesse qui venoiēt en ma compagnie. Or en ce voyage, nous prismes port en vne Isle, nommée Amboino, là où ie trouuay Xavier, lequel de prime face me rauit le cœur de maniere, que sur le chāp ie me fusse rendu à luy pour suyre, & estre son disciple, n'eust esté que i'auois auparauant deliberé d'aller trouuer l'Euesque de Goa, au moyen dequoy ie ne le claray point pour ce coup mō dessaln à Xavier. Estant arriuē à Goa, l'Euesque me fit fort bon recueil, & me donna la charge d'vne paroisse, que ie gouuernay l'espace de six mois, mais avec vne telle perplexité, & regret de moy-mesme, que

ne trouuant aucun repos, ny contentement en chose que ie feisse, ie me vins rendre de ce collegé de saint Paul à Goa, & prins cognoissance avec le pere Nicolas, recteur du College par le moyen duquel ayant entendu par le menu la maniere de viure de la Compagnie, & touché au doigt la discipline domestique d'icelle, i'en receus vn merueilleusement grand plaisir & contentement, mesme que i'estois desia à demy gaigné par la grâde opinion que i'auois conceu de Xauier. Si delibéray suyuant la reigle de la Compagnie de me retirer pour vn temps de toutes affaires & distractions seculieres, à fin qu'en reueillant mon esprit, & le separant si loing que ie pouirois des choses sensibles, i'employasse toutes mes pensées & conceptions à recognoistre les bien-faits, & faueurs que Dieu m'a fait, & redisse conte à moy mesme de toute ma vie passée. Ce qui me succéda si heureusement, que trois iours epres auoir commecé cet exercice, ie me trouuay l'esprit si resolu, & guaranty de toutes ses vielles angoisses, que ie fus tout esbay moy - mesme d'vn si nouveau changement, & par ainsi ie determinay de viure & mourir d'oresnauant en la Compagnie du nom de Ies.

Ce qu'estant adueni l'année precedente, le 19. iour du mois de Mars, ie ne fu pas peu confirmé & assuré en ma resolution, par la venuë de Xauier, que Dieu comme d'vne certaine prouidence, m'enuoya en ceste ville pour le salut de mon ame, dont s'estant absenté pour voyager au Cap de Commorin à la reueüe des Chrestiens, il me laissa la charge d'enseigner en priué tous les iours le Catechisme aux enfans, que nous entretenons à la maison, & de faire le mesme ie Dimanche au peuple, en l'Eglise, luy declarant aussi l'Euangile S. Matthieu. Quelque temps apres il comença, de tenir propos, du pais de Iapon (duquel vous aurez entiere cognoissance, & scaurez, les coustumes, & façons des habitans par le liure que nous vous enuoyons à part) montrât quelque volonté d'y faire vn voyage si tost qu'il seroit de retour de Comorin, & de me me-

ner en sa compagnie, chose que i'estime pour l'vne des plus grandes faueurs que Dieu me fait onques, estant bien deliberé de le suiure, quelque part qu'il voudra, ie n'ay que peur d'estre ingrat enuers Dieu, des graces & biens qu'il continuë en mon endroit. Et partant ie vous supplie mes Peres, & freres selon Dieu, aidez moy à luy rendre graces, tant pour m'auoir appellé à ceste sainte congregation, que pour m'auoir esleu l'vn de ceux qui vont es pays de Iapon, Au reste nous auons en ce College, vn ieune homme nommé Paul de sainte foy. Iaponois, de bon esprit, de grande memoire, & bien instruits en la cognoissance du vray Dieu, baptisé seulement depuis six mois, & qui scait fort bien par cœur l'Euangile de S. Matthieu tout entier, l'ayant apprins fort heureusement en deux fois seulement que ie luy ay déclaré. Quant à nostre voyage, nous esperons qu'il sera sur ce mois d'Auril prochain, & si nous nous assurons, qu'il sera de grand profit pour la Religion, Chrestienne, mesmes que les Iaponois tiennent entre eux vne ancienne opinion tout comme pouracle. Qu'vn temps viendra qu'ils receurot vne loy beaucoup meilleure, & plus sainte que celle dont ils vsent maintenant, cependant nous nous recommandons de bon cœur à voz prieres, & saints sacrifices, à Goace 25. de Mars 1549.

François Xauier à ses freres de la Compagnie du nom de IESVS.

UE vous ay escrit bien au long ce mois de Iauuier dernier passé les beaux, & plantureux fruits que produit ceste vigne Indienne; & que la sainte foy Chrestienne va de bië en mieux, croissant nō seulement es chasteaux & forteresses du Roy, mais aussi par toutes les villes & bourgades des infideles: maintenant ie vous ay à dire comment ie me suis acheminé depuis le mois d'Auril, vers le Iapon, accompagné de deux des nostres, l'vn Prestre nommé Cosme de Torres, l'autre laic, & de trois Iaponois n'agueres baptisez, que Dieu à

mon aduis a caressé d'une grande, & fort particuliere faueur, car si tost qu'ils eurent receu le saint baptesme en nostre College de Goa, la diuine bonté les remplit d'une douceur, & ioye spirituelle si extreme, & leur donna vn tel sentiment de sa liberalité enuers eux, qu'ilz ne se pouuoient ordinairement tenir de pleurer, telle estoit l'allegresse, & tranquillité de leurs consciences. Au demeurant c'est merueille du profit qu'ilz ont fait en toutes vertus, qui nous pourrôit bien seruir d'un beau & bien plaissant sujet: quand nous en voudrons parler, & si avec tout cela, ils ont appris à lire & escrire, & à certaines heures du iour, ils attendent à prier Dieu deuotement, lire & mediter les mysteres de la passion de nostre Sauueur Iesus-Christ, car ilz me respondirent vne fois, qu'ilz trouuoient plus de goust & de contentement quand ils faisoient leurs prieres ou meditations sur ce point, qu'en tout autre sujet, ayant cependant à loisir trebien compris les articles de nostre foy, les causes de l'incarnation du filz de Dieu, de la redemption des hommes, & les autres mysteres de la Religion Chrestienne. Je leur ay demandé souuent quelles ceremonies, & quels exercices de tous ceux de nostre loy ilz pensoient leur estre les plus vtils & profitables: & ilz m'ont toujours...anchement & librement respondu que c'estoit la confession, & la Communion, adioustant d'auantage ce mot qu'il n'ya homme de bon sens qui ne soit comme contraint de receuoir la doctrine des Chrestiens, apres en auoir eu la cognoissance. Et si l'ay par fois ouy l'un d'entre eux, nommé Paul de sainte foy dire en soupirant: O! pauvres abusez Japonois, qui adorez comme Dieu, ce qu'il a créé, & fait seulement pour vostre usage! comment doncques, d'oisie? c'est faisoit-il, pour autant qu'ilz font hommage au Soleil & à la Lune, qui sont creatures seruantes à ceux qui croient en Iesus-Christ, car que font ces estoilles autre chose, qu'esclairer de iour & de nuict, à fin que les hommes mortels vsent de ceste lumiere & clarté à la gloire & au ser-

uice de ce grand Dieu, & de son filz vnique nostre Sauueur.

Mais pour reuenir au discours de nostre voyage, nous arriuames à Malaca le dernier iour de May de l'an 1549. Là où ie receus nouvelles par lettres des Portugais qui sont au Japon, que l'un des plus grands Seigneurs du pays se vouloit faire Chrestien, & qu'à ces fins il m'adoit quelque Ambassadeur au Viceroy des Indes pour auoir quelque nombre de maistres, & Predicateurs de nostre Compagnie. Ils escriuoient aussi que certains marchans Portugais & sans retirez par le commandement du Seigneur du pays en vn logis sujet à plusieurs incursions, & rauages d'esprits malins, & par ce du tout deshabité, la nuict ne sachant que c'estoit ils sentirent qu'on leur tiroit la couuerture & les habillemens, & reveilliez du cry que ietta vn de leurs seruiteurs, effrayé d'une horrible vision qu'il eut, meirent la main aux armes, & puis le seruiteur ayant cerné de croix tout le logis, ils furent avertis finalement par le Prince, & des habitans du lieu, que le diable estoit logé leās, & demanderent s'ils n'auoient aucun moyen de l'en ietter dehors. Ausquels ils feirent responce, que contre le mauvais esprit, il n'y auoit meilleure targue que le signe de la croix, de façon que depuis les habitans auoient presque tous planté des croix deuant leurs maisons. Dauantage ces lettres portoient que le Pays de Japon estoit fort à propos pour y annoncer l'Euangile du filz de Dieu, pour autāt que ce sont gens debonnaires, de bon esprit, & dociles: ce qui m'a donné grand esperance, que si nos pechez n'empeschent que Dieu fauorise cest entreprise, vn grand nombre d'ames se rangeront entre les bras de l'Eglise. Si est-ce qu'apres auoir ouy toutes ces nouvelles qui me sembloient fort bonnes, ie me teins encor sur moy pour deliberer plus meurement de mon voyage, mais apres que ie fus suffisamment instruit, assure que la volonté de Dieu estoit telle, & que si ie rompois mon entreprise, ie serois plus detestable que les mesmes Japonois idolatres

(combien que cest ennemy mortel du salut des hommes, s'efforce tant qu'il peut de retarder, & empescher ce voyage) j'ay resolu de passer outre couragement, & d'entrée accoster le Roy de Japon, & luy, declarer en somme la loy du Createur. Et j'aisoit qu'en la ville Royale il y ait (à ce qu'on dit) vne fort noble academie, si est-ce que si nous venons à disputer, ie tiens, delia la victoire en main, par la faueur, & assistance de Dieu: car ny les argumens captieux de ces sophistes, ny les menaces des barbares, ny les ruses de Satan ne me font peur. Et de fait quel mal nous peut faire la science de ceux qui ne cognoissent pas Iesus Christ, ou la violence & fureur de ceux qui n'ont sur nous qu'autant de puissance que Dieu leur en permet: ioint que nous n'entreprenons ce voyage pour autre raison, que de son honneur, & pour le bien & profit spirituel des ames: & l'histoire de Iob nous rend vn euident témoignage, que le diable ne luy peut oncques rien faire, sans le congé & permission de Dieu. Bien suis ie en grand soucy & peine ordinairement de n'offenser d'auantage le Createur, selon que la fragilité de l'homme est grande, & n'abuser de la faueur, & du secours qu'il presente libéralement à ceux qui trauillent pour son seruice, ce que l'esperance ne nous aduendra point, appuyez sur les merites & prieres de la sainte mere Eglise (de laquelle nous essayons d'accroistre le domaine, induisât les ames à la cognoissance du Createur,) & particulièrement de la Compagnie du nom de Iesus.

Au demeurant: le voyage de Japon est sujet à beaucoup de grands dangers, tant pour les brigadages ordinaires, que pour les estranges tempestes, qui s'esleuent si furieusement sur ceste mer, que ceux là qui entreprennent la navigation s'estiment bien heureux, si de trois nauires les deux viennent à bon port. Ce qui m'a donné souuent occasion de craindre que ceux qui des plus doctes de la Compagnie seront enuoyez pardeçà, n'aillent philosophant que ce voyage est temeraire, & que ce ne soit, tenter Dieu, de

s'exposer à des hazards si euidens, toutesfois ie les descharge dès à present de se scrupule, pour autant que ie m'assure, que l'esprit de Dieu, est le gouverneur de la science, & des lettres qui sont en la compagnie. Cependant il me souuient presque à chaque coup d'vn propos que j'ay ouy tenir autrefois à nostre Pere Ignace, que tous ceux de nostre profession se deuoient grandement, & de toute leur force euertuer de se desfaire de toute crainte legere, & se despestrer de tous autres motifs qui empeschét que l'homme ne mette du tout, & entierement son espoir, & fiance en Dieu. Neantmoins comme il y a difference entre ceux qui ont leur esperance en luy, mais par tel si qu'ils ont bonne prouision de tout ce qu'il leur faut, & ceux qui pour suivre Iesus Christ de plus pres, & s'appuyer entierement à Dieu, se sont despoüillez de tous les moyès qu'ils auoyent en ce monde, aussi certes y a-il bien à dire entre celuy qui proteste d'auoir son entier refuge en la bonté diuine, estant toutesfois en lieu bien asscuré, & comme à l'ombre, & celuy qui n'ayant rien autre deuant les yeux que la gloire & l'honneur de Dieu, se iette presque tous les iours hardiment à trauers les dangers. Que s'il s'en trouue point aucun semblable, certes ie croy qu'en peu de temps il sera touché d'vn grand desir de s'en aller en paradis, & sera chargé d'vn gros ennuy de plus seiourner en ce monde, car en veüt ceste vie humaine qu'on appelle, est plustost vne mort continuelle, & vn triste & miserable exil du Royaume Celeste.

Quand aux Japonois (à ce que noz compagnons nous en ont fait entendre) iis sont fort superstitieux: & la pluspart d'iceux, viuent comme certaine espee de Moynes dedans des Cloistres, sans manger ny chair ny poisson, de maniere que fuyant le conseil de mes compagnons, de peur que les Barbares ne se scandalisent de moy, si le cas le requiert ainsi, ie m'en vay faire vne continuelle diette. Ces beaux religieux aussi (comme disent ceux qui en viennent) sont de grande autorité

enuers le peuple, ce que ie vous escriis, à fin que vous cognoissiez à quelle maniere de gens nous aurons à faire, & quel besoin nous aurons de vos prieres, & des suffrages de toute la Compagnie.

Au reste i'espere bien partir de malaca le iour de saint Iean Baptiste, ayant promesse des Mariniers que dans deux mois nous ferons ce voyage, & quand ie seray ioint à Iapon, ie vous donneray information des mœurs, coustumes, & façons de Religion du pays, ce pendant i'ay quelque bonne esperance en ce que me dist Paul de sainte Foy, que ces gentils Religieux Iaponois, s'exercent en leurs meditations en ceste maniere, c'est: Que le superieur du Cloistre (qui est ordinairement le plus sçauant d'entre eux) assemblé qu'il a ses domestiques, met en auant quelque point sur lequel il fait vn petit discours tout le premier, & puis il assigne à chacun certains lieux communs pour penser là dessus, comme seroit pour exemple: Quand quelqu'vn est prest à rendre l'esprit, ayant perdu la parole: Si d'adventure Dieu donnoit la parole à l'ame, en quel langage parleroit elle au corps? Item, si quelqu'vn reuenoit des enfers, quels propos tiendroit il? & puis ayant ainsi fait la proposition à ses gens, il leur prescrit vne heure entiere pour songer là dessus, apres laquelle il vient demander à chacun ce qu'il a pensé, comme vn prix fait. Si quelqu'vn s'est bien aquiré de son deuoir, il est loué publiquement deuant tous, autrement il est tançé, & repris. Ces mesmes gens aussi prechent tous les quinze iours au peuple, qui s'assemble en bon nombre pour les ouyr, & au milieu de leurs sermons, ils monstrent à leurs auditeurs, peints en vn tableau, tous les plus cruels tourmens d'enfer, qui est vn spectacle si affieux, que bien souuent les assistans se mettent à gémir & hurler, mesmes les femmes. A ce propos ayant vne fois demandé à Paul, s'il se souuenoit point de quelqu'vn de leurs sermons, il me fait responce qu'il auoit bonne memoire d'vn qui dit vn iour, que l'homme & la femme addonnez à vice & meschan-

coitez, songent plus que le diable mesme, car par leur moien & industrie, ils n'ont onc beaucoup de pechez enuoyez, car il ne sçauoit auant son mortelle execution, comme dire saint Iehan l'apostolique, de se ober, adulterer, & autres tels pechez execrables. Ie prie le Seigneur Iesus, par sa bonté infinie, de nous vouloir tous renouuer, & rassembler là sus en sa gloire, car ie ne sçay bonnement quand nous nous pourrons iamais reuoir en ce monde. De Malaca le vingdeuxiesme de Juillet 1547.

*Cofme de Torres à Antoine de Quadros,
Prouinciales Indes de la Compagnie
du nom de IESVS*

Es bestes nouvelles qu'auons receu ceste année des Indes par vos lettres, nous ont donné ample matiere de rendre grâces à Dieu d'vn si bon succès, & cependant nous ont conuie à vous mander en eschange, l'estat des affaires du Iapon, qui ne furent iamais en meilleure disposition, parquoy ie vous veux informer en premier lieu des qualitez du pays, (iaçoit que plusieurs vous en ayent souuent escrit par le passé) & puis ie vous narreray l'heureux succès de la Chrestienté, mesme ceste dernière année, le tout à la gloire de celuy qui est l'auteur & source de toutes choses bonnes,

Quant à l'Isle de Iapon, elle est assise au mesme climat que l'Espagne, aussi les fruits y sont la plus part presque semblables, car elle est fertile & fort peuplée d'arbres, avec force mineries d'argent. Les habitans sont belliqueux, & font leur idole principal de l'honneur, à l'occasion duquel sourdent par fois de grosses guerres, & s'y font beaucoup de meurtres, voire on en trouue beaucoup qui se font mourir eux mesmes, pour ne tomber en deshonneur, ce qui est cause aussi qu'ils reuerent leurs parens, gardent la foy à leurs amis, & s'abstiennent d'adulteres, de larrecins, & autres crimes enuoyez.

Le gouuernement du pays est de trois

Costes: le premier degré & rang est tenu par le souverain Pontife, & administrateur des superstitions qui y règnent, ayant entier & absolu commandement sur toutes les coëccanités, publiques & particulières. Et si quelque secte de Bonzes s'élève & dressé de nouveau, elle n'a aucune autorité ny credit deuant qu'il l'ait approuuée par des lettres patentes. Aussi est-ce sa charge de créer & consacrer certains nonnez Tondos, qui sont comme Eueques, & combien qu'en quelques endroits les Princes ayent le droit de nomination gens de grande autorité enuers tous, & s'ils établissent des Prestres, & conferent les benefices. D'auantage ce Pontife donne tous priuileges, & les exemptions ou immunités des charges profanes & seculières, ayant remis aux Tondos ce pendant le pouuoir de dispenser es choses plus, legeres, comme le droit de pouuoir manger de la chair les iours defendus, que le peuple est costumier d'aller en pelerinage voir les Idoles, & autres telles petites occurrences. Les Chinois ne donnent iamais c'est estat à personne qu'en consideration de son erudition & sagesse, mais les Japonois font election de celuy qui est de meilleure maison, plus noble, & plus riche estant au demeurant son domaine de grande estendue, bien renté, & si puissant que par fois il fait teste aux Rois seculiers: & voila quant à la Religion & superstition du pays.

Quant à l'autre forme de gouvernement, elle est diuisee en deux: car il ya deux Chefs, qui ont toute puissance, l'un desquels prend la congnoissance des causes qui touchent l'honneur: l'autre fait l'estat de Iuge, & cognoit des differens entre les parties, & decider des proces. Celuy qui est le Chef quant à l'honneur, s'appelle vulgairement Vo, choisi & constitué en dignité par succession de race, & adoré comme s'il estoit quelque Dieu. Et de fait il ne luy est loisible de marcher à terre, sur peine d'estre priué de son estat, & s'il ne sort iamais du pourpas de son logis, ne se lassat aussi veoir que fort rare-

ment, mais où il se fait porter en lictiere par sa maison; où il va sur des eschasse de la hauteur d'un grand pied. Il est assis ordinairement en vne chaire, ayant vne courte dague d'un costé, & de l'autre un arc & des fleche: sa robe de dessous est noire, & celle de dessus rouge, couuerte tout à l'entour d'un fin & delié drap de soye, son bonnet à des petits chapelets pendans, comme vne mitre pontificale, son front est peint, de couleur blanche & rouge, & le terton à table de vaisselle de terre. Par son aduis & seui iugement, titre d'honneur est baillé à chacun, tel qu'il luy appartient par tout le Japon, là où aussi il a beaucoup de degrez & difference de dignitez, que l'on congnoist à certains caracteres & marques, cesquelles ils se seruent à cacheter les lettres, & se changent ordinairement selon la qualité des rangs. Et de fait nous auons veu que le Roy de Bungo, depuis que nous sommes arriuez en ceste ville à changé ces titres d'honneur, plus de trente quatre fois. Or tous les Potentas, Gouverneurs, & grands Seigneurs du pays ont leurs Procureurs aupres de ce grand Vó, & pour ce que c'est vne nation merueilleusement alterée d'honneur, & de louange, ilz sont entre eux à l'enuy, à qui par dons & presens gainera mieux sa bonne grace, & par ce moyen il deuient si riche, n'ayant autrement ny fonds ny rente, qu'avec ceste riche proye, il est estimé le plus pecunieux homme de tout le Japon. Si est-ce que nenobstant toute ceste autorité, il peut perdre son estat aduenant l'une des trois choses: assçauoir, s'il touche la terre avec le pied, s'il commet aucun meurtre, ou s'il denient enuemy, & pertu hateur de la paix, & repos public: si ne peut-il iamais la vie pour aucune de ces trois choses qu'il face.

Le dernier Chef du gouvernement s'appelle Quingue, ayant comme deux compagnons & assistans avec soy, l'un nomme lingé, & l'autre Goxo, & s'estend sa charge sur les affaires de la guerre, soit pour les esmonuoir quand la cause en est iuste à son aduis, ou pour faire la paix, &

chastier les seditieux, & perturbateur du repos public du Royaume, se seruât pour ce fait des forces, & de l'aide des Princes du pays, estans tenus de luy obeyr, sur peine de confiscation de leurs biens, au profit des villes les plus voisines. Tels sont les Magistrats, & leur maniere de gouverner, auxquels pourtant les plus grands n'obeissent pas entierement, d'autant qu'ils veulent decider leur droit plustost par armes que par les loix: mais quât au peuple, chacun obeyt à son Prince en matiere ciuile, & aux Tondos, en ce qui concerne la religion, & ceremonies, comme à Chefs d'icelles. Ces sectes sont environ douze en nombre, selon que j'ay escrit autre fois, lesquelles cōbien qu'entre elles ne s'accordent gueres bien, ny en superstitions, ny en ceremonies exterieures, si est-ce que toutes tendent à vn mesme but, qui est d'abolir l'immortalité de l'ame. Et jaçoit q̄ ces maistres sectaires facent adorer au peuple plusieurs Dieux, sous diuers noms qu'ils leur baillent, si tiennent-ils entr'eux qu'il n'y a rien d'immortel, ains que toute chose est suiectes à naistre & mourir, & que les hommes, les animaux, & les herbes, reuēt au mesme lieu, en perissant, d'où elles sont illiēs. Et pour confermer ceste meschante opinion, & en abbreuer mieux leurs esprits, ils ont en main environ deux mille cinq cens propositions, pour mediter, de façon qu'apres les auoir longuement ruminées & pensé sur icelles, l'homme abandonne toute religion, & s'alleure comme endormy en ceste maudite obscurité & ignorance. Je vous en diray quelques-vnes, pour mjeux inger des autres: demandez (disent-ils à la teste d'un homme separé du corps, Qui es-tu? & nous verrons ce qu'elle respondra. Item, qu'un mesme vent tend vn son tout diuers, selon qu'est la qualité du corps qu'il rencontre. Finalement ils soustiennent, que ce qui est fait de rien, se resoult en rien, & que l'homme a trois ames, qui entrent & sortent du corps par ordre l'une apres l'autre, seulement il y a ceste difference, que celle qui y entre la premiere

en sort la derniere, Au reste, ils tiennent ces bourdes & resueries fort secretttes, & si les vendent pourtant bien cherement.

Entre ceux qui adorent comme Dieux, les hommes qui furent iadis scauans, il y en a aucuns qui idolatrent vn nommé Xaca, que l'on dit auoir esté le fils d'un Roy, fort docte, & qui a laissé par escrit a la posterité beaucoup de meschâtes opinions, tellement qu'ils adorent encore avec luy vn sien liure nommé Foquequi, disent que sans l'aide de ce liure, personne ne peut estre sauué, & que par son moyen les herbes & les arbres seront bien heureux: la substance de tout ce beau liure, est de persuader qu'il n'y a aucun principe duquel toutes choses dependent.

Ceux qui adorent le Soleil & la Lune, ont vn idole nommé Denix, peint à trois testes, disans que c'est la vertu, & la vigueur du Soleil, de la Lune, & des Elements. Ces mesmes idiots abusez adorent, & sacrifient choses precieuses à vn fantosme d'un diable, qui leur apparoit par fois visiblement, estans fort adonnez à enchanremens, & enpoisonneurs de tout contraires. & ennemis iurez de la Religio Chrestienne. Il y a vn autre idole, qu'on dit auoir esté le fils d'Amida, lequel est adoré de bien peu de gens, mais ceste superstition neâtmoins est fort estimée entre eux, & harboient les prieres d'iceluy à toutes heures du iour. Et pour ce que nous auons parlé de ceux qui s'appellent contemplatifs, qui sont en plus grand nombre, il faut entrer en propos de l'estat de la Chrestienté, & des affaires d'icelle, qui ne furent iamais a mon aduis en meilleure disposition, car iusques à present nous auons esté tellement empeschez, & broüillez des guerres civiles, & seditions excitées dans ce Royaume, que non seulement il ne nous estoit possible de donner accroissement à la Religion Chrestienne, mais à peine pouuions nous conserner & maintenir en son entier ce que nous y auons de la piété.


Or ceste année le Roy de Bungo, nostre amy, a si heureusement combattu ses


ennemis, qu'il les a presque du tout vaincus; de sorte qu'après ceste sienne victoire, nous auons iouy d'une telle & si heureuse paix & repos, que ie voy vne belle & grande porte ouuerte pour la predication de la parole de Dieu. Et neantmoins nous ne sommes en tous ces pays & Provinces de Iapon plus que six personnes de la Compagnie. La premiere demeure que nous y auons, est celle de Bungo, ville Royale, située vers le Septentrion trête trois degrez & demy, & toute ceste partie de l'Isle est fort auancée vers le Pole arctique, peuplée de la de beaucoup de Chrestiens, bons, & fermes en leur foy, qui s'augmentent de iour à autre: entre lesquels il y en a plusieurs de l'ordre des Contemplatifs, qui se conuoyent, & induisent l'un l'autre à Iesus-Christ, ainsi que vous entendrez plus au long par d'autres lettres.

Or quant à la façon de viure & bonnes mœurs des Chrestiens, vous en serez informé plus au long par les aduertissemens de mes compagnons, si vous diray ie bien que de tant de Barbares, & pays des Chrestiens que i'ay veu, ie ne trouuay onques nation ny plus obeysante à la raison, quand on la luy fait cognoistre, ny mieux affectée à la pieté & penitence: de maniere que quand ils vont à la Confession, ou à la sainte Communion, ils ressemblent plustost estre quelques Religieux, que Chrestiens nouuelets, & apprentifs. Au reste, ils sont bien si constans en leur foy, qu'estans ceux de Firando chargez d'iniures, d'outrages, & bannis pour le seul fait de religion, & plusieurs d'eux abandonnans leurs biens & maisons, vindrent demeurer à Bungo, estimans beaucoup mieux l'amour de Dieu, que les commoditez & richesses. Et pour mieux cognoistre leur pieté & deuotion, notez ce qui s'ensuit: Quand on

donne le signe avec la cloche, à certaines heures du iour pour seruir Dieu, ils y vont d'une telle affection, & gayeté, que non seulement les hommes, les femmes, & ieunes gens, mais les petits enfans mesmes qui ne sçauent encore parler, & n'ont vsage de raison, se iettent à deux genoux pour faire leurs prieres. Et de fait n'agueres qu'un Chrestien me feit le recit, que ayant enuoyé vne sienne petite fille querir du vin en vn logis, sur le point que l'otroit le vin du tonneau, elle ouyt le signe de la cloche pour dire l'Aue Maria, & laissant là la bouteille se mit à deux genoux, sans se leuer deuant qu'elle eust recité cinq fois la Patenostre, & autant la salutation de l'Ange à la Vierge Marie. Dequoy les Barbares qui le trouuerent pretens, s'elbayrent de façon, qu'ils se prendrent à dire entre eux, qu'il n'y auoit aucun Dieu pareil à celuy des Chrestiens, puis que les petits enfans mesmes enseignoient comme il falloit viure. D'auantage ils estimant tellement les petites Patenostres benites, qu'ils ne cessent de dire celles que nous auons mises en quelques lieux publiques, & plus deuotieux, & si quelqu'un en a en son particulier, il n'y a celuy qui ne les veuille auoir à son tour, & ne leur sçaueroit-on hailler chose en ce monde plus à leur gré. Et parce ie vous prie de nous enuoyer de ces chapellets avec ceux que vous nous enuoyerez à nostre aide, puis que lon en tient icy vn si grand conte, & assurez vous que l'un & l'autre bienfaict sera mieux colloqué qu'au Brasil, ou à maluco. Dieu veuille que vous puissiez cognoistre à bon escient, le grand besoin qu'auons d'estre secourus, & ie le supplie nous vouloir donner, & à vous aussi forces pour le seruir, Adieu. De Bungo le neuuesme iour d'Octobre. 1561.

F I N.


TABLE DE L'HISTOIRE
DES INDES ORIENTALES
 CONTENANT LA CONVERSION
 DES INDIENS.

A.	
	<p>CTIONS vertueuses & notables au P. Xavier recherches apres son decez par le commandement du Roy de Portugal. p. 12</p> <p>Aceuiens peuples belliqueux 6. victoire preueüe & predite. page. 8. 9</p> <p>Adamas Roy d'Etiopie traite mal le Patriache & ses compaignons. 29</p> <p>A ère heroique & admirable. 23</p> <p>Affection des Barbares à nostre foy. 38</p> <p>Afflictions predites par le P. Xavier. 9. 16</p> <p>Aliance & ligue des Chrestiens Indiens contre les Mores. 41</p> <p>Alphonse de Castro tué par les Mores. 44</p> <p>Amis pour ce meurtre. 35.</p> <p>Altitur sauuage, & son humanité. 43</p> <p>Almeide grand briseur d'Idoles. 15</p> <p>Amboino Isle enclauée en la Prouince de Maluco. 36</p> <p>Apostres de Portugal quelz. 12</p> <p>Apparition de la vierge Mere au Roy de Monomotapa. 30</p> <p>Articles de nostre foy mis en Iaponnois. 36</p>
B.	
<p>B Adap Tyran furieux. 19</p> <p>Barbares garants de plusieurs incommo- ditez par le baptesme. 39</p> <p>Badagaar ennemis des Chrestiens. 45</p> <p>Bazam ville. 12</p> <p>Bihaga Royaume. 4. 5</p> <p>Biachimanes conuertis. 16</p>	<p>Catnero defendant la foy contre vn Armenien court hazard d'estre tué. 16</p> <p>Cocin ville paisible 15. a vn College. 16</p> <p>College de la Compagnie à Malaca. 33</p> <p>College premier de toute l'Asie à Goa, à quel- le fin erigé 33</p> <p>College de la Compagnie à Coulan. 18</p> <p>College de la Cópagnie à uasin par qui fôdé 21</p> <p>Colimanes fleue. 28</p> <p>Cagoxima ville du Iapon. 56.</p> <p>Confrairies aux pays de Travancor. 18</p> <p>Consaluo predic la mort. 36. sa resolution à mourir. 18</p> <p>Consaluo Silueria par sa priere fait cesser l'ora- ge. 28</p> <p>Consaluo Silueria caché dans le nauire durant huit iours & pourquoy. 28</p> <p>Constance & resolution des Barbares contre les Mores. 40, 50.</p> <p>Conuersion & baptesme du roy de Monomota- pa & de sa mere, & de trois cens grands Sei- gneurs du Royaume. 31</p> <p>Conuersion de la Princesse Elisabeth, apres auoir disputé avec le P. Xavier. 34</p> <p>Conuersion de vingt mille personnes. 13</p> <p>Conuersion du Diable en l'honneur de S. Iean. 16</p> <p>Contolations spirituelles du P. Xavier, 4. 5.</p> <p>Coullan ville des Indes. 18</p> <p>Constance des nouueaux Crestiens de Mala- uar 41, 42.</p> <p>Constance d'une Dame Moresque cōuertie. 17</p> <p>Coustume mauuaise des Amboinois abolies. 36</p> <p>Cuama grande riuere. 28</p> <p>Chrestiens de Commorin en grand nombre & les meilleurs. 19</p> <p>Chrestiens Amboinois en bon nombre. 36</p> <p>Chrestiens de Comorin abastardis 2. remis par le P. Xavier. 36</p> <p>Chrestiens de l'Isle del Moro en grand nombre entretenus par la diligence des Peres de la Compaignie. 39</p>
C.	
<p>C Amotis & son zele, & affection au baptes- me. 15</p> <p>Gastes impatiens & idolatres. 21</p> <p>Caiado Portugais trucheman du Roy de Mo- nomotapa. 30</p> <p>Cap de Commorin. 11</p>	

T A B L E.

Chrétiens de Punicale bannis de leurs pays pour la foy.	19	Monomotapa par Confaluo.	30
Claude Roy d'Ethiopie.	24	Isles de Maluco & Amboino.	5. 6
Criminale natif de Parme de la compagnie tué par les Badagaas.	45	Isles del Moro.	4. 5
Croix erigées aux Indes.	38. 39. 42	Vn Iuif docte & sçauant conuert.	33
Croix veüe au Ciel.	20	L	
D		L Abonama ville Royale.	38
D Amana ville frontiere.	17	L Liberalité du Roy de Portugal.	23
Deuotion des soldats	13	Lopez rüé par les Mores pour la constance en la foy.	16
Deuoir grand de ceux de la Compagnie	24	M	
Diego chef du College de Goa 9. transporté à la Compagnie.	24	M Acazar bon & grand pays.	37
Differens appaisez par les Peres au Royaume de Trauancor.	18	M Martyre des Chrestiens Comorinois.	41
E		Martyre & mort de Confaluo.	32
E Au beniste & sa vertu aupres des Barbares.	38	Manades nation belliqueuse.	34
Eglise bastie pour les Chrestiens par le Roy de Trauancor.	18	Macazar aurre pays plus petit.	37
Eglise dediee à la Vierge Marie.	28	Masita riuere.	28
Eglises des Indes obeyssent au Pape.	5. 6.	Mascarene Ambassadeur du Roy de Portugal à Rome.	1
Embusches dressées à Confaluo.	31	Mahometisme semé à Sotor	38
Enfans de diuerses nations entretenus à Goa	13	Malaca autrement Chersonese d'or.	33
Encoses du Royaume de Monomotapa remonstrent au Roy sa cruauté.	32	Meaco capitale du Japon.	5. 6
Esprit des Brachmanes quel.	21	Mingoaxanes Roy de Giloa.	28
F		Miracle auenu en la personne d'vn Pilote Portugais.	37
F Aueurs du Roy de Monomotapa à Confaluo.	30	Monomotapa Royaume.	27
Forme d'enqueste de la vie du Pere Xavier prescrite & ordonnée par le Roy de Portugal	2	Minyuames Cacize de Mozambique.	31
Flotte Morelique escarree & froissée.	41	Mores chaisez de leur Mosquee & comment.	25. 29.
Femme demoniaque deliuree.	29	Mores & leurs brauades.	39. 40
Fulgence Freyre, de la Compagnie mis à la cadene par les Turcs, finalement racheté.	27	Mort mesprisee.	4. 5
Froidures tres-aspres au Japon.	56	Mores miraculeusement deliurez du Naufrage, & baptizez.	8. 9.
G		Mosquee de Bazain demolie.	33. 34
G Anfares, & leur consultation.	14. 15	N	
Gaspar flamen premier de la Compagnie enuoyé à Hormuts & la peine qu'il y prit.	24. 25.	N Eucu du Roy de Solor esleu Roy, enuoyé à Goa pour estre instruit à la foy.	38
H		Nugnez Pere de la Compagnie Patriarche d'Ethiopie meurt à Goa.	29
H Ormus Isle & ville au golfe Persique.	28	P	
& ses incommoditez.	25	P Asteurs & Predicateurs persecutez des Mores.	43
Hostel des Carecumenes à Goa.	14	Patriarchat d'Ethiopie defere à Oniedo apres la mort de Nugnez.	29
I		Poisons ordinaires & coutumiers.	4. 5
I Gnace Loyola premier fondateur des Peres Iesuites	pag. 7	Portugais martyrisez.	27
Iauares garnemens cruels & barbares.	5. 6	Presens du Roy de Monomotapa à Confaluo, refusez & pourquoy.	29
Ieufnes des habitans de Socotera & de leurs prestres.	21	Le Prince de l'Isle de Bazain accompaigné des siens, confesse Iesus Christ.	34
Idoles detestees.	15. 16	Procession ordonnee à Maluco.	34
Ioia Royaume Gentil resiste aux Mores, & cherit les Portugais.	38	Profession des langues Indiennes au College de Goa.	13
Inhamior Roy demande le Baptesme qui est differé & pourquoy.	29	Le Prince de Ceilan fait estrangler son fils en haine de la foy Chrestienne, dont il faisoit profession.	20
Inhambanes Royaume.	27	R	
Image de la vierge Marie donnee au Roy de		R Eligieux de la Compagnie persecutez.	19. 20.
		Recanuios constant en la foy.	40. 50

T A B L E.

Requête de l'Ambassadeur de Portugal touchant les Peres de la Compagnie du nom de I E S U S.		Tesmoignage honorable du Roy de Gerlolo More en faueur d'Alphonse.	35
Repentance du Roy de la mort de Consaluo.	33	Timor Isle, ses habitans sans religion quelconque.	38
Responce courageuse d'une fille.	40. 50	Tongen ville capitale du Royaume d'Inhambanes.	27
Le Roy d'Inhambanes, & sa suite baptise.	27	Tolo ville aux Isles del Moro.	5, 6.
Royaume de Cambaya imbu du Christianisme par vn Iacobin.	38	Trauancor Royaume conuertey à Iesus Christ, par Xavier.	2
Le Roy de Supanes conuertey.	37	V.	
Roy conuertis.	14	V Lateans & leurs prieres exaucees.	40
Roy conuertis.	34	Vertu du sacrifice de la messe.	29
S.		ente d'enfans 23. leur exercice.	29
S Antian Isle.	11. 12	village de la Trinite pourquoy ainsi nomme.	22
S eminaire des missions pour les Indes erige à Conimbré.	1	Vn vieillard demandant baptesme predict sa mort.	23
Siege de Malaca cognu par reuelation par le P. Xavier.	9. 10	X.	
Silueria Portugais passe aux Royaumes d'Inhambanes & de Monomotapa.	27	L E P. Xavier de la Compagnie du nom de Iesus. enuoye en Portugal. 1. & de là aux Indes 2. sa courtoisie, & de bonnairété ib. sa façon de viure ib. & 11. 12. ses occupatiōs estant arriue à Goa ibid. & 4. 5. defriche la vigne Chrestienne de Comorin.	
Paix perpetuelle entre les Portugais & le Roy de Trauancor, moyennee par les Peres Iesuites.	18	Concubinaires conuertis par le P. Xavier.	9, 10
Simon Roderic Iesuite compaignon de Xavier retenu en Portugal.	1	Predictions du P. Xavier.	9. 10
Socotora Isle où situee.	21	Pauvretye aymee du P. Xavier.	4. 5.
Socotorois conuertis pieusement à la foy par S. Thomas.	21	Mort du P. Xavier.	11. 12
Socotorois hautains & fiers.	21	Mort de Ieã Darauis reuelee à Xavier.	6. 10. 11. 12
Soloa contree fort saine 45. le Roy d'icelle baptise par vn marchand Portugais.	38	Chemin de Japon difficile au P. Xavier.	5. 6
Soldats Portugais deuots.	17	Miracles de Xavier.	9. 7. 8. 9
T.		Le corps du P. Xavier tout entier & vermeil encor auourd'huy.	11. 12
T Anaa ville.	21	Merueilles de Dieu allentour du corps de P. Xavier.	9. 10
Ternate Isle de Maluco.	33. 34		
Ternate defendue des Mores.	34		

+

H





Handwritten text, possibly a signature or date, located in the upper right corner of the page.

